

S T E N O G R A M
12. RADNE SJEDNICE SKUPŠTINE KANTONA SARAJEVO
ODRŽANE 24.11.2023.GODINE

Elvedin Okerić (predsjedavajući)

Otvaram 12. Radnu sjednicu Skupštine Kantona Sarajevo. Himna Bosne i Hercegovine.
Poslovnička intervencija. Zastupnik Faruk Selmanović poslovnička intervencija.

Faruk Selmanović (zastupnik)

Zahvaljujem, predsjedavajući, samo jedno pitanje molim vas. Obzirom da raspravljamo o najvažnijem dokumentu u Kantonu Sarajevo za sljedeću godinu interesuje me da li je 12. Redovna sjednica Skupštine Kantona Sarajevo zakazana u skladu sa Poslovnikom članom 147. Koji kaže da mora proći rok od 14 dana od dan dana dostavljanja prijedloga nacrt zakona, a Presuda Ustavnog suda Federacije 29-15. od 17. 2. 2016. godine kaže da se svi rokovi računaju od narednog dana, od dana kada je neki akt primljen, tako da je po tome je danas 14. dan.

Elvedin Okerić (predsjedavajući)

Kolega Selmanoviću sve prethodne sjednice i tačke koje tretira ovaj član Poslovnika, a to jeste da se zakoni zakazuju, odnosno da se sjednice zakazuju 14 dana na kojima će se raspravljati zakon i do sad smo ih usvajali, i to je praksa koja je dugogodišnja i tu nema ništa sporno. Tako je. Ja ne znam, ne znam kako vi brojite, vi, naravno, ako imate svoj neki način brojenja brojite, ovako služba broji godinama, tako da, eto, to bi bio moj odgovor na vaše pitanje.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu. Prema evidenciji službe sjednici prisustvuje 26 zastupnika, što je dovoljan broj za punovažan rad i odlučivanje.

Izostanak sa ove sjednice opravdala je zastupnica Mehmedagić, odnosno kašnjenje je pravdala zastupnica Mehmedagić, a izostanak nije nitko pravdao.

Na osnovu članova 72. i 73. Poslovnika Skupštine Kantona Sarajevo, Kolegij Skupštine Kantona Sarajevo, na sjednici održanoj dana 10.11.2023.godine, utvrdio je Prijedlog dnevnog red današnje, 12. Radne sjednice, koji glasi:

1. Poslanička/zastupnička pitanja inicijative i odgovori;
2. Nacrt Budžeta Kantona Sarajevo za 2024. godinu
3. Nacrt Zakona o izvršavanju Budžeta Kantona Sarajevo za 2024. godinu.

Molim zastupnike da se izjasne o predloženom dnevnom redu. Molim službu da objavi anketu za izjašnjenje.

Zaključujem glasanje. Za je glasalo 19 zastupnika, protiv 5, suzdržanih ništa.

Konstatujem da je Skupštine usvojila današnji dnevni red onako kako je i predloženo.

Prelazimo na tačku jedan.

AD-1.

POSLANIČKA/ ZASTUPNIČKA PITANJA, INICIJATIVE

U skladu s Poslovnikom imamo sat vremena za sat Vlade, izvolite. Zastupnica Admela Hodžić se prva javila za riječ.

Admela Hodžić (zastupnica)

Zahvaljujem predsjedavajući, dobro jutro, želim svima. Podnosim inicijativu Vladi Kantona Sarajevo, Ministarstvu komunalne privrede, infrastrukture, prostornog uređenja, građenja i

zaštite okoliša Kantona Sarajevo i KJP Toplane Sarajevo d.o.o da odmah poduzme sve potrebne aktivnosti i obezbijedi sve potrebne uslove kako bi se izvršila revizija starih postojećih ugovora o korištenju toplotne energije i zaključivanju novih ugovora sa postojećim korisnicima usluga u pogledu sadržaja ugovora, koji ugovori bi bili jednaki za buduće korisnike, a koji bi bili usklađeni sa odredbom člana 13. stav 2. Odredbi o opštim uslovima za proizvodnju, isporuku i korištenje toplotne energije u vezi sa odredbama Zakona obligacionim odnosima. Pod 2. Odmah i bez odlaganja pristupilo obradi i zadovoljavanju zahtjeva za raskid ugovora o korištenju toplotne energije i proizvodnje sa centralnog toplifikacionog sistema za sve korisnike koji zadovoljavaju usluge koji zadovoljavaju uslove propisane odredbom člana 16. Stav 3. Zakona o komunalnim djelatnostima Kantona Sarajevo, u vezi sa odredbom člana 17. I 22. Stava 2. Uredbe o opštim uslovima za proizvodnju, isporuku, korištenje toplotne energije kojim se propisuje pravo korisnika da otkáže komunalnu uslugu pod propisanim uslovima, pri čemu bi stručnu komisiju i na terenu i prilikom donošenja konačne odluke po zahtjevu učinilo stručno lice odgovarajuće mašinske struke sa liste stalnih sudskih vještaka u Federaciji Bosne i Hercegovine po izboru korisnika usluga kako bi se postigla ravnopravnost učesnika u postupku jednakosti u ugovornom odnosu po 3. Odmah i bez odlaganja prestane sa prinudnim potpisivanjem ugovora vlasnika novih nekretnina koji ugovorima prilikom kupovine nekretnine nisu uslovljeni niti jednim članom, da će u navedenom roku zaključiti ugovor o korištenju toplotne energije sa KJP Toplane Sarajevo d.o.o zbog toga što je to slobodna volja građana, izuzev ako je izvođač investitor nekretnine u ugovoru, već ranije naveo taj uslov, a kupac saglasan pošto je obrazloženje malo opširnije, ostalo ću dostaviti u pisanoj formi.

Elvedin Okerić (predsjedavajući)

Zahvaljujem, zahvaljujem se zastupnici Hodžić.

Podsjetit ću sve zastupnice i zastupnike da se drže Poslovnika kada postavljaju pitanja, da u okviru ove tačke postavljaju dva pitanja, onako kako je predviđeno Poslovníkom i, naravno, inicijative ukoliko imaju.

Zastupnica Fatima Gavrankapetanović-Smailbegović se javila za riječ, izvolite.

Fatima Gavrankapetanović-Smailbegović (zastupnica)

Zahvaljujem se. Poštovani predsjedavajući, dopredsjedavajući, kolege zastupnici, članovi Vlade, sve vas pozdravljam, kao i gledaoce kraj malih ekrana. Ovim putem prema Ministarstvu zdravstva Kantona Sarajevo, podnosim sljedeću inicijativu, iniciram da se pokrenu neophodne aktivnosti i da se na porodilištu, odnosno Klinici za ginekologiju i akušerstvo Kliničkog centra Univerziteta u Sarajevu, uvede skrining na sluh kod novorođenčadi. Ova metoda se već radi na porođajnom odjelu Opće bolnice, a u Kliničkom centru, gdje je veći broj poroda se ne radi. U pravilu, skrining sluha se provodi u prvih nekoliko dana nakon rođenja. Bez neonatalnog skrininga oštećenja sluha, oštećenje sluha se otkriva tek oko druge godine života, što je kasno za pravi tretman i za liječenje. Kod ranog otkrivanja urođenog oštećenja sluha moguće je na vrijeme početi rehabilitaciju sluha i govora, što ima ogroman značaj za daljnji rast i razvoj djeteta. Također, imam dva pitanja koja upućujem ministru zdravstva dr Enisu Hasanoviću. Prvo pitanje je koliko ima odobrenih sredstava iz ranijih godina za zdravstveni sektor kapitalna ulaganja koja nisu realizovana, šta je s tim sredstvima i koliko će se čekati na realizaciju istih? I drugo pitanje da li je istina da Hitna pomoć, nakon što prisustvuje obilježavanjima važnih datuma za Kanton Sarajevo, ispostavi fakturu udruženjima koja to organizuju? Molit ću usmeni odgovor i zahvaljujem se.

Elvedin Okerić (predsjedavajući)

Zahvaljujemo se uvaženoj zastupnici. Za riječ se javila zastupnica Belma Kapo.

Belma Kapo (zastupnica)

Hvala predsjedavajući. Pozdravljam sve prisutne i naše drage građanke i građane. Ja svoju prvu inicijativu upućujem Uredu premijera, odnosno Vladi Kantona Sarajevo, čisto zbog hitnosti nabavke ovih uređaja, obzirom da je Vlada Federacije, kako ste vidjeli u medijima, obezbijedila lijek Kaftrio konačno da se konačno riješi, konačno riješi problem djece i odraslih oboljelih od cistične fibroze. Slijedi nova epoha u liječenju ove bolesti sa modularnom terapijom, ali molim da se hitno oprema za praćenje ishoda liječenja za Pedijatrijsku kliniku Kliničkog centra Univerziteta u Sarajevu. Tu se radi o 4 uređaja koja nisu velika, nisu ni iznimno skupi, a prijeko su potrebni da bismo sada odmah čim se krene sa liječenjem, mogli da bi ljekari mogli pratiti ishod liječenja. Radi se o portabilnom spirometru za Odjel plućnih bolesti, Pedijatrijske klinike Kliničkog centra u Sarajevu. Makroprodukt, to je uređaj za određivanje Florida u znoju za djecu iznad jedne godine. Iznimno je važno praćenje tog parametra tokom liječenja. Nanoprodukt, isto se koristi za određivanje florida ali kod dojenčadi i mobilni ili manualni fleksibilni bronhoskop koji je isto tako potreban da bismo sada mogli kvalitetno popratiti ishod liječenja kod najmlađih. Ova sredstva nisu sigurno veća od nekih 20 000, a konvertibilnih maraka zajedno te vas molim da vidite u kojoj stavci budžeta bi se najprije mogla naći ta sredstva. Drugo je pitanje koje upućujem Kantonalnom ministru unutrašnjih poslova. Da li je rasvijetljen nemili događaj koji se desio prije dva dana vezano za napad vozača u tramvaju? Da li je to krivično odijelo ili je prekršaj, ne znam, kao kako je kvalificiran, obzirom da ovo nije prvi put, nego prelazi izgleda u praksu da se napadaju vozači gradskog prijevoza. Molim da mi kažete koje sistemski preventivne mjere i radnje poduzimate da ne bi došlo do negativnih posljedica dalje. Hvala vam.

Elvedin Okerić (predsjedavajući)

Zahvaljujem se uvaženoj zastupnici, za riječ se javio zastupnik Faruk Selmanović.

Faruk Selmanović (zastupnik)

Zahvaljujem, imam dva pitanja i jednu inicijativu. Prvo pitanje upućujem Vladi Kantona Sarajevo. Molim da mi se odgovori koliko je zaključen ugovora o djelu u periodu od 01.01.23. do 21.11.23. godine ukupno, kao i po ministarstvima pojedinačno i da se dostave imena osoba sa kojim je zaključen ugovor, kao i razlog zbog koga je zaključen ugovor o djelu, vremenski period na koji je ugovor zaključen, te iznosi koji su isplaćeni pojedinačno, po svakom ugovoru o djelu.

Moje drugo pitanje također se upućuje Vladi Kantona Sarajevo. Koliko je zaposleno državnih službenika u istom tom periodu od 01.01.23. do 21.11.23. godine ukupno, kao i po ministarstvima pojedinačno.

I inicijativu koju upućujem Ministarstvu za obrazovanje i Vladi Kantonu. U skladu sa programom rada osnovnih škola na području Kantona Sarajevo i planiranim organizacijama studijskih putovanja i ekskurzija da se planiraju sredstva u budžetu za financiranje istih, sa ciljem da svako dijete ima jednaku priliku da ode na putovanje, tj. inicijativa za besplatne ekskurzije i studijska putovanja za svu djecu u osnovnim školama. Zahvaljujem.

Elvedin Okerić (predsjedavajući)

Zahvaljujem se zastupniku.

Zastupnik Redžo Lemezan se javio za riječ.

Redžo Lemezan (zastupnik)

Hvala predsjedavajući. Prije svega, dobro jutros svima posebno građanima koji nas prate. Za danas imam jednu inicijativu a odnosi se na digitalizaciju plaćanja novčanih kazni iz oblasti saobraćaja prema MUP-u unutrašnjih poslova. Cilj ove inicijative jeste da na MUP-ovoj web stranici unesete broj kazne i počinjeni prekršaj platite karticom, kao i ostale sve stvari koje možemo izvršiti plaćanja preko Interneta. I evo, sve je to znatno jednostavnije od čekanja u redu u banci ili pošti. S obzirom da nam naplata kazni uvijek kaska i da pored volje da neko plati prekršaj koji je počinio, trebamo minimalno da ode da plati sat vremena s obzirom na gužvu u banci i u pošti. U eri digitalizacije, online plaćanje kazni karticom u Sarajevu, predstavlja korak ka modernizaciji naših usluga. Ova inicijativa će pojednostaviti procese plaćanja i unaprijediti efikasnost. Doprinos ovoj inicijativi smanjit će administrativne barijere, čineći našu infrastrukturu još pristupačnijim građanima. Eto, toliko. Hvala.

Elvedin Okerić (predsjedavajući)

Zahvaljujemo se uvaženom zastupniku. Zastupnik Davor Čičić se javio za riječ.

Davor Čičić (zastupnik)

Zahvaljujem predsjedavajući. Dobro jutro svim prisutnim, posebno građanima pred malim ekranima koji prate današnju sjednicu. Ja ću danas imati dvije inicijative. Prva je prema Vladi Kantona Sarajevo, a radi se o inicijativi za izdvajanje sredstva sredstava za pomoć studentima iz Palestine koji studiraju na visokoškolskim ustanovama u Kantonu Sarajevo iz sredstava Tekuće rezerve Budžeta Kantona za 2023.godinu. U prilogu inicijative dostavljan zvanični spisak studenata koji studiraju na visokoškolskim na području Kantona Sarajevo, koje smo dobili ispred udruženja Palestinske zajednice u BiH. Inicijativu upućujem Vladi Kantona Sarajevo da iz sredstava tekuće rezerve osigura jednokratnu pomoć ovim mladim ljudima i studentima iz Palestine u iznosu koji Vlada sama procijeni da je moguće, kako bi se na ovaj način pomoglo i tim obiteljima pogođeni užasnim ratom u njihovoj zemlji. Isto tako predlažem Vladi da razmotri mogućnost, pored ove jednokratne pomoći, da u budžetu za 2024.godinu se pokuša planirati godišnje stipendiranje ovih mladih ljudi.

Druga inicijativa dostavljena je prema Ministarstvu kulture i sporta Kantona Sarajevo, Zavodu za zaštitu kulturnog, istorijskog i prirodnog naslijeđa Kantona Sarajevo i Ministarstvu za boračka pitanja Kantona Sarajevo, a radi se o tome da Zavod za zaštitu kulturnog, istorijskog i prirodnog naslijeđa Kantona Sarajevo izradi elaborat o zaštiti kako bi se zaštitio objekat bivšeg doma penzionera Novo Sarajevo, u Ulici Aleja lipa 56, locirana k.č. 1151 ko Novo Sarajevo 2, kao objekat značajan za kulturno historijsko naslijeđe Kantona Sarajevo. Naime, Zavod za zaštitu kulturno historijskog i prirodnog naslijeđa u Kantonu Sarajevo svoje mišljenju broj 1376/23 od 12.10.23.godine je naveo da na osnovu preliminarnog pregleda objekta i ambijenta u kojem je lociran objekat bivšeg Doma penzionera u ulici Aleja lipa 56, zaključio je da objekat posjeduje i arhitektonsku i a ambijentalnu vrijednost i da bi kao takav trebao biti sačuvan i zaštićen. U tom mišljenju je navedeno da objekat građen 60-tih godina prošlog stoljeća, kao namjenski objekat za stara iznemogla lica, izvornost i funkcija su mu jasno čitljivi i tipični su za internacionalni stil arhitekture, objekat je izuzetno skladnih proporcija, svojim položajem i smještaja u prostoru predstavlja neodvojiv segment kompozicione cjeline u urbanističkoj postavci objekta okolnog prostora. Egzistirajući u izvornom obliku, ovaj objekat je rijedak primjerak izvorno stilski sačuvane arhitekture nacrt objekata internacionalnog stila u Kantonu Sarajevo. Taj dom penzionera je bio prvi objekat takve vrste u gradu Sarajevu i Bosni i Hercegovini, tada sa 42 ležaja i javnom kuhinjom za ishranu samohranih penzionera iz grada.

U vrijeme agresije na BiH i opsade Sarajevo u navedenom objektu se nalazio štab A RBiH, odakle se rukovodila odbrana Trga Heroja naselja Hrasno, a time je odbrana grada u cjelini, što mu kao takvom daje dodatnu povijesnu vrijednost objekta koji treba zaštititi radi njegovanja kulture sjećanja i kao potencijalnog spomen obilježja ili eventualnog muzeja jedinice Armije BiH koje su u njemu tokom rata boravile. Zbog toga inicijativu dostavljam Ministarstvu za boračka pitanja kako bi dali svoje mišljenje i potencijalno podržali inicijativu zaštite ovog objekta. U vezi svega navedenog, pokrećem tu inicijativu da Ministarstvo kulture i sporta naloži Zavodu za zaštitu kulturno historijskog i prirodnog naslijeđa Kantona Sarajevo da uradi neophodni elaborat u zaštiti gore navedenog objekta u što kraćem vremenskom roku i da isti elaborat dostavi Skupštini Kantona Sarajevo na nadležno odlučivanje o potencijalnom proglašenju ovog objekta od kulturnog historijskog značaja za Kantona Sarajevo. Hvala.

Elvedin Okerić (predsjedavajući)

Zahvaljujemo se zastupniku Čičiću. Za riječ se javila zastupnica Smiljana Viteškić.

Smiljana Viteškić (zastupnica)

Zahvaljujem predsjedavajući, dobro jutro, svima. Ja imam jednu inicijativu koju mi je dostavio Aktiv nastavnika kulture življenja. Znači, Vlada Kantona Sarajevo donijela je Odluku o izmjeni Odluke o pedagoškim standardima i općim normativima za osnovni odgoj i obrazovanje i normativima radnog prostora, nastavnih sredstava i učila po predmetima za osnovnu školu. Odluka se odnosi na nastavni predmet kultura življenja gdje se ukida podjela učenika u grupe koja je uvijek bila zastupljena u nastavnom planu i programu. Ovom Odlukom nastavnici kulture življenja su izgubili normu, došli su u situaciju da idu od škole do škole, da ispune normu, djeca su izgubila jedan od najdražih i najpotrebnijih predmeta u školi. Nastavni predmet kultura življenja ne može se realizovati onako kako dolikuje ako nema grupe i 2 časa sedmično. Da ne ponavljam, svi znamo koliko je predmet kultura življenja širok i zanimljiv i da je neophodan za učenika, školu, pa i širu društvenu zajednicu. Svjedoci smo da u posljednje vrijeme ministrica daje i akcenat na zdravu ishranu sa školsku djecu, da je svjesna koliko je neophodno znanje i odgovarajući kadar da prenesu učenicima važnost odijevanja, stanovanja, ishrane, a sve to posjeduju nastavnici kulture i življenja jer su se za to i školovali. Došlo se u situaciju kada u školama svi drugi profili, krenuvši od razredne nastave, tjelesnog odgoja, likovne kulture više se bave nastavnim planom kulture življenja nego svojim. U školama jedino nastavnicima kulture življenja oduzeto je pravo da rade ono za što su se školovali. Nastavnici kulture življenja traže da se ovaj problem vrati na dnevni red Vlade i da se razmotri Odluka Vlade da se u škole vrati bar u petom razredu dva časa sedmično, tj da se učenici dijele u grupe i omogući im se rad praktičnih vježbi. Zahvaljujem.

Elvedin Okerić (predsjedavajući)

Zahvaljujemo se zastupnicima.

Smiljana Viteškić (zastupnica)

Pisani odgovor, izvinjavam se. Molim pisani odgovor.

Elvedin Okerić (predsjedavajući)

OK. Zastupnica Sanela Klarić se javila za riječ.

Sanela Klarić (zastupnica)

Zahvaljujem predsjedavajući, pozdravljam sve prisutne, želim nam uspješan rad danas. Ja za danas imam dvije inicijative. jedna se odnosi upućujem je Vladi Kantona Sarajevo, zajedno sa ministarstvima komunalne privrede i infrastrukture, prostornog uređenja, građenja, okoliša, Ministarstvu privrede i Ministarstvu kulture i sporta, Gradu Sarajevu i svim opštinama. Radi se o našoj tradiciji i procjeni oživljavanja tradicije javnih česmi u Kantonu Sarajevo. Ono što je važno reći jeste da je 2010. godine UN proglasio pravom na čistu vodu ljudskim pravom. Mi to pravo baštinimo stoljećima u Kantonu Sarajevo i nismo svjesni šta imamo. Javne česme predstavljaju dio tradicije, jednostavno su u damarima naših ljudi i u razgovorima sa građanima Kantona Sarajevo svi su svjesni da smo ih nekako od 2007. godine, kada se samo Uredbom pokušalo riješiti ovo pitanje i ingerenciju prebaciti na Grad Sarajevo, ustvari smo izgubili jedan kontakt sa tim česmama. Veliki broj njih je jednostavno nestalo, a s druge strane one koje su trenutno u funkciji, 30 % njih uopšte nije u funkciji. Šteta je da jedno ovakvo pitanje, važno pitanje za Kanton Sarajevo, rješavamo kroz projekte gdje su iz udruženja mapirali ove česme, međutim, važno je da sada mi na jedan suštinski način napravimo finansijsku procjenu i riješimo strateški pitanje ovih česmi jer na taj način možemo brendirati naš Kanton, a s druge strane, ako govorimo o okolišu, definitivno možemo učiniti jako puno i da smanjimo plastični otpad i da brendiramo naš grad kao grad čiste vode. Također, pored ove inicijative Vladi Kantona Sarajevo, Ministarstvu saobraćaja, Direkciji za puteve i Ministarstvu za komunalnu privredu i prostorno planiranje također šaljem inicijativu da implementiramo Plan održive mobilnosti Kantona Sarajevo koji je usvojen 2020. godine. Hrabro idemo i čestitam Ministarstvu saobraćaja na svemu što se radi na rješavanju pitanja javnog prijevoza. Međutim sada je vrijeme da hrabro i kažemo da li ovaj grad projektujemo i dizajniramo i planiramo za automobile ili za naše građane, za naše komšije, za našu djecu. Veliki broj automobila od 150 000 u odnosu na 300 000 stanovnika ne smije biti osnovno pravo i pitanje rješavanja automobila u gradu. Mi moramo rješavati pitanje nas, građana, u samom gradu i sada pošto imamo ovaj strateški plan, ja hrabro pozivam naše ministre i Vladu Kantona Sarajevo da počnemo pilotirati one ulice i one prostore u gradu Sarajevu gdje ćemo te prostore dizajnirati prema našim zahtjevima građana, smanjit ćemo zagađenja, kako zraka, tako i buke i jednostavno ćemo odgovoriti na ono što je sam Kanton Sarajevo potpisivanjem projekta Hundred City da postanemo grad koji je do 2030. godine dekarbonizovan. Znači sa ovom inicijativom to možemo staviti na raspolaganje. Hvala.

Elvedin Okerić (predsjedavajući)

Zastupnica Vedrana Vujović se javila za riječ.

Vedrana Vujović (zastupnica)

Zahvaljujem predsjedavajući. Pozdravljam sve kolege zastupnike, članove Vlade, kao i građane koji prate rad današnje Skupština. Ja imam jednu zastupničku inicijativu i jedno pitanje. Upućujem inicijativu za hitnu sanaciju stepeništa na Ciglanama u Husrefa Redžića na Avde Hume na molbu građana naselja Ciglane u Opštini Centar koji se svakodnevno kreću neprohodnim stepeništem između ulica Husrefa Redžića i Avde Hume upućujem inicijativu za hitnu sanaciju istih kako bi se izbjegle nesreće, padovi i lomovi. Imajući u vidu da idemo u susret zimskoj sezoni, odnosno da se adekvatno uredi prohodnost za pješake. Inicijativu podnosim sa nivoa Kantona Sarajevo, načelniku Opštine Centara, na molbe građana ne odgovara mjesecima i ne poduzima ništa po ovom pitanju. I zastupničko pitanje upućujem odnosi se na Ministarstvo za rad, socijalnu politiku, raseljena lica i izbjeglice Kantona Sarajevo. U kojoj je fazi projekat izrade socijalne karte u Kantonu Sarajevo? Uz ovaj odgovor koji tražim usmeno odgovor, međutim ministrica nije tu, tako da može i pismeno, tražim

detaljan izvještaj o projektu, metodologiji prilikom izrade, učesnicima, ekspertima i dosadašnjim troškovima, te u konačnici kada bi socijalna karta mogla je biti gotova i prezentovana javnosti. Hvala lijepa.

Elvedin Okerić (predsjedavajući)

Zahvaljujemo se zastupnici Klarić. Za riječ, javna zastupnica. Oprostite Vujović. Zastupnica Marijela Hašimbegović se javila za riječ.

Marijela Hašimbegović (zastupnica)

Zahvaljujem se predsjedavajući. Dobro jutro svima, sve vas srdačno pozdravljam, posebno naše sugrađane. Za današnju sjednicu pripremila sam dvije inicijative i dva pitanja. Prezentirati ću jednu inicijativu. Upućujem inicijativu radi zaštite naše kulturne baštine i hitnog obezbjeđenja osnovnih uslova za djelovanje JU Historijski arhiv Sarajevo, koji se tiče adekvatnog prostora na svim standardima za smještaj arhivske građe koja je povjerena Arhivu na čuvanje. JU Historijski arhiv Sarajevo prikupljaju i čuva dobro kulturne baštine i obzirom na njenu važnost i značaj za Kanton, kao i Bosnu i Hercegovinu, pitanje uslova u kojima Arhiv radi i djeluje, kao i uslova u kojima se pohranjuje arhivska građa, mora se posvetiti posebna pažnja. Obzirom da je ovo pitanje prevazilazi nadležnosti direktorice JU Historijske arhiv Sarajevo nalažem da Ministarstvo kulture i sporta uradi sljedeće: uključi i druge institucije kulture ili druge kantonalne institucije koje imaju kapacitete za izradu predmjera i predračuna potrebnih radova u svrhu pribavljanja finansijskog plana vezanog za sanaciju postojećeg objekta na Vrbanjuši, Čadordžina 90 ili za rušenje i izgradnju novog objekta na istoj lokaciji. Finansijski plan je neophodan za realizaciju ovog projekta i planiranja potrebnih aktivnosti. U saradnji sa Ministarstvom za nauku, visoko obrazovanje i mlade obezbijedi novi prostor u Kampusu orijentaciono kvadrature 2000 m², koji bi se trebao koristiti kao depo za arhivsku građu koja se treba preuzeti u narednom periodu, kako je propisano Zakonom o arhivskoj djelatnosti Kantona Sarajevo. Obzirom da su trenutno popunjeni smještajni kapaciteti, nakon Odluke vezano za pristup rješavanja statusa zgrade Čadordžina 90, potrebno je obezbijediti i sredstva i pristupiti aktivnostima sanacije, rušenja ili izgradnje novog objekta. Zgrada u ulici Čadordžina 90, u kojoj je smještena arhivska građa, nalazi se u fizički lošem stanju, sa brojnim oštećenjima uslijed raznih okolnosti; slijeganje tla i slično, i kao takva, ugrožava sigurnost lica i imovine, ujedno i naše nematerijalne kulturne baštine. Građevinski fakultet Univerziteta u Sarajevu izradio je stručni nalaz o građevinsko- konstruktivnom stanju zgrade i koji potvrđuje da zgrada ne zadovoljava ni minimalne uvjete za tu namjenu, a naročito ne zadovoljava zahtjeve savremenih europskih propisa. Predmetna zgrada u takvom stanju zahtjeva detaljnu sanaciju i pojačanje cijelog objekta. Stručni nalaz također definiše izbor rušenja objekta i opciju izgradnje novog objekta, uz naznaku vrijednosti objekta u kontekstu vremena nastajanja. Zakonom o arhivskoj djelatnosti propisan je rok predaje arhivske građe koji iznosi 30 godina, a ukoliko je arhivska građa ugrožena, mora se preuzeti i ranije. Arhivska građa Ministarstva unutrašnjih poslova Kantona Sarajevo, Općinskog suda u Sarajevu, Kantonalnog suda u Sarajevu, Kantonalnog tužilaštva u Sarajevu, dospjela je na predaju. Preuzimanje ratne građe regulisano je odredbama navedenog Zakona do kraja 2021 godine. Zbog navedenog problema smještajnog prostora Arhiv nije bio mogućnosti da preuzme predmetnu arhivsku građu. Ostalo možete pročitati u inicijativi. Hvala.

Elvedin Okerić (predsjedavajući)

Zahvaljujem se. Zastupnik Albin Zuhrić se javio za riječ.

Albin Zuhrić (zastupnik)

Hvala vam predsjedavajući, dobro jutro, svima. Ja imam jednu zastupničku inicijativu za sazivanje tematske sjednice Skupštine Kantona Sarajevo u roku od 30 dana, u skladu sa članovima 64 i 67 Poslovnika Skupštine, u okviru koje bi se vodila rasprava i utvrdilo stvarno stanje dodjele sredstava za održivi povratak u Republiku Srpsku iz Budžeta Kantona Sarajevo s razdjela Kabineta predsjedavajućeg i zamjenika predsjedavajućeg Skupštine Kantona Sarajevo, kao i cjelokupnoj praksi dodjele sredstava budžetskim korisnicima, a za koju bi nosilac pripreme bila Vlada Kantona Sarajevo zbog sukoba interesa predsjedavajućeg Skupštine. Ja ću dati samo kratko obrazloženje. Pismeno ste dobili svi u Skupštini. Mi smatramo kako je ono što je izašlo u medijima o dodjeli sredstava organizacijama koje su vrlo precizno i jasno vezane isključivo za jednu političku partiju samo jedan djelić onoga što se dešava u Kantonu Sarajevo i ovdje, vjerovali ili ne, predsjedavajući, ne mislim samo na vas, nego i na druge političke opcije kroz sve ove godine, jer je problem što imamo netransparentan sistem u kojem je skoro pa nemoguće čak i zastupnicima doći do podataka koje organizacije primaju novac, mi bismo morali pojedinačno tražiti od svakog ministarstva, Vlade i predsjedavajućeg kome su dodjeljivali novce, dakle istraživati, iako smo se hvalili u ovoj Skupštini registrom po kojem možete vidjeti koliko čistačice novca primaju. Ova sjednica bi bila važna kako bi konačno utvrdili koje su organizacije primali novce i šta će ova Skupština uraditi da se to ne ponavlja. I vi slobodno predsjedavajući, dođite sa dokazima da ove stvari koje su se pojavile u javnosti, ove informacije nisu tačne. Ja vas čak pozivam da istražite i iz prethodnih Vlada djelovanje zastupnika i funkcionera Demokratske fronte i nama će biti drago da vidimo jel ima i takvih koji su dodjeljivali novce nekim stranačkim organizacijama, da ih izbacimo iz partije, ali je neophodno da se ova tematska sjednica održi. Ja ću tražiti da se Skupština izjasni o ovom pitanju danas. Hvala vam.

Elvedin Okerić (predsjedavajući)

Naravno, dobit ćete odgovor na tu populističku inicijativu. Prije svega, nema ništa nezakonito, nadležne institucije provode nadzor nad tim procesom i bit će mi zadovoljstvo da zastupnici i javnost bude upoznata sa pokretanjem hajke od višestruko presuđenog klevetnika koji je pokrenuo ovu hajku, a gdje su uključile političke stranke SDA, DF, Stranka za BiH, gdje su dodatno željele da kompromituju funkciju predsjedavajućeg i mene lično. Tako da će mi biti čast i zadovoljstvo da čim nadležne institucije završe svoj rad, izvijestim zastupnike, Skupštinu Kantona Sarajevo i javnost o hajci priređenoj kako bi se diskreditovala većina u Kantonu Sarajevo i kako bi se diskreditovala funkcija predsjedavajućeg Skupštine Kantona Sarajevo. Također, sistem je vrlo transparentan, a ovo dezavuisanje javnosti da u inicijativi kažete kako sistem nije transparentan, to vam nećemo dozvoliti, a imate pravo da, naravno, podnesete inicijativu i, naravno, Skupština ima pravo da se o njoj izjasni da li je ona prihvatljiva ili ne?

Izvolite, imate riječ. Uključite zastupnika Albina Zuhrića.

Albin Zuhrić (zastupnik)

Predsjedavajući, ja sam podnio poslaničku inicijativu. Ako želite danas da raspravljamo o ovom pitanju, ja sam više nego spreman, međutim nisam znao da možete da replicirate na poslaničke inicijative, ja sam tražio da se Skupština izjasni o toj poslaničkoj inicijativi, a vi slobodno popnite se na sljedeći sprat i medijima recite sve što mislite.

Elvedin Okerić (predsjedavajući)

Na populizam i bezobrazluk odgovaram adekvatno. Zastupnik, dopredsjedavajući Vitor Handžić se javio za riječ.

Oprostite, zastupnica Vildana Bešlija, izvolite, imate riječ.

Vildana Bešlija (zastupnica)

Hvala. Pozdravljam sve prisutne i sve one koji nas prate danas. Ja bi imala inicijativu jednu koju ću evo, pročitati, odnosi se, odnosno upućujem je prema Vladi Kantona Sarajevo, a tiče se donošenja zaključka kojim se pokreće procedura izrade Uredbe o procjeni utjecaja propisa Kantona Sarajevo. Na osnovu izvještaja revizije učinka rodna ravnopravnosti i sprečavanje nasilja nad ženama koji obuhvata sve kantone, dostavljenog od strane Ureda za reviziju institucija u Federaciji Bosne i Hercegovine prema Vladi Kantona Sarajevo i Komisiji za rodnu ravnopravnost Kantona Sarajevo, navedene su određene preporuke. Između ostalog, navedeno je da je neophodno da Kantonalni organi uprave sve propise i druge akte iz svoje nadležnosti prije upućivanja u zakonsku proceduru dostavljaju na mišljenje institucionalnim mehanizmima za ravnopravnost spolova radi usuglašavanja sa odredbama Zakona o ravnopravnosti spolova u Bosni i Hercegovini. Također, u ovom izvještaju se navodi da Federalna uredba o procjeni utjecaja propisa nije dovoljno razrađena, naročito u dijelu koji se odnosi na rodnu ravnopravnost. S tim u vezi, neophodno je da Vlada Kantona Sarajevo donese zaključak kojim se pokreće procedura izrade Uredbe o procjeni uticaja propisa Kantona Sarajevo u ovom smislu. Hvala vam.

Elvedin Okerić (predsjedavajući)

Zastupnik Adi Kalem se javio za riječ. Izvolite.

Adi Kalem (zastupnik)

Pardon, zahvaljujem predsjedavajući. Ja imam par pitanja za Vladu Kantona Sarajevo a tiču se da li je Vlada Kantona Sarajevo razmatrala inicijativu o dovoljnom broju kemoterapija za pacijenta oboljele od karcinoma koju sam podnio na prethodnoj sjednici? Također, interesuje me, obzirom da smo usvojili određene zaljučke na Tematskoj sjednici povodom sigurnosti u saobraćaju, kada možemo očekivati informaciju o realizaciji istih. I ako su se poduzele određene mjere, volio bih da me upoznate o efektima. Naravno, ono što može usmeno, usmeno, što ne može, odnosno detaljnije može i pismenim putem. Također sam htio postaviti pitanje, tragom inicijative kolegice Klarić vezano za SUMP, odnosno Plan urbane mobilnosti u Kantonu Sarajevo, kada možemo očekivati realizaciju ovog Plana? Da li su do sada poduzeti određeni koraci i da li je u izradi dinamički plan? Ukoliko je u izradi, volio bih da nam se isti dostavi. I vezano za ovo zagađenje zraka u Kantonu Sarajevo, šta će Vlada Kantona Sarajevo uraditi po pitanju zagađenosti zraka, obzirom da je Sarajevo jedan od najzagađenijih gradova u Svijetu i ukoliko postoji određeni akcioni plan ili koraci koje su poduzeli, molio bih da danas upoznaju sa tim. Zahvaljujem.

Elvedin Okerić (predsjedavajući)

Zahvaljujem se uvaženom zastupniku Kalem. Zastupnica Elza Gaković se javila za riječ.

Elza Gaković (zastupnica)

Zahvaljujem predsjedavajući, želim nam uspješan rad, a građane pozdravljam koji prati naše današnje zasjedanje. Ja ću imati par kratkih pitanja prema Ministarstvu komunalne privrede i infrastrukture, prostornog uređenja, građenja i zaštite okoliša. Da li se do kraja oktobra mjeseca tekuće godine treba realizirati projekat toplifikacije općine Vogošća. Da li su sredstva iz MMF-a bila osigurana? Ako jesu, u kom iznosu su bila? Da li je urađena studija izvodljivosti daljninskog grijanja, osigurana od strane EBRD-a za navedeni projekat? Ko je radio tu studiju?

Ako je trebao biti završen projekat do mjeseca oktobra u ovoj godini zašto nije okončan i kolika je šteta za Kanton Sarajevo? Molim vas samo pisani odgovor. Hvala.

Elvedin Okerić (predsjedavajući)

Zahvaljujem, zahvaljujem se zastupnici Gaković. Za riječ se javila zastupnica Miomirka Melank.

Miomirka Melank (zastupnica)

Hvala predsjedavajući. Leopolt Klemens registrovan je za Željezničar 1927. godine, rođen je 1910 umro 1967.godine. Njegov brat Alojz je odigrao 18 utakmica za Željezničar. Leopolt Klemens je sahranjen na groblju Bare, grob je u lošem stanju, a kako niko ne plaća grobarinu za mjesto sahrane, grob će vjerovatno u budućnosti biti, u bliskoj budućnosti biti prekopan. Pravilnik o raspolaganju grobnim mjestima Pokopa, Kantonalnog javnog preduzeća Pokop Sarajevo za sahrane, kaže da napušteno grobno mjesto u smislu ovog Pravilnika je ono koje se 10 godina uzastopno uredno ne održava ili za koje se 10 godina uzastopno ne plaća naknada za korištenje grobnog mjesta. Slična situacija za poređenje može biti navedena kakva je u Britaniji. U Britaniji, naime, vlada veliki nedostatak prostora za sahrane. Oni su pronašli soluciju da grobovi odabrani za ponovno upotrebu moraju biti stari najmanje 75 godina, a obavještenje se postavlja na nadgrobni spomenik i oglasima godinu dana prije toga. Ako postoji prigovor, grob će ostati netaknut. Smatram da se uklanjanje grobnih mjesta sa tako kratkim rokom od 10 godina u našem Pokopu briše istorija grada, uklanjaju se grobovi koji čine našu baštinu, na određeni način uklanjaju se imena ljudi koji su nekada ovdje živjeli, mogu biti određeni grobovi proglašeni spomenicima kulture i tako se spriječiti proces uklanjanja ili, ako su pokopane značajne istorijske ličnosti, ali ti kriteriji o proglašenju značajnih ličnosti također ne postoje, pa se ljudi poput Klemensa, pa će ljudi poput Klemensa i njihova grobovi biti uklonjeni u zajedničku grobnicu. I stoga iniciram promjenu ovog Pravilnika i tražim da se rok za, produži rok za održavanje te da on ne bude samo 10 godina, nego značajno duži. Ja sad nisam sigurna da li je dovoljno da bude duplo duži, ali sam sigurna da će na ovaj način naša baština biti bogatija ako grobovi ljudi koji su ovdje živjeli ostanu na svojim mjestima u dužem vremenskom periodu. Hvala vam.

Elvedin Okerić (predsjedavajući)

Dopredsjedavajući Vibor Handžić se javio za riječ.

Vibor Handžić (dopredsjedavajući)

Zahvaljujem predsjedavajući. S obzirom da se javljam prvi put, dobar dan svima, želim nam ugodan rad. Ja ću jako kratko reciklirati dvije stare inicijative. U februaru mjesecu sam poslao inicijativu prema Upravi policije i Ministarstvu saobraćaja vezano za postavljanje znakova "škola u blizini", ograničavanje brzine kretanja u ulici Alipašina kod broja 41. To je ovaj prijelaz između ul. Sutjeska na drugu stranu i dobio sam zaista odgovor od Ministarstvu saobraćaja. Oni su ovu inicijativu u aprilu uputili na ceste Federacije koje upravljaju ovom saobraćajnicom, međutim ništa se od tada nije desilo. Ja sada molim da se pošalje dodatna urgencija, a ja ću iskoristiti također činjenicu da sam delegat u Domu naroda, da ovo isto tražim, jer evo, i prije dva dana smo imali tešku saobraćajnu nesreću, upravo na tom dijelu, jedno se vozilo zabilo u stub ovaj preko puta. I samo je zaista pitanje dana kada će se neka od tih nesreća završiti sa tragičnim posljedicama, pa ćemo ovdje opet imati neke tematske sjednice i preuzimati odgovornost za sebe. Ovo je zaista ogroman problem i evo, molim Ministarstvo da pošalje još jednu urgenciju, a i ja ću lično to uraditi kao delegat u Domu naroda Parlamenta Federacije. Također, podnio sam inicijativu vezano, a na zahtjev Savjeta Mjesne zajednice za

postavljanje signalizacije i stacionarnog radara kod škole Stari Ilijaš. Dobio sam odgovor od ekspertne radne grupe koja radi procjenu o tome da li je potrebno postavljati radare, da nije opravdana moja inicijativa i ja jesam u inicijativi naveo da tamo postoje zaista i usporivači i oznaka da je škola u blizini, međutim, ja imam pravo, pravo, zahtjev i od Vijeća roditelja i od Savjeta Mjesne zajednice, to su ljudi koji tamo žive i borave i djeca im idu u tu školu i svakodnevno posmatraju kretanje vozila u tom području, da još jednom ekspertna grupa razmotri ovo pitanje, jer ja sam dobio odgovor da ako se saobraćajna situacija pogorša, da će se razmotriti uvođenje ove mjere. Međutim ja mislim da mi moramo djelovati preventivno i ne smijemo dozvoliti da se saobraćajna situacija pogorša. I evo, molim, zaista upućujem ponovo inicijativu ekspertnoj grupi da još jednom razmotri realizaciju ove inicijative. Zahvaljujem.

Elvedin Okerić (predsjedavajući)

Zastupnik Jasmin Šaljić javio se za riječ, izvolite. Hvala.

Jasmin Šaljić (zastupnik)

Kao zastupnik u Skupštini Kantona Sarajevo i zaštite građana Kantona Sarajevo, upućujem za zastupničku inicijativu prema Vijeću grada Sarajeva, odnosno prema Gradskom vijeću, da preispitaju Odluku iz jula mjesec ove godine o dodjeli novoizgrađenog objekta izletišta Vidikovac na korištenje određenim IT firmama. Neka te IT firme naprave sebi objekat. Kao zastupnik u Skupštini Kantona Sarajevo dužnost mi je da vas upozorim da ste ovom odlukom o dodjeli Vidikovca nama građanima Sarajeva, kao i turistima koji dođu žičarom na Trebević kompletnu posjetu jedinom ugostiteljskom objektu u Federaciji gdje mogu da se zadrže i osvježe uz pogled na Sarajevo. Sljedeći ugostiteljski objekat je na Brusu, koji je administrativno u identitetu RS. Ovom odlukom se ide na ruku ugostiteljima iz RS-a jer bi na ovaj, jer bi im ovaj objekat bio konkurencija. Apeluje na Gradsko vijeće da ovu odluku razmotri i poništi i odnosno stavi van snage. Osim toga, izletišta Vidikovac pripada građanima Sarajeva i svima onima koji u dobroj namjeri posjete naše olimpijsko Sarajevo. Napominjem vas gradske vijećnike, kao i kabinet gradonačelnice Karić, da je donator za gradnju žičare donirao dio novca za izgradnju izletišta Vidikovac sa isključivim uslovom da ostane na kompletno korištenje građanima Sarajeva. Ako ne poništite odluku, onda je slobodno dodijeliti i žičaru, neka im je u kompletu. Imam jednu inicijativu prema Kabinetu Skupštini Kantona Sarajevo Sarajevo, da se nama zastupnicima u Skupštini Kantona Sarajevo dostavi cjelokupna dokumentacija, a koja je vezana za dodjelu sredstava za održivi povratak iz Kabineta predsjedavajućeg Skupštine Kantona Sarajevo. Tražim izjašnjenje Skupštine jer inicijativa ne zahtjeva novčana sredstva. Danas. Evo dostavit ću, ja sam je pročitao, pa ću je kontam dostaviti.

Elvedin Okerić (predsjedavajući)

Zastupnik Muamer Bandić se javio za riječ.

Muamer Bandić (zastupnik)

Zahvaljujem se. Selamim i pozdravljam sve prisutne, kao i one koji nas prate putem malih ekrana. Imam pitanje za ministra saobraćaja. Jedan broj bivših uposlenika Javnog komunalnog kantonalnog preduzeća Gras Sarajevo ima ih oko 120. Još od prije 9 godina oni su dobili rješenje o prestanku radnog odnosa jer su navršili 65 godina života, ali im nisu uplatili doprinose za 9 godina. Među njima su invalidi, a ima i onih koji ostvaruju porodičnu penziju. U Grasu ih tretiraju kao penzionera sa nepovoljnom penzijom, svi ostali penzioneri, njih oko 600 su riješeni po Programu za zbrinjavanje, dok ovih oko 74 ukupno koji su preostali, nisu dobili trajna rješenja o penzionisanju. Među tim ljudima ima i onih koji su nas napustili, koji nisu više među živima, u ovom broju, tako da bih evo zamolio ministra, ukoliko može, da mi

odgovori u kojem vremenskom periodu se planira isplatiti i kako se planira ustvari riješiti ovo pitanje onih bivših zaposlenika Grasa koji su, dakle na jedan od ovih načina penzionisani? Hvala.

Elvedin Okerić (predsjedavajući)

Zahvaljujem se zastupniku Bandiću.

Po mojoj evidenciji zastupnica Fatima Gavrankapetanović-Smailbegović je jedina tražila usmeni odgovor. I kolega Bandić. Zamolio bih ova dva usmena odgovora da ponude ministri, a ostalo da dostave pismenim putem.

Ministar Hasanović, izvolite, imate riječ.

Enis Hasanović (ministar)

Dobar dan. Poštovani predsjedavajući, zamjenici predsjedavajućeg, poštovane zastupnice, zastupnici, premijeru, ministrice, ministri i građani koji nas prate, pozdravljam sve. Mogu odgovoriti odmah. Poštovana zastupnica Fatima Gavrankapetanović je pokrenula jednu inicijativu i dva pitanja. A priori se slažem sa inicijativom, učinit ćemo sve da je realizujem što prije. Inicijativa je odlična. Ja stvarno, tek sam preuzeo dužnost, ne znam zašto se ovo ne radi na Ginekološko-akušerskoj klinici Kliničkog centra Univerziteta u Sarajevu. I naravno da je potrebno i da se uvede skrining na sluh kod novorođenčadi i učinit ćemo sve da se to što prije realizuje. A pitanje je bilo kako, koliko ima odobrenih sredstava za kapitalna ulaganja i koliko nije realizovano i koliko će se čekati na iste? Da, to je malo problematično sa aspekta kada se pogledaju brojevi. Mogu, brzo ću ja ovo vam reći sad podatke. Ministarstvo zdravstva ima otprilike 5 164 000 kreditnih sredstava namijenjeni za kapitalna ulaganja, za nabavku opreme i rekonstrukcije javnih zdravstvenih ustanova koji su prenijeti iz prethodnih godina u Budžet za '23.godinu. Najveći iznosi od toga su 2 miliona se odnose za rekonstrukciju centralnog objekta Zavoda za hitnu medicinsku pomoć. Upravo radi činjenice da se nije krenulo u realizaciju navedenih sredstava ja sam sazvao hitan sastanak na zahtjev direktorice Zavoda za hitnu medicinsku pomoć 22.11. prije 2 dana, gdje smo dogovorili da učinimo sve jel sa Vladom Kantona Sarajevo, da se krene u realizaciju ovog projekta. Ako bude moglo fazno pri tom direktorica Zavoda za izgradnju Kantona Sarajevo, s njom sam pričao telefonski, misli da to nije moguće, morat ćemo naći drugi način. Prema ponudama izvođača sada je vrijednost 8 000 000. Kada su pokrenute aktivnosti prije puno godina to je bilo oko 3 000 000, zbog rasta cijena na tržištu, to je sada naraslo na 8 000 000. Nije pokrenuto tada, stvarno ne znam zašto nije tada, ali sada je to jako teško. Morat ćemo iznaći sredstva dodatna više nego duplo nego što je bilo planirano. Druga velika stavka, 1.900.000 maraka su odobrena kreditna sredstva u septembru '22 godine, prije godinu i nešto za Opću bolnicu "Primarijus dr. Abdulah Nakaš" i od ovog iznosa 1 000 000 se odnosi za projekat integracije operacionih sala i prema informaciji iz ustanove, postupak javne nabavke okončan i potpisan je ugovor sa izabranim ponuđačem. Znači, u toku je realizacija. Ovaj iznos od 900.000 KM odnosi se na nabavku opreme za održavanje higijene, pripreme i distribuciju hrane u Općoj bolnici "Primarijus dr. Abdulah Nakaš". Postupak izbora ponuđača je, također, okončan, ugovori sa izabrani dobavljačima su potpisani i u toku je realizacija potpisanih ugovora. Još tri stavke veće: 600000 maraka su kreditna sredstva iz '21 godine odobrene za Projekat izgradnje rekonstrukcije sanacija Javne ustanove Dom zdravlja Kantona Sarajevo. Prema informacijama iz ove ustanove, izabrani su najpovoljniji ponuđači. Radovi su u toku i to Ilijaš 102 869 KM, to je za mokre čvorove, Organizaciona jedinica Centar 483 000, što uključuje stolariju, fasadu. Također imaju 550000 maraka kreditna sredstva iz '22. godine odobrena za rekonstrukciju objekta postrojenja u Centru za upravljanje medicinskog otpada u Kliničkom centru Univerziteta u Sarajevo. Također, navedeno je da je postupak nabavke izvođača radova okončan, potpisan je ugovor s

istim, isplaćena prva privremena situacija u iznosu od 38 000 KM. I imamo još 100.000 KM kreditna sredstva iz '22 godine odobrena za sanaciju trafostanice na mjestu stara hirurgija u Kliničkom centru i trenutno je projekat realizovan u potpunosti. To je ono što imamo kapitalne investicije. Pitanje je bilo da li Hitna služba naplaćuje obezbeđenje važnih događaja za Kanton Sarajevo, posebno boračkih udruženja? Imam informaciju od direktorice Hitne službe da postoji Pravilnik o uvjetima i načinu formiranja cijena medicinskih usluga. Taj Pravilnik je maltene od postojanja Hitne službe na snazi, Pravilnik ne predviđa nikakvu mogućnost nenaplaćivanja medicinskog obezbeđenja, znači davanje usluga medicinskog obezbeđenja bez naknade. Radi se o tome da ekipe koje bilo koji događaj obezbeđuju u Kantonu Sarajevo su u slobodnom radnom vremenu, znači ekipe koje su slobodne, koje nisu na dužnosti taj dan i koje imaju pravo po svim aktima na prekovremene sate, naplaćene radne sate, tu imaju troškovi goriva, amortizacije i ostalog. Pravilnik je revidiran prije par dana, ali ne u ovom dijelu, nego nešto drugo i direktorica je iskazala spremnost, naravno, ja iskazujem spremnost i zahvalnost zastupnici za ovo pitanje. Ministar Osmanović je apsolutno ovo podržao je. Ja mislim da ovo se treba revidirati, u Pravilniku za sada nije bila zakonska mogućnost. Pravilnik niko nije revidirao u ovom pogledu, niko do sad nije tražio, ja mislim da ćemo uspjeti da revidiramo Pravilnik i da u koordinaciji ministrom za boračka udruženje ili nekim drugim, da iznađemo kategorije za koje će biti oslobođeni od plaćanja. Ja ne znam da imam više pitanja. Hvala.

Elvedin Okerić (predsjedavajući)

Zahvaljujem se uvaženom ministru Hasanoviću. Ministar Adnan Šteta se javio za riječ.

Adnan Šteta (ministar)

Hvala predsjedavajući, dobar dan svima i hvala na postavljenom pitanju gospodinu Bandiću. Istina je da imamo, imali smo ustvari blizu stotinjak, sada nešto manje, ljudi koji su penzionisani po nepovoljnim uslovima u Gras. Uzimajući u obzir da tadašnja rukovodstva preduzeća i Vlade, pa i skupštinske većine je dopustila da 7 do 8 godina ljudi primaju platu bez doprinosa. Ono što smo mi napravili jeste da po Programu od 21. ,22., 2 smo penzionisali blizu 200 ljudi i za njih doplatili i uplatili blizu 7 000 000 maraka kako bi ljudi mogli otići po normalnim uslovima u penziju. Svjesni smo da imamo ovaj izazov, tražimo i zakonski kako možemo sada ući u rješavanje toga iz razloga toga što je Gras taj koji ima obavezu prema uposlenicima. Nismo odustali od toga, evo već dvije, tri godine tražimo neki način i tražimo sredstva, jer nisu to ni mala sredstva za taj dio i vidjet ćemo da li ćemo uspjeti kroz, u Nacrtu nemamo, ali kroz Prijedlog budžeta da obezbijedimo ta sredstva, što je u ovom momentu možda i lakše nego zakonski naći uporište kako to odraditi. Tako da nismo odustali od toga. Nažalost, oni su prije 2018 ušli u to, nisu ušli u ovaj dio vezano za rješavanje i zbrinjavanje. Sjedimo i pričamo s tim ljudima, dolazili su ti ljudi i kod mene, dolaze ti ljudi u Gras, tamo su radili, tamo im je ustvari i adresa gdje se prvo trebaju obratiti, pa onda nama i učinit ćemo sve što je u našoj moći da to riješimo. Hvala.

Elvedin Okerić (predsjedavajući)

Zahvaljujem se ministru Adnanu Šteti. Premijer Nihad Uk se javio za riječ.

Nihad Uk (premijer)

Hvala predsjedavajući. Par pitanja je bilo usmjereno jel prema mojoj poziciji, odnosno Vladi Kantona Sarajevo generalno. Uvažena zastupnica Belma Kapo je inicirala da se nabavi oprema za Pedijatrijsku kliniku. Ovo ćemo sigurno uzeti u razmatranje, s obzirom da se radi o jako bitnoj stavci i sigurno će se naći u budžetu za narednu godinu. Informacija o ugovorima o djelu i zaposlenim u tekućoj godini koju je tražio uvaženi zastupnik Selmanović, dostavit ćemo u

narednom periodu. Također, već na prvoj narednoj sjednici Vlade Kantona Sarajevo razmotrit ćemo inicijativu zastupnika Čičića kako bi osigurali određenu pomoć za studente Palestine na Univerzitetu u Sarajevu. Sanacija stepeništa uvažena zastupnica Vujović, to ćemo uputiti Općini Centar. Imam nezvaničnu informaciju da je planirano u projektima za 2024.godinu rekonstrukcija pomenutog stepeništa. Zastupnik Kalem je pitao dokle je sa inicijativom koja je došla sa nivoa Federacije Bosne i Hercegovine da se Kanton Sarajevo uključi u sufinansiranje onkoloških pacijenata. Mi kao Vlada Kantona Sarajevo smo uputili zahtjev prema Zavodu zdravstvenog osiguranja da se oni očituju po pitanju ove inicijative s obzirom da raspolažu tim novcem. Dobili smo odgovor da u ovom trenutku ne postoji zakonska regulativa koja može odmah da odobri sredstva za financiranje onkoloških pacijenata. I već naredne sedmice uvaženi ministar Hasanović će sazvati sastanak na kojem će biti prisutni predsjednica Upravnog odbora, direktor ZZO-a, ministarstvo resorno i moja malenkost kako bi pronašli odgovarajući način i da vidimo u kojim zakonskim okvirima možemo da pomenutu inicijativu sa nivoa Federacije realizujemo, iskreno, isključivo samo u interesu pacijenata s obzirom da, zakonski podvlačim, nismo obavezni da ovo u ovom trenutku financiramo. I ostat ću još dužan uvaženoj zastupnici Klarić oko česmi. Dakle, mi smo razgovarali na ovu temu, bili smo na prezentaciji, dio Vlade na prezentaciji kada se govorilo, tako da će Vlada Kantona Sarajevo biti partner u realizaciji ove inicijative. Sve ostalo što nisam odgovorio, dobit ćete pismene odgovore, uključujući od ministara koji su isto tako dobili pitanja ili inicijative, tako da u što skorijem roku ćete dobiti odgovore. Neki se tiču i same naredne tačke dnevnog reda, Nacrta Budžeta, tako da će biti prilike i na narednoj tački dnevnog reda da razgovaramo o njima. Hvala.

Elvedin Okerić (predsjedavajući)

Zastupnik, odnosno ministar Admir Katica, izvolite imate riječ.

Admir Katica (ministar)

Hvala lijepa, predsjedavajući, lijep pozdrav vama, lijep pozdrav svim zastupnicama i zastupnicima u Skupštini Kantona Sarajevo, posebno građankama i građanima Kantona Sarajevo. Imao sam nekoliko pitanja. Jedno se odnosilo, jedno od uvaženih zastupnice Belme Kapo koje se odnosilo na incident, odnosno na napadu u tramvaju koji se desio prekjucher. Ono što ja mogu reći, iako je to supstancijalno operativno pitanje Uprave policije MUP-a Kantona Sarajevo, mogu vas informisati servisno da je u ovome slučaju u toku kriminalistička obrada, provodi se kriminalističko istraživanje i po rezultatima, odnosno po rasvjetljavanju ovoga događaja svakako će javnost biti informisana o tome. Što se tiče operativne aktivnosti Uprave policije MUP-a Kantona Sarajevo ona se provodi provođenjem preventivno represivnih aktivnosti na autobuskim, tramvajskim i trolejbuskim stajalištima, kao i provođenje mjera u cilju sprečavanja džepnih krađa unutar vozila javnog prijevoza, te se u skladu s tim predviđa i ostvaruje prisustvo policije, kako u uniformi, tako i većinom u civilu unutar vozila javnog prijevoza i na taj način se vrši prevencija određenih protivpravnih ponašanja. Naravno, teorijski niti objektivno ne postoji mogućnost sprečavanja svakog mogućeg incidenta, ali ono što ja mogu reći jeste da naša policija je prepoznata po tome da je u vrhu efikasnosti po pitanju otkrivanja, rasvjetljavanja različitih vrsta krivičnih djela i brzih, efikasnih kriminalističkih obrada. Tako da vjerujem i nadam se da će biti tako i u ovome slučaju. Što se tiče pitanja uvaženog zastupnika Adia Kalema, koji se odnosi na naših aktivnosti po pitanju sigurnosti saobraćaja, ja mogu reći da smo mi, kao što sam već više puta informisao, još od prošle godine, pristupili provođenju smjernica za poboljšanje sigurnosti u saobraćaju na području Kantona Sarajevo. Provode se sistemske mjere. U okviru tih aktivnosti imamo novi taktičko-metodološki pristup ovoj problematici. Sprječavamo saobraćajnu delikvenciju i veliki je problem što nemamo odgovarajući instrumentarij, odnosno odgovarajuće zakonske norme koje

bi bile efikasne protiv saobraćajne delikvencije i očekujemo takve norme. Imamo uvjerenja i od Ministarstva prometa i komunikacije, ministra Forte da će se uskoro naći na u parlamentarnoj proceduri odgovarajuće izmjene Zakona o osnovama sigurnosti saobraćaja na putevima u Bosni i Hercegovini. Te mjere će značiti upravo ono što mi i tražimo, objesna vožnja, kao poseban oblik vršenja, kao poseban oblik saobraćajne delinkvencije, kažnjiv i to kažnjiv adekvatno, vožnja pod dejstvom alkohola, vožnja pod dejstvom droga itd. Također, policija je u skladu sa Zaključcima Skupštine Kantona Sarajevo i Vlade Kantona Sarajevo, u značajnom intenzitetu prisutnija na ulicama Kantona Sarajevo. Mi imamo u okviru tog taktičko metodološkog pristupa novi pristup u smislu prisustva na novim lokacijama, upravo na onim lokacijama koje su i prema našim analizama i analizama Ministarstva za, odnosno Fakultete za saobraćaj i komunikacije, određivanje kriznih, kritičnih tački na saobraćajnicama u Kantonu Sarajevo, upravo dakle se predviđa prisustvo na tim lokacijama. Imamo stalne akcije pojačanog nadzora tokom vikenda, tokom nekih drugih radnih dana u okviru u skladu sa našom sigurnosnom procjenom mogućnosti pojavljivanja određenih protuzakornih ponašanja. Nastavit ćemo sa ovim aktivnostima. Uskoro će se desiti jedna pres konferencija na kojoj će Ministarstvo unutrašnjih poslova, zajedno sa sa operativnim sastavom Uprave policije, posebno sa Jedinicom za saobraćaj, informisati javnost o preduzetom. Mogu reći da što se tiče rezultate i ako je rano govoriti, mi imamo određene trendove smanjenja broja poginulih i teško povrijeđenih u saobraćajnim nezgodama, što je naš najvažniji zadatak, imamo povećanje broja saobraćajnih nezgoda sa materijalnom štetom, što je svakako informacija za razmotriti i u tom smislu imam informacije, također, da će se u okviru ovog novog Zakona o osnovama sigurnosti saobraćaja na cestama tretirati i ta problematika kako bi se na taj način izbjegavale gužve na saobraćajnicama. Ukoliko je potrebno mi ćemo u ovome dostaviti svakako i pismeni odgovor, evo, kao što sam rekao, detaljnije ćemo i kao Ministarstvo, ali i kao Uprava policije, o ovome je pričati i obavijestiti javnost uskoro. Hvala.

Elvedin Okerić (predsjedavajući)

Zahvaljujem se ministru Admiru Katici. Ministar Kenan Magoda se javio za riječ.

Kenan Magoda (ministar)

Dobro jutro svima u sali Skupštine Kantona Sarajevo. Odgovori na pitanje uvažene zastupnice i inicijativu Marijele Hašimbegović vezano za Historijski arhiv Kantona Sarajevo. U ime Ministarstva kulture i sporta želim da kažem da je Historijski arhiv od nultog prioriteta prema našem resoru i Vlade Kantona Sarajevo, što smo i pokazali prilikom samog dolaska jer je Ministarstvo kulture i sporta inicirao hitan sastanak u Vladi Kantona Sarajevo već 2. 6. 2023.godine. Na sastanku su prisustvovali, osim mene kao resornog ministra i premijera Vlade Kantona Sarajevo i predstavnici Ministarstva unutrašnjih poslova, predstavnici Kantonalnog i Općinskog suda, Tužilaštva, predstavnici BHRT-a, Medija centra, Zavoda za zaštitu kulturno-istorijskog prirodnog nasljeđa Kantona Sarajevo. Ono što mogu reći da smo nakon sumiranja potencijalnih lokacija na sastanku je zaključeno da BHRT ima potrebne kapacitete za smještaj arhive koji bi privremeno riješili problem arhivske građe, naravno, bilo je potrebno utvrditi obilaskom prostorija BHRT-a ,dogovoren je termin posjete u prostorijama BHRT-a. Uvažena direktorica Historijskog arhiva Kantona Sarajevo, Ismeta Džigal Berkovac, je 15. 6. 2023. već obišla, izvršila uvid u objekat kako bi konstatovala da li predloženi depo odgovara potrebama Javne ustanove Historijski arhiv Sarajevo. Međutim, Ministarstvo kulture i sporta Kantona Sarajevo nikada nije dobilo zvanični dokument sa informacijama da li prostorije BHRT-a odgovaraju za smještajni prostor preuzimanja arhivske građe u Kantonu Sarajevo. Tražio sam od uvažene direktorice da kao odgovorno lice zastupanje i predstavljanja dostavi detaljan i dokumentovan izvještaj o tome da li depo BHRT-a odgovara za smještajni prostor arhivske

građe i ukoliko postoje objektivni pokazatelj da smještaj ne odgovara potrebama i kapacitetima, niti opremom da nam dostavi sa predstavnicom Upravnog odbora Nadzornog odbora prijedloge sa financijskim konstrukcijama na koji način da riješimo i trebamo riješiti probleme Historijskog arhiva na adekvatan način i nakon što nam dostave sve tražene dokumente, onda ćemo mi kao Vlada Kantona Sarajevo i Ministarstvo kulture i sporta obezbijediti sredstva da bi riješili taj gorući problem. Znači, nama je nulti prioritet u Vladi Kantona Sarajevo rješavanje Historijskog arhiva i naše nacionalne historijske građe i već to radimo na tom putu. Hvala.

Elvedin Okerić (predsjedavajući)

Zahvaljujem se uvažanim ministrima. Do sada imamo samo jednu inicijativu koja je. Imamo dvije slične inicijative.

Pa ovako ću sada kazati kolegi Albinu Zuhriću, kada već se stavite u poziciju da otvorite vrata i prostor dodavačima, raznim spletkarošima, kleveticima i smutljivcima da vam pišu inicijative i pitanja, makar im kažete da vam napišu gramatički tehnički ispravnu inicijativu kako bi je mogli pročitati. Druga stvar, u vašoj inicijativi se kaže da bi se Skupština trebala izjasniti u roku od 30 dana, iako nadležne institucije provode istragu. Sačekat ćemo da vidimo šta će to biti utvrđeno. Druga stvar iznosite neistine, kaže povodom utvrđenog sukoba interesa. Ukoliko budem imao osnov, naravno, tužit ću vas za ovo, ako ne, makar Etičkoj komisiji. A evo, konsultovat ću se sa advokatom da li ima osnov za tužbu protiv vas da iznosite nešto što nadležne institucije nisu presudile. Tako da Skupština Kantona Sarajevo nema osnov da se izjasni o vašoj inicijativi, populističkoj i krajnje je bezobraznoj.

Poslovnička intervencija zastupnik Albin Zuhrić.

Albin Zuhrić (zastupnik)

Predsjedavajući, ja sam tražio da se Skupština izjasni, nisam bio svjestan da ste vi tumač svega i svačega u ovoj Skupštini i vi određujete hoćemo li razgovarati o nečemu i nećemo i glasati o nečemu i nećemo. Dakle, imate inicijativu ispred sebe. Jesu li pravosudni organi uradili svoj posao ili još uvijek rade, to se tiče njih, ne Skupštine ovdje i onoga što mi radimo. Dakle, stavite mi inicijativu na glasanje kako bi se zastupnici izjasnili, a ne vi. Ja znam šta vi mislite.

Elvedin Okerić (predsjedavajući)

Je li vi prejudicirate i znate kada će biti, kada će istraga biti završena?

Albin Zuhrić (zastupnik)

Ne.

Elvedin Okerić (predsjedavajući)

Nego?

Albin Zuhrić (zastupnik)

Ne zanima me uopšte kada će istraga biti završena.

Elvedin Okerić (predsjedavajući)

Pa kako ćemo se izjasniti? Jel vi znate da će biti nešto gotovo za 30 dana?

Albin Zuhrić (zastupnik)

Predsjedavajući, ako pročitate moju inicijativu, ja ne čekam odluku pravosudnih organa. Kakve veze imaju odluke pravosudnih organa sa inicijativom? I posljednja stvar, što se tiče ovog sukoba interesa ovdje, odmah da vam kažem, ja vas pozivam da tužite, evo vam ovdje javno govorim da se neću pozvati na zastupnički imunitet, radujem se da odemo na sud zajedno i razgovaramo danima o ovome.

Elvedin Okerić (predsjedavajući)

Bit će mi drago, bit će mi drago, sa zadovoljstvom, sa zadovoljstvom ukoliko to bude moguće, sa zadovoljstvom će biti podignuta, odnosno pokrenuta tužba protiv vas.

Kao što sam kazao, Skupština Kantona Sarajevo nema osnov da se izjasni o ovome dok ne dobijemo potpune informacije od nadležnih institucija koje provode nadzor. Kada se nadzor završi, naravno da će informacija biti u potpunosti biti prosljeđena svim zastupnicima.

Nastavljamo dalje sa drugom tačkom dnevnog reda.

Zastupniče Šaljić, izvolite, jeste li nešto htjeli?

I vama je sličan dodavač isto ovo dao. Sad sam kazao, nakon što nadležne institucije izvrše nadzor i kontrolu, naravno da će Skupština biti obaviještena.

Izvolite. Poslovnička intervencija, zastupnik Muamer Bandić.

Muamer Bandić (zastupnik)

Zahvaljujem se. Zaista nema razloga za nekom nervozom i za nekim nekorektnim odnosom ukoliko neko traži neku inicijativu. Ukoliko ta inicijativa ima mogućnost da bude realizovana, treba da za nju glasamo, ukoliko nema, nema razloga da prijetimo tužbama ili bilo čim drugim. Iz kojeg razloga? Ne mislim ja da prije svega da se desio tu neki poseban slučaj i ne zanima me šta će uraditi pravosudni organ, to je njihov posao, ovdje se radi o javnim sredstvima i zastupnici imaju pravo uvida u sve, dakle aktivnosti koje se odnosi na utrošak javnih sredstava. Da li je bilo nešto nezakonito ili ne, ne treba prejudicirati, kao što ste i rekli. Predsjedavajući, ovo je radio Kabinet, nema razloga za nekim podizanjem tenzija. Ako imamo uslove da se inicijativa stavi na glasanje, trebamo je staviti, ukoliko nema, trebamo, dakle, bez bilo kakvog podizanja tonova raščistiti da to sada nije moguće, ali onda trebamo da imamo obrazloženje iz kojih razloga, je li zato što je pokrenuta istraga ili iz nekog razloga što bi te informacije ugrozile istragu. I mi ćemo to shvatiti, naravno, kao obavezu našu koju trebamo da ispoštujemo. Hvala.

Elvedin Okerić (predsjedavajući)

Zahvaljujem se. Populizam, naravno, možete provoditi po portalima svojim, ali ovdje vam to neću dozvoliti. Prelazimo na tačku dva.

AD-2.

NACRT BUDŽETA KANTONA SARAJEVO ZA 2024.GODINU

Nacrt Budžeta ste dobili uz poziv za sjednicu. Molim predstavnika Predlagača da podnese uvodne napomene. Izvolite, imate riječ.

Afan Kalamujić (ministar)

Dobar dan, da pozdravim sve prisutne, kao i gledaoce ispred malih ekrana. Ja nisam učestvovao u izradi navedenog Nacrta Budžeta, shodno tome, za mene i za političku opciju iz koje ja dolazim, navedeni dokument je samo polazna osnova koja će pretrpiti značajne izmjene i korekcije. Mi ćemo svoje prijedloge i sugestije dati tokom javne rasprave, u skladu sa mjerama

i ciljevima koje smo delegirali, koji su uključeni u dokumente koje ste imali priliku da vidite u Ekspozou na sjednici prošle sedmice. Shodno tome, pozivam sve učesnike, evo da tokom javne rasprave daju svoje prijedloge, svoje sugestije kako bi dobili što bolji i kvalitetniji Budžet našeg Kantona za narednu godinu. Hvala.

Elvedin Okerić (predsjedavajući)

Zahvaljujem se uvaženom ministru. Premijer Nihad Uk se javio se riječ. Izvolite.

Nihad Uk (premijer)

Hvala predsjedavajući, još jednom srdačan pozdrav zastupnicima i zastupnicama, kolegama iz Vlade, ministrima i ministricama, dragim građanima koji nas prate preko TVSA. Pred nama je danas Nacrt Budžeta Kantona Sarajevo. U izradi Nacrta Budžeta Kantona Sarajevo započelo se u prvoj polovici jula na način da se uputila instrukcije svim budžetskim korisnicima da do 31. augusta dostave prijedloge za Budžet 2024. godine. Nakon tog prvog dijela, gdje su budžetski korisnici dostavili svoje zahtjeve, Ministarstvo financija je napravilo niz sastanaka u periodu između 4. 9. i 27. 9. tekuće godine, gdje se razgovaralo kako bi se pojedini zahtjevi reducirali, s obzirom na veliki broj njih koji su došli u međuvremenu. Ministarstvo financija Kantona Sarajevo, u skladu sa projiciranim prihodima i u skladu sa Zakonom o budžetu u Federaciji Bosne i Hercegovine, uravnotežilo prihodovnu i rashodovnu stranu i mi smo za ovaj Nacrt Budžeta Kantona Sarajevo, u skladu sa članom 33. Zakona o budžetima Federacije Bosne i Hercegovine, dobili saglasnost od Federacije, odnosno resornog ministarstva na nivou Federacije. U međuvremenu, uvažavajući inflatorna kretanja Ministarstvo financija Federacije Bosne i Hercegovine 20.10. tekuće godine dostavilo je ispravljenu revidiranu prihodovnu stranu, odnosno projekciju prihoda za 2024. do 2026. koja je bila znatno povoljnija za Kanton Sarajevo i na osnovu toga i mi smo revidirali Nacrt Budžeta na aspektu rashodovne strane. Ove dodatne prihode uzrokovane isključivo inflatornim kretanjima iskoristili smo kako bi podigli osnovicu budžetskim korisnicima u Kantonu Sarajevu, koja je u ovoj godini bila 330 konvertibilnih maraka, podigli smo, podignut ćemo na 385 konvertibilnih maraka i onih 100 konvertibilnih maraka koja je bila pomoć u toku ove godine, bit će uključeno u taj iznos. Na sjednici Vlade Kantona Sarajevo, održanoj 07.11.2023.godine, Vlada Kantona Sarajevo je utvrdila Nacrt Budžeta u iznosu od 1.262. 733. 248 konvertibilnih maraka. Prihodovna strana Nacrta Budžeta Kantona Sarajevo za 2024. godinu u odnosu na Budžet prethodne 2023 godine uključuje rast poreza na dobit i ovdje podcrtavam smanjenje poreza na dohodak i smanjenje indirektnih poreza koji pripadaju Kantonu Sarajevo. Ovo je uzrokovano famoznom odlukom gdje su raspodjela javnih prihoda i famozni ponder umanjani za Kanton Sarajevo, tako da naredna i 2025. godina će najviše ispaštati i Budžet Kantona Sarajevo i građani Kantona Sarajevo usvajanjem te preraspodjele, odnosno izmjene i dopune Zakona o preraspodjeli javnih prihoda. Što se tiče najznačajnijih prihoda Kantona Sarajevo, tu svakako imamo budžetske prihode sa izvora 10, koji ove godine u Nacrtu iznose milijardu i 38 000 000 konvertibilnih maraka i zauzimaju nešto viši od 82 odsto budžeta Kantona Sarajevo, drugi značajni prihodi Budžeta jesu iz izvora 60 primici 82 miliona i 300 000, odnosno 6,52 %. Zatim imamo transferi sa drugih nivoa vlasti. To je 68 890 000, što iznosi 5, 46 % i imamo također vlastite prihode i nenamjenske prihode u iznosu nešto većem od 5 procenata.

Što se tiče rashoda, dakle rashodi u Nacrtu Budžeta za narednu godinu utvrđeni su na osnovu ovih prezentiranih prihoda i oni su uravnoteženi ukoliko uključimo kapitalne projekte financirane iz Ino kredita, sredstava koji će se povući za 2024.godinu bez vlastitog učešća u Budžetu Kantona Sarajevo za 2024. godinu. On će iznositi 256 000 000 konvertibilnih maraka. Želim da istaknem ono i vama je svima poznato da rashodovna strana dominantno Budžeta Kantona Sarajevo jesu svakako plaće, doprinosi, naknade troškova zaposlenih u Kantonu Sarajevo, što u ovoj godini, odnosno u narednoj godini planirano je da iznosi 677 000 000

konvertibilnih maraka, odnosno 44 % ukupnog Budžeta Kantona Sarajevo. Želim da istaknem također, izdatke za materijal i sitni inventar i usluge u iznosu od 7,67 % ukupnog Nacrta u ovom slučaju, Tekuće transfere u iznosu od 14,41 % od cjelokupnog Nacrta ili 218 000 000 konvertibilnih maraka. Želim da istaknem kapitalne projekte ovog Nacrta Budžeta koji kad, ako se zbirno uzmu kapitalni transferi i izdaci i kapitalni projekti finansirani iz ino kredita iznosit će i preko 27 % Budžeta za narednu godinu, odnosno 416 000 000 konvertibilnih maraka, tako da ovaj aspekt ovog Budžeta možemo ga definisati i pored ovog socijalnog, koji je tradicionalno, s obzirom da preko 44 % Budžeta ide za financiranje plata, dakle, kapitalni projekti ovog budžeta iznose preko 27 % ukupnog iznosa.

Također, želim da istaknem Tekuće transfere koji su planirani za iduću godinu u iznosu od nešto više od 219 000 000 konvertibilnih maraka i pobrojat ću samo neki najveće tekuće transfere po resorima. U Ministarstvu pravde i uprave imamo 2, 4 miliona konvertibilnih maraka za TVSA kroz subvencije i naknade zakonskih organa tijela poduzeća, tekuće troškove poslovanja, u Ministarstvu za boračka pitanja, tekući transferi odnose se na novčane naknade u iznosu od 6 000 000, jednokratni pomoći boračkoj populaciji u iznosu 8 600 000, mjesečne transfere boračkoj populaciji u iznosu od 4,2 miliona konvertibilnih maraka, sredstva za stipendiranje djece iz boračke populacije 2,4 miliona, troškove rente i uređenja za objekte boračke populacije 600 000 konvertibilnih maraka, realizaciju projekata od interesa za boračku populaciju u iznosu od preko 1 000 000 konvertibilnih maraka. Nacrtom Budžeta planirana su sredstva u Ministarstvu saobraćaja za subvenciju javnom prijevozu u iznosu od 12 000 000 konvertibilnih maraka. Također, u Ministarstvu privrede imamo poticaj za razvoj male privrede u iznosu od preko 6 000 000 konvertibilnih maraka, poticaj u poljoprivrednoj proizvodnji 5 600 000, tekući transferi poslovanju dva preduzeća u sklopu Ministarstva privrede: Skenderija i Zetra po 1 200 000 konvertibilnih maraka, tekući transferi Veterinarskoj stanici 1 000 000 konvertibilnih maraka, u Ministarstvu zdravstva imamo prevenciju, očuvanje, unapređenje zdravlja stanovništva Kantona Sarajevo iznos od 1 000 000 konvertibilnih maraka, Ministarstva za odgoj i obrazovanje tekući transferi neprofitnim organizacijama za predškolsko i osnovnu obrazovanje, što uključuje i sufinansiranje smještaja, boravka djece u vrtićima, škole plivanja, škole, skijanje, škole planinarstva, škole u prirodi i inkluzivne projekte, također, u iznosu od 14 000 000, a također u Ministarstvu za odgoj i obrazovanje imamo tekuće transfere neprofitnim organizacijama pomoć usluge u obrazovanju u iznosu od 2 7 000 000 konvertibilnih maraka. Što se tiče Ministarstva kulture i sporta, kada je riječ o tekućim transferima, planirana sredstva Nacrtom Budžeta su 5 000 000 konvertibilnih maraka za transfere u oblasti sporta i 5 000 000 u oblasti kulture. Ministarstvo za rad, socijalna politika, raseljena lica, izbjeglice, zaštita porodice sa djecom u iznosu od 51 722 000 konvertibilnih maraka, zaštita civilnih žrtava rata 16 000 000 konvertibilnih maraka, socijalna zaštita 20 000 000 konvertibilnih maraka, sufinansirani rada javnih kuhinja 2 500 000. Također, imamo tekuće transfere za raseljena lica i izbjeglica od 1 150 000 konvertibilnih maraka, sufinansiranje materijalnih troškova i podrške radu Gerontološkog centra u iznosu od 1 000 000 konvertibilnih maraka, različiti socijalni projekti preko pola milijuna konvertibilnih maraka. Ministarstvo komunalne privrede i infrastrukture, prostornog uređenja i građenja, zaštite okoliša. Kada je riječ o tekućim transferima, planirani su u iznosu od 2 3 000 000 konvertibilnih marka, plaćanje preuzetih obaveza za preduzeća iz oblasti energetike za kreditna sredstva koja su uzeta od Svjetske banke. Imamo 10 000 000 konvertibilnih maraka koja su namijenjena za komunalna preduzeća, što kantonalna, što općinska. Također u Ministarstvu za nauku i visoko obrazovanje i mlade planirano je 650 000 transfera neprofitnim organizacijama. Tekućih transfer neprofitnim organizacijama za nauku 4 250 000. I različiti drugi manji transferi po ministarstvima. Najveći iznosi kapitalnih transfera izdataka po resorima su u Ministarstvu za boračka pitanja Kantona Sarajevo kapitalni transferi za očuvanje tekovine odbrambeno oslobodilačkog rata 92- 95. i narodno oslobodilačkog rata u iznosu 2 400 000,

kupovina stanova u vlasništvu za boračku populaciju 2 500 000 i pomoć za rješavanje stambene problematike boračke populacije 1 350 000. U Ministarstvu za saobraćaj imamo vlastito učešće za projekte koji se finansiraju inostranim kreditima IBRD-e i EIB-a u iznosu od 4 000 000 konvertibilnih maraka. U Ministarstvu privrede imamo infrastrukturno uređenje i rješavanje imovinskopravnih odnosa u poslovnoj zoni Kantona Sarajevo iznosa od 6 500 000 konvertibilnih maraka. Zaštita vodotoka na području Kantona Sarajevo 3 200 000. Podrška projektima ZOI-a '84 u iznosu od 11 miliona, kapitalni projekti u šumarstvu u iznosu od gotovo 6 000 000 konvertibilnih maraka. Izgradnja , rekonstrukcija i opremanje javnih zdravstvenih ustanova u sklopu Ministarstva zdravstva Kantona Sarajevo planirani su ovim Budžetom nešto manje od 500 000 konvertibilnih maraka. I na koncu Ministarstvo komunalne privrede i infrastrukture i prostornog uređenja i građenje i zaštite okoliša Kantona Sarajevo planirano je rekonstrukcija Skupština vodovodne i kanalizacione mreže na području Kantona Sarajevo u iznosu nešto manjem od 4 miliona konvertibilnih maraka, energijska efikasnost 2,8 miliona, stambenih razvoj 600.000, vlastiti prihoda, efikasnijeg sistema održavanja, javne rasvjete 500.000, projekt sanacije vodovodnog sistema putem Vodovoda i kanalizacije preko EBRD-a 1.500 000, izgradnja i rekonstrukcija komunalnih objekata kojim upravljaju javna komunalna preduzeća 2 miliona, projekti iz oblasti javnih rasvjete 500 000. Također, želim da spominjem da će Budžet Kantona Sarajevo za 2024. godinu biti uvećan i za finansiranje kredita iz prethodnog perioda, koji će biti financirani u iznosu od 83 miliona konvertibilnih maraka, zajedno sa kamatama. Također, predviđeno je dodatno zaduženje 78 000 000 koji će biti usmjereni, između ostalog, na kapitalne projekte. Evo, pobrojat ću neke možda u Ministarstvu za odgoj i obrazovanje Kantona Sarajevo izgradnja fiskulturne sale Osnovna škola Džemaludin Čaušević, također izgradnja fiskulturne sale Vladislav Skarić, dogradnja osnovne škole Izet Šabić, rekonstrukcija Osnovne škole Adil Smajlović, opremanje osnovne škole Zahid Baručija, oprema za fiskulturnu salu Vladislava Skarića, nabavka školskog namještaja u osnovnim školama, rekonstrukcija Gimnazije Obala. U Ministarstvu za nauku, visoko obrazovanje i mlade Kantona Sarajevo planirana je izgradnja Akademije scenskih umjetnosti. U sklopu Uprave policije nabavka opreme i radarskog sistema i realizacija projekta prioriteta 1 iz Akcionog plana u iznosu od milion konvertibilnih maraka. Tako da to su samo neki od projekata koji će biti realizovani iz kreditnih sredstava u narednom periodu. Želim da dragi zastupnici i drage zastupnice, da istaknem jednu činjenicu, vi svi koji ste pročitali, sigurno ste pročitali ovaj Nacrt Budžeta, vidjet ćete da pojedine stavke nisu planirane u iznosima koliko je to dostojno financiranje za narednu godinu. Između ostalog imamo stavku porodijske naknade za koju je potrebna su dodatna sredstva do samog prijedloga. Tendencija ove Vlade jeste onog trenutka kada se porodijske naknade usvojilo u prethodnom sazivu Vlade Kantona Sarajevo, da se one usvoje i na nivou Federacije Bosne i Hercegovine, i mi ćemo insistirati da dio financiranja porodijskih naknada preuzme Federacija Bosne i Hercegovini kako bi svi kantoni i sve porodilje u Federaciji Bosne i Hercegovini imali to pravo, a ne samo Kanton Sarajevo. Također, želim da istaknem pojedine stavke koje ste vjerojatno i vi identifikovali da u samom Nacrtu nisu na nivou koliko je potrebno, između ostalog, subvencija javnim preduzećima, financiranje ustanova kulture u Kantonu Sarajevo. Dakle, to smo mi isključivo, dakle, namjerno smo ostavili određene stavke nepopunjene kako bi se prvenstveno građani Kantona Sarajevo, vi zastupnici i općine, uključile u kreiranje ovog Budžeta. I da između Nacrta i Prijedloga ovo sve što je i zakonski potrebno i što ćemo kroz kvalitetnu javnu raspravu dobiti da u sami Budžet uvrstimo. Također, želja nam je, i to smo već krenuli, da pojedine stavke koje su bile u Budžetu Kantona Sarajevo za ovu godinu, a koje se mogu financirati iz sredstava, recimo, Zavoda zdravstvenog osiguranja. Dakle, ove godine je bilo 4 000 000 konvertibilnih maraka za specijalizacije, mi ćemo ta sredstva iduće godine prebaciti da Zavod zdravstvenog osiguranja finansira, s obzirom da imaju već namjenska sredstva u sklopu tog budžeta. Isto tako za određene programe preko Zavoda za zaposlenje, gdje možemo određene programe,

recimo Ministarstva privrede, i prebaciti na Zavod za zaposlenje. U sklopu Turističke zajednice isto tako, postoji prostor za financiranje kulturnih i sportskih dešavanja. Tako da ono sve što možete na prvi mah identifikovati u ovom Budžetu da nedostaje, dosta toga je planirano kroz ove budžete. Također, želim da istaknem da evo dam riječ i odgovorno tvrdim za ovom govornicom da sva prava koja su preuzeta u ovom trenutku kada smo podnijeli Ekspoze prema vama i sav kvalitet i svu uslugu koju je pružala Vlada Kantona Sarajevo neće izostati u narednom periodu. Do samog Prijedloga sve stvari ćemo predvidjeti samim Budžetom kako bi ispoštovali zakonske i one kvalitetne stvari koje smo zadali u prethodnim mandatima. Još jednom pozivam sve vas, zastupnike, građane Kantona Sarajevo i općine i sve druge sudionike da aktivno uzmu učešće u samoj javnoj raspravi u kreiranju Budžeta i iskreno se nadamo da ćemo u ovoj godini imati Prijedlog budžeta i da ćemo ga usvojiti kako bi već naredne godine krenuli u realizaciju svih ovih stvari koje su planirane ovim Nacrtom Budžeta, odnosno koji će biti nadopunjene samim Prijedlogom. Hvala. Za dodatna pitanja, stojim lično ja i kolege iz Vlade.

Jelena Pekić (dopredsjedavajuća)

Zahvaljujem premijeru. Da li predstavnici radnih tijela žele riječ?

Zastupnik Čičić ispred Komisije za budžet. Izvolite.

Davor Čičić (zastupnik)

Zahvaljujem, dopredsjedavajuća. Ja kao predsjednik Komisije za budžet i financija evo želim da kažem par stvari vezano za ovaj Nacrt i vezano za par stvari i sa diskusije na našoj Komisiji, koja je bila povodom ovog Nacrta budžeta. Prije svega pozdravljamo činjenicu da je Nacrt budžeta došao pred Skupštinu Kantona Sarajevo u ovom periodu, uzimajući u obzir da će se provesti javna rasprava i da bi, znači, taj neki konačni prijedlog budžeta trebao biti u zadnjoj sedmici decembra ove godine. S tim u vezi apsolutno podržavamo i zahvaljujemo i Ministarstvu financija i prethodnom ministru koji su se potrudili da u zakonskim rokovima mi dobijemo ovaj dokument na razmatranje. Isto tako, kao što je ministar Kalamujić rekao, ovo je neki prvi dokument i mi ga takvog i promatramo i smatramo i sigurno će doživjeti kroz javnu raspravu puno izmjena i promjena, a u svakom slučaju dokument što se tiče neke tehničke strane zadovoljava sve stvari, tipa mišljenja Ministarstva financija Federacije Bosne i Hercegovine da su svi prihodi usklađeni u biti sa projekcijama koje su oni dostavili. I isto tako, tekući bilans ovog Nacrt Budžeta je pozitivan, što je jedan od eliminatornih uvjeta da se uopće dobije pozitivno mišljenje. Još jedna od stvari koju želim ja evo da istaknem i podcrtam, a koristim svaku priliku da to pričam, je famozna izmjena Zakona o pripadnosti javnih prihoda koja se desila prošle godine na Federaciji, gdje je KS uskraćen za ozbiljna financijska sredstva. Evo samo reda radi veličina, ovo je zbog vas zastupnika i zbog građana da čuju. Znači po ovom Nacrtu Budžeta prihod od indirektnih poreza za koji je vezan taj Zakon, u Kantona Sarajevo bi prema toj projekciji bio često 83 000 000 konvertibilnih maraka. Radi vaše usporedbe i radi bolje usporedbi u budžetu 2022.godine taj iznos znači od indirektnih poreza koji pripadaju Kantonu Sarajevo je bio 580 000 000, znači samo u ove dvije godine, evo '23. je bilo 523 000 000 i tu se vidi svake godine iz godine u godinu pad, značajan pad prihoda Kantona Sarajevo iz financiranja iz indirektnih poreza, što znači da evo između '22. i 24.godine smo i pored svih inflatornih kretanja i pored svih povećanja uplata PDV-a, Kanton Sarajevo po ovom Nacrt Budžeta će dobiti preko 100 000 000 konvertibilnih maraka manje od indirektnih poreza nego što je dobivao prije donošenja ovog Zakona. Mi smo na toj Komisiji sve ovo komentirali. U svakom slučaju, da ne ponavljam priču koliko je ovaj, po nama zakon, mislimo da je diskriminatoran prema Kantonu Sarajevo, prema građanima Kantona Sarajevo. Smatramo da nakon donošenja ovog budžeta, evo ja ću se moliti ministra da zajedno i sa Komisijom za

budžet i financije da pokrenemo proceduru da ponovno stavimo, aktualiziramo ovo pitanje, imamo studiju Ekonomskog instituta u Sarajevu koje je napravio analizu svih tih sličnih modela kakvih imamo u federalnim modelima organizovanja u Europi, ponudio je rješenje kako da to se bolje organizuje, ponudio rješenje i nekog novog zakona koji je, koliko ja imam informaciju na Komisiji na federalnom nivou prošao i da mi apsolutno moramo ići čim prije u da aktualiziramo ponovno taj Zakon i da čim prije krenemo, evo mi ćemo tražiti u svakom slučaju neku tematsku sjednicu Skupštine Kantona Sarajevo, da donesemo neke određene zaključke i da tražimo i od naših zastupnika, što u Domu naroda koji dolazi iz ove Skupštine, što u Predstavničkom domu koji dolazi iz Kantona Sarajevo, da ponovno aktualiziraju to pitanju, jer postoje rješenja u kojem ni drugi kantoni neće biti oštećeni, a gdje će se Kantonu Sarajevo spriječiti ovoliko gubljenje sredstava, jer zaista evo samo reda veličina 2019. godine koje smo, posljednju imamo informaciju od Uprave za indirektno oporezivanje, iz Kantona Sarajevo je uplaćeno 3,5, milijarde konvertibilnih maraka indirektnih poreza, a mi, evo, dobivamo sa inflatornim kretanjima, to će ove godine sigurno dođu nekih 4 milijarde maraka, a mi u povratu, odnosno dobivamo kroz tu raspodjelu javnih prihoda, dobivamo često 483 000 000. Znači, to je nešto što značajno utječe i što po meni uopće nije poštena, da tako kažem, praksa prema građanima Kantona Sarajevo. Isto tako, evo, neki će reći da u Kantonu Sarajevo je značajan broj velikih firmi registrovan i zbog toga ima toliko uplate iz Kantona Sarajevo. Ali ako uzmete poziciju znači neke konačnih potrošnje koja se ostvarila na području Kantona Sarajevo te 2019. godine za koje ja zadnje imam podatke na Kantonu Sarajevu znači krajnje potrošnje bilo neka milijarda i 100 konvertibilnih maraka i opet se vraćamo i pored te milijarde i 100 koja je krajnje potrošena u Kantonu Sarajevo mi ćemo ove godine prema ovome dobiti 483 000 000 maraka. Zato, evo, u kontekstu ove rasprave i onaj bi volio da ministar Kalamujić nakon donošenja ovog Prijedloga budžeta, da vrlo brzo sjednemo i da pokušamo zajedno kroz Komisiju i kroz ovu Skupštinu da donesemo zaključke da se krene u izmjene, nove izmjene Zakona o pripadnosti javnih prihoda u Federaciji BiH. Hvala.

Jelena Pekić (dopredsjedavajuća)

Zahvaljujem zastupniče Čičić. Samo jedna mala napomena. Predstavnici radnih tijela imaju 5 minuta vremena za obraćanje. Sanela Klarić, pretpostavljam ispred radnog tijela. Izvolite.

U pravu ste, kolega, izvolite, zastupnika Kapidžić, pa nakon toga zastupnica Klarić.

Faruk Kapidžić (zastupnik)

Zahvaljujem. Evo, ispred Komisije za boračka pitanja iznijet ću, iznijet ću stavove Komisije. Dakle, sjednica je održana u ponedjeljak i Komisija za boračka pitanja razmatrala je Nacrt Budžeta Kantona Sarajevo za 2024 godinu i isti jednoglasno nije podržala, 5 je bilo prisutno, 5 je protiv, uz četiri sljedeća Zaključka:

Pod 1. Komisija za boračka pitanja se ne slaže s Nacrtom Budžeta Kantona Sarajevo za 2024. godinu jer je predloženo smanjenje cjelokupnog budžeta za oko 13 %, dok je smanjenje stavki za Ministarstvo za boračka pitanja Kantona Sarajevo čak 20 %.

Pod 2. Skupština ne prihvata stalni trend smanjenja iznosa budžeta na stavci Ministarstva za boračka pitanja Kantona Sarajevo, te smatra da isti mora ostati bar na nivou iznosa od prošle godine.

Pod 3. Skupština skreće pažnju da se Prijedlog budžeta Kantona Sarajevo za 2024 godinu ne smije usvojiti ni u kom slučaju, a da pri tome se zadrži stavka zdravstvena zaštita boračke populacije ekonomski kod 614 200 u visini 0 KM, što je u konačnici smanjenje od 2 000 000 KM za tu stavku, sve dok se ne bude zakonski regulisalo navedeno pitanje putem Zavoda zdravstvenog osiguranja Kantona Sarajevo i obezbijedila neophodna sredstva za potrebe

zdravstvene zaštite i boračke populacije. Osnovni razlog je dovođenje u blokadu izvršenja, planirane stavke sve do zakonskog regulisanja zdravstvene zaštite boračke populacije preko Zavoda zdravstvenog osiguranja Kantona Sarajevo, a što može trajati više mjeseci zbog duge procedure izmjene propisa.

I pod 4. Moralna obaveza Vlade i Skupštine Kantona Sarajevo je da u svakom segmentu zaštite dostignuta prava boračke populacije u Kantonu Sarajevo.

Dakle, to su četiri zaključka. Pojašnjenje, pojašnjenje za ovu stavku za zdravstvenu zaštitu, dakle, ona je stavljena 0, za razliku od prošle godine, gdje je bila 2 000 000, a obrazloženje za to ovaj Ministarstva financija da je to zato što će se to financirati od ove godine kroz Zavod zdravstvene zaštite Kantona Sarajevo, što nije, što nije realno jer će sa početkom iduće godine će ta stavka biti 0, sve dok se ne dovede zakonski, dok se ne reguliše ova stvar, a obzirom da znamo da to sigurno može trajati i pola godine, čak i do kraja godine, neće se moći vršiti već planirana plaćanja za liječenja, određene materijale itd i blokirati će se na neki način ta stavka. Tako da smo mišljenja, zauzeli smo mišljenje da mora ostati ta stavka ista, a da kada se to donese zakonski, da se može plaćati sa Zavoda za zdravstvenog osiguranja, da se onda rebalansom to poravna i ova stavka. Zahvaljujem.

Jelena Pekić (dopredsjedavajuća)

Zastupnica Klarić.

Sanela Klarić (zastupnica)

Zahvaljujem dopredsjedavajuća. Govorim u ime Komisije za poljoprivredu, šumarstvo, vodoprivredu i prehrambenu industriju Skupštine Kantona Sarajevo, koja je na svojoj 10. sjednici održanoj 21. novembra ove godine razmatrala Nacrt Budžeta u Kantona Sarajevo za 2024. godinu i jednoglasno je podržala i ujedno i donijela sljedeće zaključke. Svjesni smo ovoga što je kolega Čičić govorio o problemima pondera i svjesni smo da ovaj nacrt je u skladu sa zakonom Federacije Bosne i Hercegovine, ali isto tako smo se složili zajedno sa predstavnicima ispred ministarstva privrede Kantona Sarajevo, koji su već uputili svoje zahtjeve prema Vladi Kantona Sarajevo koji se odnose na određene stavke budžeta ovog ministarstva, tako da je sama Skupština za poljoprivredu, šumarstvo, vodoprivredu i prehrambenu industriju Skupština Kantona Sarajevo, nakon što je podržala Nacrt Budžeta i tražila da Vlada Kantona Sarajevo na budžetskoj linijama obezbijedi sredstva u minimalnom iznosu od 10 miliona prema potrebama i zahtjevima koje se odnose na poljoprivredu kada je Ministarstvo privrede Kantona Sarajevo i tražilo, svjesni smo da je ovo Ministarstvo povećavalo ova sredstva i voljeli bi svakako i sugerišemo da ona budu uvećao 10 miliona, kao što je bilo od prošle godine, jer su ona realizovano veće 81 %, do sada. Međutim, ono što je važno reći jeste da moramo biti svjesni da krize su oko nas, da krize kao što smo imali sa kovidom i agresijom Rusije na Ukrajinu uticali su na to da se trebamo fokusirati na domaću proizvodnju i podržati domaće poljoprivrednike, lokalnim poljoprivrednike u Kantonu Sarajevo. Međutim, ono što smo primijetili svi članovi Komisije jeste da, bez obzira što se ova sredstva u poljoprivredi povećavaju i na federalnom nivou i na Kantonalnom nivou, pa čak na opštinskim, da je važno da se poveća komunikacija između subvencija koja se odnosi na poljoprivredu svih nivoa, a da bismo upravo znali kakvi su efekti, jer, nažalost, u izvještajima, bez obzira na povećanje budžeta, mi jednostavno vidimo da nešto u svemu tome nije kako treba i da praktično efekti proizvodnje nisu zadovoljavajući. Prema tome, dodatno se traži od Ministarstva privrede Kantona Sarajevo da pripremi izvještaj sa pregledom koliko je do sada bilo povećanje, a koliko su bili stvarni efekti poljoprivrednih poticaja za period 2018.-2023. godina da bismo mi, članovi Komisija i ova Skupština pomogli Ministarstvu da zajedno poveća

kapacitete nadzora nad ovim subvencijama u poljoprivredi i, naravno, podrži i bolje kapacitete Kantonalne uprave za inspeksijske poslove koja treba biti uključena u nadzor. Zahvaljujem.

Jelena Pekić (dopredsjedavajuća)

S obzirom da nema više prijavljenih zastupnika i zastupnica, kao predstavnika radnih tijela, prijeći ćemo na dio zastupničkih pitanja. Dopredsjedavajuća Kristić.

Danijela Kristić (dopredsjedavajuća)

Zahvaljujem, predsjedavajuća, ja ću imati par pitanja. Prvo je koliko ste izdvojili za inkluziju po resorima, jer sam vidjela da ste u Ministarstvu za nauku, visoko obrazovanje i mlade Kantona Sarajevo smanjili grant tekući transferi neprofitnim organizacijama i inkluzija sa 3 720 000 na 650 200. Da li i ove godine u budžetu planirano financiranje Akademija nauka i umjetnosti Bosne i Hercegovine, koje je u 2023. godini bilo pri Ministarstvu za nauku visoko obrazovanje i mladih Kantona Sarajeva. U Nacrt Budžeta nisu planirana sredstva za izgradnju i opremanje veteranske bolnice i dnevne bolnice za PTSP. Da li će se sredstva uspjeti obezbijediti u Prijedlogu budžeta? Da li su izdvojena dodatna sredstva za tužbe uposlenika mimo onih 0,3 %, prihoda iz prethodne godine i koja je zakonska obaveza i da li imate projekciju koja je izvršenje kapitalnog budžeta u odnosu na prethodne godine? Toliko hvala.

Jelena Pekić (dopredsjedavajuća)

Zastupnica Viteškić.

Smiljana Viteškić (zastupnica)

Zahvaljujem dopredsjedavajuća. Ja imam također nekoliko pitanja. Prvo pitanje mi je uzela Komisija za boračka pitanja, upućeno je Ministarstvu isto na ekonomskom kod 614 200 sredstva za zdravstvenu zaštitu boračke populacije 2023, 2 000 00, 2024. 0. Mislim da je ovo veliki problem jer postojeća zakonska regulativa ne dozvoljava da se ova sredstva isplate sa Zavoda za zdravstvenog osiguranja. Na ekonomskom kodu 614, isto u Ministarstvu za boračka pitanja Realizacija projekata od interesa za boračku populaciju u saradnji sa neprofitnim organizacijama 2023- 1 070 000, 2024 - 1 090 000 interesuje me koji su ovo projekti, jesu li ovo projekti obilježavanje značajnih događaja neprofitne organizacije, boračka udruženja. Kratko da nam odgovori ministar. Ministarstvo unutrašnjih poslova na ekonomskom kodu 621 300 nabavka helikoptera 2023. - 2,5 milijuna, 2024- 20 454 000 konvertibilnih maraka. Interesuje me šta se planira sa ovih 20 milijuna je li helikopter, helikopteri i helikopterska jedinica? Znači da nam odgovori ministar MUP-a. Ministarstvo privrede podrška jedinicama lokalne samouprave u pripremi projekata javo privatnog partnerstva, za 2023.- 40 000, a za 2024. opet 40. Da li su već utrošena neka sredstva koja su planirana za 2023 s obzirom da smo donijeli Zakon o javno privatnom partnerstvu. Ministarstvo također privrede, poticaj razvoju male privrede 2023- 8 800 000, 2024.-6 000 000 drastično smanjenje od 2 758 000. Zašto je toliko smanjeno? Poticaj u primarnoj poljoprivrednoj proizvodnji ponovo 2023 - 10, 2024.- 5 585 000 konvertibilnih maraka. Smanjenje čak od 4 415 000. Zašto su toliko smanjena ova sredstva? Ministarstvo zdravstva na ekonomskom kodu 614 200 troškovi primjene Odluke o proširenim pravima ratnih vojnih invalida sa područja Kantona Sarajevo 2023. - 4 295 000, 2024. -0. Zašto su ova sredstva zašto nema nikakvih sredstava na ovoj stavci? Na ekonomskom kodu prevencija, očuvanje, unapređenje zdravlja stanovništva Kantona Sarajevo 2023 - 2,5 milijuna a 2024. samo milion. Finansiranje specijalizacija '23- 4 000 00, 2024.- 0. Zašto? I u kapitalnim transferima sa 6 548 200 konvertibilnih maraka 2023 smanjenje je na 484 124. Ministar je novi i ne znam može li nam reći šta je planirano u ovim baš minimalnim sredstvima za ove namjene, jer znamo da nam u Kantonu Sarajevo i gorući problem hospis, da evo jedna

ideja za dalje razmatranje Institut za fiskalnu terapiju i rehabilitaciju na Ilidži, koji je nekad bio respektabilna ustanova, sada sa vrlo malim kapacitetima radi. Djeca Sarajeva ekonomski kod 821 600 rekonstrukcija i investiciono održavanje 400000 i prethodne i ove godine. Da li u ovim sredstvima ima planiranih sredstava za vrtić Lužani na Ilidži? Preduniverzitetsko obrazovanje, interesuje me da li je broj uposlenika, kako je predviđeno u Nacrtu Budžeta 48. Ministarstvo kulture i sporta ekonomski kod 615 300 kapitalni transferi neprofitnim organizacijama u oblasti sporta 2023 - 3 000 000, ove godine 0. Zašto je to da ministar možda je zbog novog načina isplate, ali evo da nam objasnite jer je baš onaj smanjenje, nema smanjenja, nego nema nikako sredstava. U civilnoj zaštiti na ekonomskom kodu 614 300 transfer vatrogasnim društvima drastično smanjen 2023-. 225 000, ove godine je 25. Zašto su smanjena toliko sredstva? Na robnim rezervama ponovno smanjenje nabavka robnih rezerva ekonomski kod 814 400, '23. - 4 124 000, ove- 1 895 000 razlika skoro 2 200 000. I ministarstvo komunalni privrede i infrastrukture, ekonomski kod 615 200 subvencioniranje mladih pri rješavanju stambenih pitanja sa 500 smanjeno 400 000. Ova sredstva su sigurno je li nedostatna. I na kraju još jedno pitanje za Ministarstvo za visoko obrazovanje, nauku i mlade. Koliko sredstava ste planirali za pomoć Nacionalnoj i univerzitetskoj biblioteci Bosne i Hercegovine, koja je u preraspodjeli pomoći Kantona Sarajevo pripala vašem ministarstvu, ostale institucije kulture Ministarstvu kulture i sporta. Pa evo, imate li informaciju koliko je sredstava za ovu značajnu ustanovu planirano u Budžetu Kantona Sarajevo? Zahvaljujem.

Jelena Pekić (dopredsjedavajuća)

Zastupnik Selmanović.

Faruk Selmanović (zastupnik)

Zahvaljujem. Ja imam par pitanja koja ću uputiti predlagaču. Prvo od njih me interesuje kako i na koji način se planira realizovati vrijednost ulaganja od 625 miliona u jednoj godini, što do sada nije bio slučaj u Kantonu Sarajevo? A također me interesuje koliko je do sada realizovano od zaduženja u 2023. godini i, naravno, koji je iznos sredstava implementiran? Premijer je u svom izlaganju naveo da je posebno ponosan na kapitalna ulaganja, pa bih ja volio da, evo, ako može, da nas izvijesti o par istih, šta je urađeno do sad i šta se planira, odnosno planirana sredstva, na koji način da se utroše? Pa jedna od tih je unapređenje odlaganja otpada na deponiji Smiljevići. Da nam dostavi informaciju šta je sa izgradnjom zgrade za Akademiju scenskih umjetnosti, u kojoj je to fazi, kad će biti završeno? Onda, naravno, program Univerzitetske biblioteke? U kojoj je to fazi. Rekonstrukcija objekta Hitne pomoći i, naravno, nabavka helikoptera, u kojoj je to fazi i kada možemo očekivati realizaciju istog? Zahvaljujem.

Jelena Pekić (dopredsjedavajuća)

Zastupnica Hašimbegović.

Marijela Hašimbegović (zastupnica)

Zahvaljujem dopredsjedavajuća. Prevažodno imam pitanje za Ministarstvo kulture i sporta zašto su uvećane stavke na analitičkoj kartici ministarstva na poziciji za ugovorene i druge posebne usluge za iznos 20 000 maraka u odnosu na prošlu godinu? Zašto su umanjene stavke pozicije Tekući transferi neprofitnim organizacijama iz oblasti sporta i inkluzija? Zašto su umanjene stavke sa pozicije tekući transferi neprofitnim organizacijama iz oblasti kulture inkluzija? Zašto je stavka pozicije kapitalni transferi gradu i opštinama gotovo izbrisana iz budžeta? Zašto su pozicije kapitalni transferi drugim nivoima vlasti iz sporta isto tako predviđeni sa 0 KM? Da li je budžetom planirano ulaganje u Historijski arhiv Sarajevo radi rješavanja akutnog problema zgrade koja je fizički oštećena i koja ugrožava sigurnost lica

imovine, u ovom slučaju nematerijalne kulturne baštine i arhivske građe o kojoj se stara Arhiv. Da li budžet planira rušenje starog izgradnje novog objekta radionice NPS u ulici Terezije 52 u sklopu projekta Mala scena sa radioničkim službama i smještajnim kapacitetom, jer je i ovaj objekat fizički oštećen i kao takav ugrožava sigurnost lica i imovine. Da li budžet planira sredstva za obnovu fasade Narodnog pozorišta? Da li budžet planira nabavku nove tonske opreme za pozorišta? Da li budžet planira sredstva za Muzej Ars Aevi, koncertnu dvoranu? Ministarstvo za rad, socijalnu politiku, raseljena lica i izbjeglice da li ovim budžetom planirate povećanje sredstava za kadrovsko pojačanje i povećanje plata za uposlenike ustanova socijale? Zašto je umanjena stavka sufinansiranja rada javnih kuhinja? Zašto je umanjena stavka zaštite porodica sa djecom? Zašto je umanjena stavka raseljenih lica i izbjeglica? Da li je ovim budžetom planirano uraditi strategiju povratka lica sa statusom raseljenih lica u Kantonu? Ministarstvo financija, da li je Registar budžetskih korisnika potpun i da li je u skladu sa Pravilnikom o utvrđivanju i načinu vođenja Registra budžetskih korisnika budžeta u Federaciji Bosne i Hercegovine? Da li očekujete još neke prihode do Prijedloga budžeta i koje su to ostavke? Koje aktivnosti ste poduzeli do sada po pitanju rješavanja problematike pondera koji utječe na umanjenje budžeta kantona? Na koju osnovicu plaća uposlenika je rađen budžet? Kabinet premijera i predsjedavajućeg, u kojem statusu su Kabinet premijera Kantona i Kabineta predsjedavajućeg, zamjenika predsjedavajućeg po pitanju svojstva pravnog lica, jer su porezno registrovani, imaju porezne identifikacione brojeve, što osnivačkim aktima nije utvrđeno. Ministarstvo za komunalnu privredu i infrastrukturu, građenje, prostorno uređenje i zaštitu okoliša, u kojim iznosu je planirano potraživanje od naknade za eksploataciju prirodnih resursa putem koncesije? Kako prepoznamo aktivnosti po pitanju mjera za poboljšanje kvaliteta zraka u ovom budžetu? Prepoznamo jedino poziciju nabavke opreme za zaštitu zraka iz kredita u iznosu 100 100. Kako prepoznamo aktivnosti po pitanju poboljšanja komunalnih higijene Kantona? Molim da se objasni stavka Stambenog razvoja. Molim da se objasni stavka deponije Smiljevića koja je planirana u iznosu 100 100. Molim da objasnite aktivnosti vezano za podizanje kredita za nabavku toplovodnih pumpi za Toplane, za koju namjenu se nabavljaju, na koji vremenski period je podignut kredit i u kojem iznosu. Ministarstvo za nauku, visoko obrazovanje i mlade Kantona u kojoj je fazi izgradnja Akademije scenskih umjetnosti, kada se planira završetak radova? U kojoj fazi izgradnje Univerzitetske biblioteke? Ministarstvo za boračka pitanja Kantona Sarajevo objasnite umanjenja pozicije Transfer za poticaj zapošljavanja branilaca i članova njihovih porodica, jednokratnu pomoć boračkoj populaciji? Zašto je pozicije sredstva za zdravstvenu zaštitu boračke populacije u ovom Budžetu 0? Imamo li dovoljno sredstava za banjsko liječenje i rehabilitaciju boračke populacije? Ministarstvo saobraćaja možete li objasniti poziciju izgradnja zgrade i saobraćajnice Južna longitudinala bila je 8 100000 u prošlom budžetu sada iznosi 100 KM-ova. Ministarstvo unutrašnjih poslova objasnite stavku Objekat izgradnje novih objekata za potrebe ministarstva 2 100 000 sada je 100 KM. Po kojoj stavci je objekat nove zgrade Ministarstva unutrašnjih poslova Kantona Sarajevo i Policijske uprave Novo Sarajevo? Da li je planirano povećanje plaća za policijske službenike ovim Budžetom? Objasnite stavke obuka za pilote bilo je 50, sada ponovno 50, uspostavljanje helikopterske jedinice bilo je 1.550.000, sada je 50. Jesu li okončane ove aktivnosti? Objasnite stavku nabavke helikoptera, objasne stavku nabavke opreme koja se planira nabaviti? Analitička kartica policijska uprava objasnite stavku nabavke specijalne opreme koja je nekad bila 10 miliona, a sada je 0, da li je obezbijedena adekvatna policijska oprema pancira koji trebaju da zadovolje neophodno kriterije? Ministarstvo pravde i uprave da li planirate konačno povećanje plaća za zaposlenike TVSA? Ministarstvo privrede koliko je objektivno umanjenje pozicija poticaja u razvoju male privrede? Da li je ovaj budžet rodno odgovoran? Da li je rađena procjena utjecaja na ravnopravnost spolova kroz budžetske programe? Ministarstvo zdravstva objasnite stavku koja je umanjena u odnosu na prošlu godinu Zdravstveno zbrinjavanje osoba sa invaliditetom,

protetička i druga pomoć. Ministarstvo za odgoj i obrazovanje Kantona Sarajevo zašto je stavka Upravni i Nadzorni odbor Instituta za razvoj preduniverzitetskog obrazovanja se planira na vašoj analitičkoj kartici? Zašto na vašoj analitičkoj kartici imate stavku komisije za izradu nastavnih planova i programa, zakona i podzakonskih akata jer ta stavka izrade plana i programa su ustvari obaveze Instituta za razvoj preduniverzitetskog obrazovanja pa molim da objasnite ovu koliziju. Da li možemo očekivati dalju saradnju sa Sindikatom obrazovanja vezano za povećanje koeficijenta, ujedno pozdravljamo postignuti dogovor za povećanje plate od 5 % u decembru i 55 KM od januara. Očekujemo dalju tendenciju smanjenje razlike plaća sa visokom stručnom spremom u odnosu na druge djelatnosti. Hvala lijepo.

Jelena Pekić (dopredsjedavajuća)

Zastupnica Gavrankapetanović-Smailbegović.

Fatima Gavrankapetanović-Smailbegović (zastupnica)

Zahvaljujem se dopredsjedavajuća. Moje prvo pitanje bi bilo za premijera Uka, a to je zašto se Nacrt Budžeta Kantona Sarajevo ne razmatra zajedno sa Budžetom Zavoda zdravstvenog osiguranja? Ovako imamo jedan vrlo skroman Budžet Ministarstva zdravstva i ne znamo da li će se dopuniti Budžetom Zavoda zdravstvenog osiguranja? Sljedeća moja pitanja su za ministra zdravstva, jedina neka možda malo značajnija, obezbijedena sredstva su za prevenciju. Smatram da je to nedovoljno s obzirom na ogroman broj nagomilanih problema u oblasti zdravstva. Imam slično pitanje kao i kolegica Viteškić, a to je ukupan iznos za kapitalni transfer je negdje 484 000, i to neprofitnim organizacijama. Zanima me koje su to organizacije? A za sve ostalo nije obezbijedena nijedna jedina marka. Sljedeće što me zanima da li će u budžetu Ministarstva zdravstva biti obezbijedeno kompletno financiranje već raspisanih specijalizacija? Znamo da je za svakog specijalizanta to negdje u prosjeku po 5 godina. Zahvaljujem se.

Jelena Pekić (dopredsjedavajuća)

Zastupnica Vujović.

Vedrana Vujović (zastupnica)

Zahvaljujem predsjedavajuća. Evo, ja imam nekoliko pitanja. Evo, krenut ću od Ministarstva pravde i uprave vezano za Televiziju Sarajevo. U Nacrt Budžeta predviđen je iznos 2 459 000. Taj iznos neće biti dovoljan čak ni da se pokriju plate radnika i uposlenika Televizije Sarajevo. Potrebno je izdvojiti mnogo više novca. U suštini, zašto ova stavka ovoliko umanjena, odnosno umanjena za nešto više od 2 000 000 u odnosu na Budžet za ovu godinu? MUP Kantona Sarajevo primijećeno je smanjenje sredstava za Upravu policije, naročito za nabavku opreme i uniforme, i čini mi se da je iznos vezanog oko 2 000 000 manje. Zašto je to tako, koja oprema je nabavljena, ako može u odgovoru i šta se namjerava uraditi sa ovim novcem za narednu godinu? Ministarstvo privrede, značajno povećanje za podršku projektima neprofitnim organizacijama u iznosu od 300 000 maraka. Zanima me zašto je to tako i koje će neprofitne organizacije podržavati Ministarstvo privrede. Također, umanjena su sredstva za poticaj razvoja male privrede i tačnije smanjeno za 2 800 000. Zašto je to tako? Koji su projekti realizovani u ovoj godini pa jeste li možda na osnovu toga, na osnovu tih projekcija shvatili da je potrebno smanjiti i ponovno, kao što sam i prošli i na prošlom Nacrtu Budžeta postavila pitanje, da li je planirano direktni neki konkretni neki poticaji, odnosno programi zapošljavanja i samozapošljavanja mladih, eventualno neki start up, i u kojoj je to fazi za eventualno narednu godinu, s obzirom da su ove godine dodijeljeni poticaj? Također imam pitanje za Ministarstva zdravstva, kolegice su već postavile slično pitanja, ali evo i ja se pitam šta je sa financiranjem specijalizacija u iznosu od 4 000 000 koje je bilo u Budžetu za prošlu godinu, ove godine nema.

Podržavam u svakom slučaju, jel to sad pretpostavljam da je to neki vid, vraćanja Ministarstva zdravstva u zakonske okvire kada je u pitanju Zavod zdravstvenog osiguranja, s obzirom da on i treba da finansira i provodi ove specijalizacije. Nisam mogla da nađem u budžetu, u Nacrt Budžeta, možda sam propustila nema kapitalnih ulaganja u zdravstvene ustanove. Ministar je kroz svoje pitanje ranije obrazložio da će biti neka sredstva koja su prebačena iz ove godine, koja se nisu realizovala, pa eto može malo detaljnije o tome. Pitanje za Ministarstvo komunalne privrede i infrastrukture, prostornog uređenja, građenja i zaštite okoliša. Voljela bih mi da mi se objasni na šta se tačno odnosi gotovo 5 000 000 izdvojenih za projekte upravljanja i saniranja deponije Smiljevići, za iduću godinu, jer nisu planirana sredstva za stavku smanjenje i uspostava pročišćavanja procjednih voda i drugih projekata na Regionalnom centru za upravljanje otpadom Smiljevići. Također, kapitalni transfer, subvencioniranje mladih pri rješavanju stambenog pitanja, u prošlom budžetu, odnosno u Budžetu za ovu godinu planirano 300 000, sada je planirano 400 000. Ta sredstva su u svakom slučaju nedovoljna. Postavljam pitanje da li će Ministarstvo imati za narednu godinu hrabrosti da odmah u startu izdvoji minimalno 5 000 000, da se ovaj projekat može realizovati. I također, da li je u planu s obzirom da u Nacrtu Budžeta nisam vidjela, da li su u planu novci za izgradnju stanova za mlade? Imam još nekoliko pitanja vezano za Ministarstvo za nauku, visoko obrazovanje i mlade, ne vidim uopće u ovom budžetu stipendiranje studenata i mladih, naročito deficitarnih VSS zanimanja, a čije su potrebe iskazale konkretno javne ustanove čiji je osnivač Kanton Sarajevo. Koja ulaganja će, Vlade i vaše ministarstvo napraviti da se poboljšaju uslovi i standard studenata u Studentskom centru? U obrazloženju ovog Nacrta Budžeta stoji skroman iznos od 300 000 maraka, što smatram nedovoljnim. Zašto usvajanje implementacija Strategije prema mladima nije planirana u ovom Nacrtu, s obzirom da prema informacijama kojim raspolažemo iz Ministarstva, Strategija prema mladima četverogodišnja je u planu da se usvoji početkom iduće godine jel treba krenuti odmah i u realizaciju. Te šta je sa Fondom za mobilnost mladi? Da li je planirano u 2024. godini? Ako jeste, zašto ga nema u Nacrtu? Toliko za pitanja. Ostala u diskusiji. Hvala lijepa.

Jelena Pekić (dopredsjedavajuća)

Zastupnik Pobrić.

Rusmir Pobrić (zastupnik)

Hvala dopredsjedavajuća. Sve vas srdačno pozdravljam. Imam nekoliko pitanja, a ostalo ćemo kroz diskusiju. Prvo pitanje odnosi se na stipendiste Fonda "IKRE". Dakle, tu su djeca boraca, poginulih boraca i poginulih civila. Trenutni iznos u Nacrt Budžeta za stipendiranje je 2 miliona i 385 000, dakle, isti je kao i prošle godine i za pohvalu još što su uvedene stipendije i za 2. i 3. ciklus, odnosno Master i doktorske studije. Međutim, najveći broj korisnika, njih 1930 lica, ostali su na nivou stipendija po 100 konvertibilnih maraka i prema mojim informacijama, više od 10 godina se te stipendije nisu mijenjale. I vrijednost tih sredstava je zasigurno manja. Imali smo najave da će doći do znatnog povećanja ovih stipendija, pa je ovo pitanje za nadležno Ministarstvo i ministra Omera Osmanovića, jel ne vidimo u Nacrt Budžeta da je došlo do povećanja, hoće li u Prijedlogu budžeta se ići prema znatnom povećanju ovih stipendija? Drugo pitanje se odnosi na Ministarstvo unutrašnjih poslova kao nosioca aktivnosti za pripremu Strategije za prevenciju i suzbijanje zloupotrebe narkotika u Kantona Sarajevo. Taj dokument, prema mojim informacijama, će uskoro biti završen i njegova implementacija se očekuje u narednoj godini. U Nacrt Budžeta ne vidimo planirana sredstva, a prema onim mjerama koje su dostavile institucije, s obzirom da je riječ o multisektorskom pristupu, sredstva će biti potrebna kako MUP-u i Upravi policije, tako i Ministarstvu zdravstva i Ministarstvu za rad i socijalnu politiku, pa i Ministarstvu obrazovanja i tako dalje, da li, s obzirom da nemamo u

Nacrt Budžeta, da li će u Prijedlogu budžeta jel planirano da budu predviđena sredstva za implementaciju ove važne Strategije? S obzirom da je situaciona analiza pokazala zaista alarmantne podatke u ovoj oblasti. Za ministricu Naidu Hota Muminović, odnosno Ministarstvo za odgoj i obrazovanje, jesu li sredstva vidio sam ovamo u opisnom dijelu da je do 500 000 predviđeno za stipendiranje, odnosno za stipendije za deficitarna zanimanja. Jesu li na prošlogodišnjem nivou je li dolazilo do povećanja ili se zadržao taj nivo dostignutog standarda? I da li su ona dovoljna i postoji li mogućnost da povećanje sredstava u Prijedlogu budžeta? I šta je sa sredstvima za besplatne udžbenike? To je također, ranije postignuti standard nismo ih prepoznali u ovom Nacrtu iza u opisnom djelu. Hvala, toliko.

Jelena Pekić (dopredsjedavajuća)

Zastupnik Šaljić.

Jasmin Šaljić (zastupnik)

Uključite me. Hvala. Imam nekoliko pitanja, ostalo ću kroz diskusiju. Jedno je pitanje za Ministarstvo na prostorno uređenje, da li ste planirali kupovinu kanti za odvojeno odlaganje otpada? Tu je potreban iznos od nekih 1 000 000 maraka za potrebe svih građana u Kantona Sarajevo koji imaju potrebu za takvim rješavanjem otpada. Pitanje za premijera ili ministra financija svejedno je vezano za Televiziju Sarajevo, da li ste planirali kupovinu reportažnih kola sa pratećom opremom? Već dugo nam uposlenici šalju inicijative, molbe, zahtjeve. Mi smo osnivač te Televizije i ja mislim da je red da oni imaju ta reportažna kola, kao i ostali mediji u okruženju. I zašto im je smanjen budžet skoro 2 000 000 maraka? Da li ste planirali povećanje plata za radnike TVSA jer ovdje na sjednici v.d. direktorica prije možda nekih petnaestak dana kada je bilo tačka dnevnog reda Izvještaj o poslovanju preduzeća TVSA izjavila da plata nije povećana 17 godina. Povećali su, radnici su nakon tog njenog izlaganja i nekakvi, hajde da kažemo kritika od nas zastupnika, uplatili su 550 KM radnicima dali su obrazloženje da je to neka jubilara plata. Neka se zove kako god, Upravni odbor je donio odluku, eto, to pozdravljamo. Što se tiče boračke, Ministarstvo za boračka pitanja, član smo Komisije, kao i Kapidžić i najviše nas je zabrinulo smanjenje. Vidite, ja razumijem šta je budžet i da, nije ga lako napraviti, ko god da ga pravi imaju stavke koje se moraju, plate, dugovi, preuzete obaveze, ali imaju oblasti u kojim ne možemo da štedimo, to su zdravstvo, bezbjednost i treća je ministarstvo boračka pitanja. Njima mi dugujemo sve i ovu Skupštinu gdje sjedimo. Sve što imamo dugovima njima oni nama nisu teret. Ja sam, ja predstavljam boračku populaciju. I nas ima ovdje nekoliko u Skupštini Kantona Sarajeva. Nedopustivo je da se marka smanji u budžetu Ministarstva za boračka pitanja. Čak jedna stavka me posebno razbjesnila. To je ova naknada za demobilisane borce koji su nezaposleni. Znači ona može doći u pitanje jer ima neki nedostatak od 1,5 milion maraka. Ima ova stavke što je Kapidžić govorio o zdravstvenoj zaštiti u ovoj godini nema ta 2 000 000. Imali smo obećanje od predstavnika iz financija da će oni to riješiti sa Zavodom da. Nećemo da se ništa rješava, hoćemo da tu piše i da to tako stoji da se zna. Pripadnicima Armije Republike Bosne i Hercegovine i Ministarstva unutrašnjih poslova Republike Bosne i Hercegovine ne smije da fali ni dlaka od onog koliko su, u najmanju ruku, koliki je bio prošli put. Ako je bila inflacija 16 %, znači treba da bude veći za 6 000 000, treba da bude 46 000 000, a ne 32 000 000. Budžet je manji za 13 % Ministarstvo za boračka pitanja 20 %. Znači zdravstvo, bezbjednost, šta treba Ministarstvo unutrašnjih poslova, tu nema štednje. Čemu onda svrha ako imamo loše liječenje i ako nismo bezbjedni i mi i naši životi i imovina. I treća kategorija je Ministarstvo za boračka pitanja. Nismo na komisiji usvojili taj Nacrt, a stav je bio jednoglasan. Ja mislim da ćete vi imati sluha i da će se ovo sigurno biti nekih korekcija. Ima puno zastupnika i pitanja, evo, dovoljno je, a ja ću kroz diskusiju na druge teme. Oprostite, hvala.

Jelena Pekić (dopredsjedavajuća)

Zastupnik Kalem.

Adi Kalem (zastupnik)

Zahvaljujem dopredsjedavajuća. Ja imam par pitanja, a tiču se Nacrta Budžeta. Obzirom da planirate velika ulaganja u infrastrukturu u narednoj godini interesuje me, opširno je pitanje, pa ukoliko mi se danas ne može odgovoriti, svakako tražit ću, eto, pismeno da mi se dostavi do usvajanja Prijedloga samog budžeta Kantona Sarajevo. Interesuje me gotovost tih projekata, odnosno spremnost projekata gdje su riješeni imovinsko-pravni odnosi, urbanističke suglasnosti, svi elementi koji obavezuje urbanistička suglasnost i spremnost građevinskih dozvola za navedene projekte. Također, interesuje ima pojedinačno, u kojoj je fazi je sva ova navedena dokumentacija za projekte navedene u Budžetu i koliko od ovoga će biti moguće realizovati u narednoj godini, obzirom da su ovo višegodišnji projekti? Također, interesima je da li je u 2024 godini planirana tranzicija Direkcije za puteve Kantona Sarajevo u javno preduzeća, obzirom da je stvorena obaveza prema sporazumu sa EBRD-om. Također me interesuje obzirom da nije pojašnjena stavka 80., ne pardon 821500 Nabavka stalnih sredstava u obliku prava, zamolio bih da mi se pojasni u koje će se svrhe koristiti, obzirom da je cifra povećana za pola milijuna KM u odnosu na prethodnu godinu, odnosno iznosi trenutno 7 114 490 konvertibilnih maraka. I šta su razlozi povećanja? Da li je Nacrt obuhvatio sredstva iz razgraničenja Budžeta? Također, informativno me interesuje da li nam ministar financija ili eventualno premijer, obzirom da ministar financija nije učestvovao u izradi ovog Nacrta, može dati procjenu ili informaciju koliko je izvršenje budžeta za sada? Naravno, generalno, ne mora se to po resorima, to ćemo svakako dobiti početkom naredne godine. Koji su efekti utjecaja smanjenja pondera za Kanton Sarajevo? Sljedeće pitanje da li se ovaj Budžet može nazvati razvojni? Pitanje za Ministarstvo obrazovanja da li je u ovom Budžetu planirano utopljavanje područnih škola na području Općine Hadžići? Također, kao i kolegicu Viteškić interesuje me zašto su smanjena sredstva za vatrogasna društva od skoro ustvari 200 000 konvertibilnih maraka? Pitanja za Ministarstvo za boračka pitanja koje aktivnosti planira sa igmanskim putem spasa, obzirom na Odluku iz 2006 godine, je li to je obaveza, obaveza ovog resora za financiranje i pripremanje realizacije projekata i njihovih podprojekata. Obzirom da je igmanski put spasa podprojekat koji je inkorporiran u ovu aktivnost odnosno u ovu obavezu.

Jelena Pekić (dopredsjedavajuća)

Zastupnica Hodžić.

Admela Hodžić (zastupnica)

Zahvaljujem dopredsjedavajuća. A evo, obzirom da je već mnogo pitanja postavljeno pa nemojte mi zamjeriti, ako se negdje i ponovim, mi smo na komisijama dobili već dobili određen broj odgovora i pojašnjenja, ali evo radi javnosti, ovaj ja ću vas zamoliti značajna su sredstva umanjena na pojedinim ministarstvima, pa evo ovaj i zbog ministara. Ako žele neka obrazlože i prokomentarišu ovaj svako za svoje ministarstvo. Tekući transferi pojedincima umanjeni su za oko 28 miliona. Da li tzn. da će nam za određene kategorije stanovništva da će određene kategorije stanovništva ostati bez dijela pomoći koju smo imali do sada, npr. porodilje, mladi i ostali? Ekonomski kod 614 300 tekući transferi neprofitnim organizacijama, također umanjene za nešto manje od 20 000 000. Zašto? Subvencije javnim preduzećima umanjene za oko 49 miliona, subvencije privatnim preduzećima i poduzetnicima umanjene su za oko 7.700.000. Ministarstvo financija izdaci za kamate su ovaj znatno povećani i obaveze na godišnjem nivou. Evo, obzirom da je ministar rekao da je ovaj kratko vremena tu može da prokomentariše, ali ne mora. Ovaj Ured Vlade Kantona Sarajevo za podršku Srebrenici

2 300 000 sa 6 uposlenih. Da li je ovo servisiranje uposlenih ili su predviđeni neki projekti? Da li je predviđeno povećanje na ovoj stavci? Kantonalno tužilaštvo kako možemo vidjeti 9 uposlenika manje u narednoj godini. Zašto? Da li će ovo utjecati, odnosno otežati i usporiti rad Tužilaštva? Novčana egzistencijalna naknada umanjena za 2 miliona i 200, nešto više od 2 miliona i 200 u Ministarstvu za boračka pitanja, to su već pitale kolege, i jednokratna borački pomoć za boračku populaciju to su jednokratne pomoći umanjene za 2 000 000. Ministarstvo saobraćaja, ako ministar želi da pojasni, znatna sredstva su umanjena u ovom Nacrt Budžeta za ovu, za narednu godinu po određenim pozicijama malo veći, malo veći iznos je umanjen. Pa evo, ako ministar želi da nam pojasni i to i da kaže da li će biti povećanja u zahtjevima za dodatna sredstva? Ministarstvo unutrašnjih poslova nabavke helikoptera 20 000 000. Da li će biti nabavljen helikopter u narednoj godini i poticaj razvoju i da li su predviđena sredstva za zgradu MUP-a? Sada ministarstvo privrede. Ministarstvo privrede imali smo na komisiji priliku da čujemo pojašnjenja i da je već dodatnim posebnim obrascem tražena su sredstva koja bi trebala biti u onom iznosu od prošlog budžeta. Pa evo ja samo da nam ministar pojasni. Kapitalni transferi su znatno umanjeni, tu stavku. Koji su to kapitalni projekti šumarstva koji su predviđeni za narednu godinu? U toku je izrada projekta Strategije razvoja turizma Kantona Sarajevo. Da li će ovim budžetom biti planirana sredstva za projekte razvoja turizma u Kantonu Sarajevo? Ukupno, za Ministarstvo privrede Kantona Sarajevo znatno su umanjena sredstva, pa evo da nam ministar pojasni zbog čega? Ministarstvo zdravstva Kantona Sarajevo razdjel 20, 2900000 koliko sam ja mogla da vidim. Znatno umanjeno. Kapitalni transferi umanjeni za Ministarstvo zdravstva. Da li je predviđena rekonstrukcija Hitne pomoći Kantona Sarajevo narednim budžetom? Ministarstvo kulture i sporta zbirno, pa jedna stavka koja meni onako, već duže vremena privlači pažnju veoma je, veoma su značajna sredstva Ugovorene i druge posebne usluge su na ustanovama kulture zbirno 3 232000. Pa evo po javnim ustanovama Narodno pozorište 865 000, Sarajevska filharmonija 192 000, Pozorište mladih 225 000, Kamerni teatar 279 000, Sarajevski ratni teatar 235 000, MESS 371 000. Govorim za ustanove gdje su ovim Nacrtom budžeta znatno znatna sredstva prikazana za ugovorene posebne usluge. Bosanski kulturni centar 287 000. Molim vas, ministre, da nam pojasnite o kakvoj, da li je potrebno zaista da se za ovu stavku svake godine izdvaja ovoliko, da li je ovo opravdano i da li ima i drugog načina poslovanja? Ministarstvo za rad i socijalnu politiku, raseljena lica, izbjeglice, raseljena lica i izbjeglice umanjeno sredstva na ovoj stavci su umanjena na 1 150 000. Financiranje javnih kuhinja, znatno smanjena sredstva. Tekući transferi udruženjima kao što su udruženja slijepih, udruženja paraplegičara, udruženje gluhih. Za ta udruženja ostao je iznos sredstava 671 600 kao prošle godine. Da li ima mogućnosti da se povećaju ova sredstva, eventualno? Kantonalna uprava civilne zaštite također su kolege spominjale vatrogasna društva. Da li se ovo odnosi na dobrovoljna vatrogasna društva i da li su predviđena sredstva za njih? I evo toliko za sada, ostalo ću u diskusiji.

Jelena Pekić (dopredsjedavajuća)

Zastupnika Kapidžić.

Faruk Kapidžić (zastupnik)

Zahvaljujem. Pitanje za premijera Uka. Zašto je, zašto je izašao sa budžetom Nacrtom Budžeta nakon samo pet, šest radnih dana od kako je imenovana Vlada, zašto je toliko žurilo? Jer sada dolazimo u problem da mi četiri ministarstva suštinski ne možemo ništa ni pitati niti možemo dobiti odgovore, obzirom da taj budžet nisu formirali ovi ministri, a to su ministarstvo obrazovanja, infrastrukture i prostornog uređenja, zdravstva i samo financija. Dakle, i četiri nevjerovatna važna resora. Mi generalno ne možemo dobiti od ovih ministara odgovor jer oni nisu mogli stići ni pročitati, a kamo li učestvovati u kreiranju budžeta. U tom smislu je pitanje

da li ćete nam dovesti stare ministre da nam odgovaraju na ova pitanja? I obzirom da budžet prikazuje politiku jedne skupštinske većine i politiku same Vlade jer kroz raspodjelu para se vidi koji su ciljevi, koji su pravci, koji su programi itd, a prošla Vlada je oborena zbog neslaganja politika sa dva sa partijom iz koje su dolazila dva ministra, jedan od tih je i ministar financija, da li tzn. da je ovo budžet tog ministra i te političke opcije ili ste uspjeli za 5 dana napraviti nacrt, sklepati nacrt po svojim politikama. Zato molim odgovor zašto se žurilo i nije se moglo sačekati 15 dana za Nacrt Budžeta da se ministar, ako ništa drugo, financija uključi u ovo, novi ministar financija, da bi mogli sada suditi i prema tome o politici i novog ministra i novih ministara, a i kompletne Vlade?

Jelena Pekić (dopredsjedavajuća)

Zastupnik Avdić.

Samir Avdić (zastupnik)

Hvala dopredsjedavajuća. Ja ću samo jedno kratko pitanje, budući da nas očekuje jel mukotrpan dan, imat ćemo dosta vremena za diskusije. S obzirom da iz medija smo saznali ovih dana da je odobren kredit Državi Bosni i Hercegovini od strane Svjetske banke u iznosu od 138.000.000,00 EUR, od čega za Federaciju je planirano 102 000 000, 55.000.000,00 EUR za zdravstvo, odnosno za bolje funkcionisanje zdravstvenih ustanova i 46.100.000,00 EUR za rješavanje problema zagađenja. Misli se na projekte energetske efikasnosti i urbane mobilnosti, pa me zanima, ne znam ko može odgovoriti da li neko od ministara prostornog, saobraćaja, finansija ili premijer da li smo kontaktirani kao Kanton Sarajevo i kao Vlada u ovom smislu i u smislu neke informacije od strane države na koliko od tih sredstava može računati Kanton Sarajevo i da li će se onda realizovati kroz naš Budžeta i naša ministarstva ili na neki drugi način? Zahvaljujem.

Jelena Pekić (dopredsjedavajuća)

Zastupnik Vreto.

Elvis Vreto (zastupnik)

Hvala dopredsjedavajuća. Pa imam dva pitanja. Prvo pitanje se odnosi na kolektivne ugovore sa granskim sindikatima, obzirom da vidimo u Nacrtu Budžeta da je osnovica planirana u iznosu od 385, da je tu postignuta saglasnost. Interesuje me u kojoj su fazi i da li će Vlada, odnosno premijer, zajedno sa resornim ministarstvima po pitanju granskih kolektivnih ugovora završiti sve do Prijedloga budžeta? Možemo li dobiti informaciju u kojoj kako teku procesi? Drugo moje pitanje je za premijera i za ministra financija da li se planira nakon usvajanja Prijedloga Budžeta raditi publikacija "Budžet za građane"? Mislim da je ona neophodna obzirom na složenost Budžeta Kantona Sarajevo da građanima se približi na jednostavniji način, da imaju uvid u Budžet, pogotovo uzimajući u obzir činjenicu i to se odnosi i na te dijelove, da imamo agrerirane stavke po ministarstvima, gdje se donosi program utroška sredstava za svako ministarstvo posebno, odnosno donosi ga Vlada na prijedlog ministarstva. Tako da bi moje, evo pitanje upravo u tom kontekstu, da li se planira izrada publikacije "Budžet za građane" nakon usvajanja budžeta kako bi se Budžet približio građanima u svim njegovim segmentima, obzirom na složenost jel od više stotina stranica koju taj uvid mogu samo ljudi koji su iz ekonomske struke protumačiti, mislim da bi šira javnost, kako bi se povećala i transparentnost i sami građani trebali imati bolji uvid. Eto, toliko hvala.

Jelena Pekić (dopredsjedavajuća)

Zastupnik Bandić.

Muamer Bandić (zastupnik)

Hvala. Evo, imam prvo pitanje za premijera ukoliko može da odgovori. Kako bi on ocijenio ovaj Budžet, da li je on razvojni ili socijalni i ukoliko se on opredijeli za bilo koji od ovih instituta, a da mi pojasni ključne elemente na osnovu kojih on može opredijeliti budžet u smislu da je razvojni ili socijalni. Zanima me da li ovaj Nacrt Budžeta sadrži politike koje su utvrđene kroz Strategiju Kantona Sarajevo? Jedno od pitanja jeste, vidim da je u Nacrtu planirano izvršenje sudskih presuda od 0,3,%? Da li će kroz Prijedlog budžeta ovaj iznos biti veći jer vidjeli smo da je dosadašnja praksa pokazala u planiranju budžeta, obično se stavi znatno veći iznos. I može li mi objasniti. Može li mi odnosno dati odgovorno pitanje kolika su ukupna sredstva po ovom osnovu? Kolika su ukupna potraživanja po ovom osnovu? Kada govorimo o ponderu, koliki je ukupan iznos sredstava koji će Kanton Sarajevu imati manje i po tom osnovu? Da li išta se planira poduzeti po pitanju određenih aktivnosti kako bi se umanjile posljedice manje sredstava s obzirom da imamo situaciju sa ponderom koji je i premijer to najavio u svom izlaganju? Zanima me pošto je u ekspozeu premijer naveo određene aktivnosti koje želi da preduzme, a jedna od njih je bila holding. Da li je to u ovom Nacrt Budžeta planirano? Također, zanima me jesmo li preduzeli ovim Nacrt Budžeta aktivnosti kako bismo predškolsko i osnovno obrazovanje integrisali na lokalni nivo, u skladu sa Europskom poveljom o lokalnoj samoupravi, a i u skladu sa presudom Ustavnog suda? Također me zanima i nivo primarne zaštite koji je isto predviđen Europskom poveljom o lokalnoj samoupravi. Ukoliko su te aktivnosti preduzete volio bih da mi se ukaže na tačne ekonomske kodove. Ukoliko nisu, postavljam pitanje da li će se to u narednom periodu realizirati? Preporukama Ureda za reviziju u institucijama Federacije Bosne i Hercegovine za 2022 godinu u tački 5 normirano je da su u Nacrtu zakona o budžetima, a tako isto u Kantonu Sarajevo, treba uvrstiti obim i vrsta preraspodjela, što u ovom nacrtu nije urađeno. Postavljam pitanje zašto? Također, isto tako, trebalo je da se kroz zakon jasno definiše koji su to modeli nepredviđeni preraspodjele i izdaci za koje se može vršiti izdvajanje iz sredstava tekuće rezerve i kojim se korisnicima ta sredstva mogu odobriti? Smatram da se ove primjedbe u javnoj raspravi trebaju uzeti u obzir. Mislim da je kolega Vreto postavio pitanje ukoliko bude postavio pitanje evo, ja ću se izvinuti a odnosi se za kolektivne ugovore, posebno za oblast osnovnog obrazovanja, mislim da im nekada ističe početkom 2024 godine, pa me zanima samo da li su planirana sredstava za produženje tog kolektivnog ugovora i da li će doći do povećanja plata zaposlenima u ustanovama predškolskog, osnovnog i srednjeg obrazovanja. Zahvaljujem se.

Jelena Pekić (dopredsjedavajuća)

Zahvaljujem kolegama zastupnicima i zastupnicama na postavljenim pitanjima. U konsultaciji sa premijerom napraviti ćemo pauzu od 15 minuta za pripremu odgovora, onda se vraćamo u salu jer ćemo opet ubrzo svakako morati pratiti drugu pauzu.

Poslovnička intervencija zastupnik Bandić.

Muamer Bandić (zastupnik)

Predlažem da napravimo odmah veliku pauzu. Okolnost imamo džumu namaz, ja predlažem da napravimo odmah jednu dužu pauzu koja će nam omogućiti da obavimo ono sve što imamo. Hvala.

Jelena Pekić (dopredsjedavajuća)

Imamo sasvim dovoljno vremena u 15 do 12 da krenemo na drugu pauzu, da sad 15 minuta napravimo, pola sata možemo raditi. Dobro možemo početi s odgovorima kolega koji su spremni, a dok kolege ostale pripreme svoje odgovore na pitanja. Ministar Osmanović.

Omer Osmanović (ministar)

Hvala uvažena dopredsjedavajuća. Pozdravljam sve zastupnike i zastupnice, kao i građane i građanke pored malih ekrana. Bilo je niz pitanja o ministarstvu za boračka pitanja. Ovom prilikom zahvaljujem se svima koji su postavili pitanja i koji vode brigu o braniteljskoj populaciji u Kantonu Sarajevu. Prvenstveno su ovdje zahvaljujem kolegama, nabrojat ću ih imenom i prezimenom, Faruk Kapidžić kao predsjedniku Komisije i kao moj saborac, Smiljana Viteškić kao pripadnica šehidske populacije i učesnica odbrambeno-oslobodilačkog rata, Jasmina Šaljića, koji je vodio ovu brigu i bila je tu Danijela Kristić od mlađe populacije. Tačno se vidi po, izvinite kolegice, ali po godinama ko se brine o braniteljskoj populaciji. Zahvaljujem se na svim pitanjima i svim mojim saborcima. Krenuo bih redom. Na početku je uvaženi zastupnik, predsjednik Komisije Faruk Kapidžić i tu je bilo više njih koji su, da kažem sublimiramo pitanje gdje je gospođa Smiljana Viteškić i Marijela Hašimbegović, kojoj se ovom prilikom izvinjavam, zapostavio sam, zahvaljujem se na njenoj brizi i ona spada među nas. Konkretno pitanje je bilo o zdravstvenoj zaštiti, tu je i kolegica Admela postavila pitanje o zdravstvenoj zaštiti braniteljske populacije. Mi smo pokrenuli izmjene Zakona i nadam se da će biti na usvajanju budžeta prije kraja nove godine, izmjene Zakona u kojima smo u dogovoru sa Zavodom za zdravstveno osiguranje za banjско liječenje predvidjeli da u iznosu od 80 % oni finansiraju banjско liječenje, a ovdje u zdravstvenoj zaštiti je agregirana pozicija koja se odnosi još na klimatsku rehabilitaciju i koja se odnosi na plaćanje zdravstveno zaštite prema ZZO, prema braniteljima koji ni na koji drugi način nisu obezbijeđeni zdravstveno i imamo obećanje, tačno je da je ta pozicija 0. Imamo obećanje da ćemo vratiti u Prijedlogu budžeta od ministra financija i kolega i kolegica iz Vlade Kantona i da ćemo tu biti pokriveni što se tiče zdravstvene zaštite. Potpredsjednica Skupštine Danijela Kristić je pitala o veteranskoj veteranskom odjelu i o Psihijatrijskoj bolnici dnevnom centru. Mi smo obezbijedili ove godine sredstva za izgradnju, kreditna sredstva su na raspolaganju, počeli su, da kažem tako, radovi na izradi projektovnih rješenja i na traženju projekata koji će raditi. I ovom prilikom pozivam javne ustanove, Psihijatrijsku bolnicu, Opštu bolnicu da daju svoj maksimum, kao i kolegama iz Zavoda za izgradnju grada koji pomažu ovim projektima da u ovoj godini izgradimo ove objekte i nadam se da će Ministarstvo zdravstva pronaći određena sredstva da se nađe i opremanje ovih dva odjela koja su veoma važna za našu populaciju. Kao što smo rekli u sljedećem periodu, ove sljedeće tri godine veoma će biti važna ta zdravstvena zaštita. Zato ste vi svi dobro to primijetili, kao i kultura sjećanja. U ovom segmentu kolegica Smiljana Viteškić je. Također, u ovoj kulturi sjećanja to je obilježavanja ovo gdje smo bili, koliko je bilo, prošle godine smo imali puno više zato što je bilo 30. godina da kažemo okrugla neka godišnjica i puno više smo sredstava, međutim mi ćemo pokušati da i u Prijedlogu budžeta iznađemo još ta dodatna sredstva, da na kvalitetan način obezbjeđujemo. Ovom prilikom ću napomenuti da smo zajedno sa Fondom Memorijala na čelu sa direktorom Ahmedom Kulonićem od sljedeće godine ćemo praviti veće i masovnije manifestacije koje će se zvati "Od nezavisnosti do državnosti". Moram ovu priliku iskoristiti da napominjem da u manji bh entitet u toku su zabrane našeg Dana državnosti koji treba da se slavi na svim dijelovima Bosne i Hercegovine. Mi ćemo to slaviti i neće nas niko u tome zaustaviti. Kultura sjećanja će imati svoj budžet, kultura sjećanja će imati svoje projekte i koji će biti, nadam se, od sljedeće godine masovniji. Kolegica Marijela je ovdje primijetila, kao što smo rekli zdravstvo, imala je program za zapošljavanje i jednokratne pomoći, moram napomenuti, u proteklom periodu proteklih 2,5, godine, zahvaljujući kolegama i kolegicama iz Vlade Kantona, kao i vama koji ste protekle budžete usvajali, ja imam dvije riječi koje smo ovdje radili. To se rekordno revolucionarno. Rekordne su bile jednokratne pomoći, od kojih je opet većina, odnosila se na zdravstvenu zaštitu. I mi ćemo pokušati opet da iznađemo sredstva. Opet ću vas zamoliti da i vi izvršite taj dodatni pritisak da se pronađu sredstva. Da, makar kao što je rekao kolega Šaljić, bude na ovom ovogodišnjem, a ne da kažemo dok treba ovo prema ovoj populaciji, da poboljšavamo ta

sredstva. Što se tiče programa za zapošljavanje, vi ste upoznati da sam ja u proteklih dvije godine zajedno sa Službom zapošljavanje već radili na jednom sistemskom zapošljavanju, a to se zove vaučer za posao gdje smo prošle godine zaposlili 300 djece, članova porodica šehida i poginulih branitelja. Ove godine smo nastavili taj trend i sljedeće godine imamo obećanje da ćemo zajedno sa Službom zapošljavanje raditi na još jednom poboljšanju. Imamo već u glavi, da tako kažemo, projekte koji što se tiču Službe za zapošljavanja, a ja ću iznijeti ovim prilikom to je da idemo na 8 mjeseci, da idemo sa kvalitetnijim izdvajanjem, a to je da idemo do 1400 do 1500 maraka po jednom mjesecu i također da napomenem u izmjenama ovog Zakona gdje se odnosi na demobilisane borce koji nisu imali do sada interes za ovo, zato što su morali kada odu da rade dva, tri mjeseca za male te naknade, mi smo sada to promijenili da to budu značajne naknade, a u Zakonu ćemo promijeniti da prestankom tog programa Službe za zapošljavanje oni neće gubiti pravo na novčanu egzistencijalnu naknadu radi čega se do sada nisu prijavljivali. Kolega Rusmir je pitao za stipendije IKRE. Hvala vam. To samo ispravka jednog broja. Mi smo opet rekordno nije 1930, nego 2100 stipendija za srednje škole i prvi stepen studijskog obrazovanja. Mi ćemo pokušati da iznađemo sredstva kao što smo najavili, jer to nisu velika sredstva zato što se radi o 3 mjeseca sljedeće godine. I ovom prilikom podcrtavam da smo revolucionarno uveli drugi ciklus, treći ciklus, uspješno se to provodi, imamo 200 stipendista drugog ciklusa po 200 maraka i trećeg ciklusa 30 doktoranata po 500 maraka. Također je Jasmin ovdje jednu iznio Šaljić, naš uvaženi zastupnik, koji predstavlja značajno nas branitelje u Skupštini Kantona Sarajevo, on je jednu opštu sliku, ja bih se sa njim složio u potpunosti i tražim podršku kompletne Skupštine Kantona, Vlade da, kao što je on rekao, to su bezbjednost, zdravstvo, branitelji, da, tu su neke kategorije kojih nema. Ja bih svakako tu dodao obrazovanje, bez obrazovanja ne možemo nikako, sve ostalo je da tako kažemo kolokvijalno šlag na tortu, i sport, i kultura, i sve ostale druge aktivnosti. Ovo su neke temeljne vrijednosti društva koje mi ne možemo da zapostavimo. Kao što ja volim da kažem to istinski kaže da nije poput Jasmina, Faruka, Omera i drugih ovdje koji su bili koji su učestvovali mi danas ne bismo ovo imali. Hvala vam na tome Jasmine. Adi Kalem, igmanski put, uvaženi zastupnik, hvala vam. Samo ću napomenuti jedno pitanje koje je postavio i koje ja mislim da je najbolje i ključ pitanja Nacrta Budžeta, a to se zove efekti pondera. Ja ne znam koliko je sada ministar financija, ja sam poznat u ovoj Vladi koji dobro barata brojevima i koji pomaže ostalim kolegama. Efekti pondera će se tek osjeti 2024. godine. Efekte pondera smo mi pokušali da stabilizujemo 2023.godine zato što nismo prošle godine imali rebalans budžeta, zato što smo 39 000 000 prebacili suficita iz prošle godine i na osnovu još transfera iz Federacije, na taj način smo ublažili efekte pondera za 2023. Sama usporedna analiza nacrta 2023. /24 pokazuje vam razliku od 200 miliona. E to su efekti pondera. i Na tome treba raditi i mi imamo niz prijedloga. Također, ovdje je dao jedan odličan prijedlog predsjednik Komisije za financije, naš uvaženi Davor Čičić gdje trebamo ići u promjenu. Znači, ima tu nekoliko rješenja. Ja ću ovo priliku iskoristiti da pokušam da ponudim i vama ta rješenja, a vi, ne interesuje me politička opcija koja je, ja mislim da mi zajedno kao Skupština Kantona Sarajevo moramo stati iza toga, a to je, jedna je opcija da se zaustavi ovo dalje ponder, da se ovaj ponder preispita, a drugo rješenje su porodiljske naknade koje trebamo kao politike da prebacimo na federalni nivo, minimalno 50 %, da Federacija sufinancira u svim kantonima, ne samo Kantonu Sarajevo, na taj način bi mi značajno ublažili ove efekte pondera kao što je rekao Adi Kalem. Ovaj put ću još spomenut, Adi Kalem je spomenuo igmanski put spasa. Igmanski put spasa ovom prilikom najavljujem jedan najbolji i najveći, najmonumentalniji projekat kako ja kažem rekordno revolucionarni, to se zove zahvalit ću kolegi Mijatoviću koji je prepoznao interresorni projekat koji se zove Memorijalna šuma na Hراسičkom stanu, koja uključuje ovaj igmanski put spasa i put od ratne džamije do Hrasničkog stana. Tu će se na 30 hektara prostirati jedan monumentalni projekat na kojem ćemo mi biti ponosni, ne kao građani Kantona, nego građani Bosne i Hercegovine, gdje će dolaziti ljudi i ostajati minimalno čitav dan, a odatle će se spustiti

igmanskim putem spasa do našeg čuvenog Tunela spasa ili Tunela života i gdje će vidjeti svu, u dva objekta vidjeti će svu našu borbu i svu našu bol koju smo pretrpili 92-95. Hvala svima na pitanjima, hvala uvaženim zastupnicama i zastupnicima na potpori braniteljskoj populaciji i Ministarstvu za boračka pitanja i nadam se da ćemo u Prijedlogu budžeta iznaći dovoljno sredstava da vratimo dignitet, kao što smo maloprije u neformalnom razgovoru sa zastupnicima, jer sam pričao, gdje smo rekli da smo na dobrom putu, vraćamo dignitet i ponos ovoj populaciji koji su bili zapostavljeni i nadam se da ćemo je podići na veći nivo. Hvala još jednom.

Elvedin Okerić (predsjedavajući)

Zahvaljujemo se ministru Osmanoviću. Ministar Admir Katica, izvolite imate riječ

Admir Katica (ministar)

Hvala lijepo, predsjedavajući. I ja sam imao nekoliko pitanja, zahvaljujem se zaista na pitanjima i tumačim ih kao ustvari podršku sektoru sigurnosti, odnosno Ministarstvu unutrašnjih poslova, posebno Upravi policije, da se razvija, a u skladu sa našim strateškim opredjeljenjem koje smo zauzeli još 2019./ 2018. godine. Dakle, želimo da imamo jaku policiju u Kantonu Sarajevo, onu policiju koja će moći stati na branu svakom onom nezakonitom ponašanju koje opterećuje sigurnost građana. I ovaj budžet gleda u tom pravcu, iako ovaj Nacrt Budžeta je u skladu sa svim ovim nekim finansijskim kretanjima i ograničenjima, ja sam ubijeden i vjerujem da će Vlada Kantona Sarajevo pokazat senzibilitete i da ćemo u Prijedlogu budžeta imati sve ono što je potrebno za, posebno za Upravu policije, da se dalje razvija oprema u smjeru kojim je krenula i posebno napominjem tu da ćemo tražiti određena sredstva za nabavku materijala za javni red i sigurnost, vojni materijal, uniforme za policijske službenike u iznosu od 3 800 000 konvertibilnih maraka. Dakle, to su ta sredstva koja nedostaju po nama u ovome Nacrtu Budžeta, također, za školovanje na Policijskoj akademiju u iznosu 2 000 000 konvertibilnih maraka. Jer mi, kao što znate, raspisali smo konkurs za 30 mlađih inspektora, raspisali smo konkurs za 250 policajaca, a to je način da dobijemo mlade ljude u našoj policiji. I posebno da odgovorimo jednom izazovu koji nas očekuje, a tu je velika odliv kadrova u narednih tri godine najmanje u MUP-u Kantona Sarajevo. Mi na ovaj način odgovaramo i ova sredstva zaista biti neophodna. Zato isto tako za nabavku opreme u iznosu od 5 000 000 konvertibilnih maraka. Posebno važno tražiti ćemo za nabavku radarskih sistema i posebno mobilnih radarskih sistema automatskih koji su neophodni za onaj malo prije, koji se spominjao taktičko, novi i taktičko-metodološki pristup policije u borbi protiv saobraćajne delinkvencije na području Kantona Sarajevo i posebno stacionarne radare da instaliramo gdje god je to moguće, gdje god je to potrebno i gdje god struka procjenjuje da je potrebno. Na kraju također želim spomenuti ono na čemu ćemo inzistirati, a to je da se nabavi zaštitna oprema za naše policajce. To je inicijativa i policijskog komesara Fatmira Hajdarevića i smatram je vrlo vrijednom. Nova zaštitna oprema u smislu opreme koja se naziva plejt kerijer i koja je u suštini supstitucija, za one neke klasične balističke prsluke i ja vjerujem i mislim da će ova zaštitna oprema biti odgovarajuća za sve policijske službenike da se zaštite s obzirom na njene karakteristike, da nije opterećujuća po svojoj nekoj kilaži ili po svojoj, po svom izgledu i obliku i da će biti adekvatna za zaštitu naših policajaca. Mi to želimo i s obzirom na to tražimo dakle, ta finansijska sredstva u Prijedlogu budžeta. Isto tako, što se tiče ima, bilo je jedno od pitanja vezano za plate policijskih službenika. Ja ovaj želim podsjetiti da smo mi prije dvije godine potpisali sigurno najbolji kolektivni ugovor u regionu što se tiče policijskih službenika. Naši policijski službenici u regionu imaju najbolja primanja i mi u tom svjetlu možemo reći da će, s obzirom da će se promijeniti osnovica na području Kantona za uposlene u Kantonu Sarajevo ta promjena osnovice će značiti značajno povećanje plate policijskih službenika, posebno s

obzirom na to da se plate policijskih službenika, formiraju na način da se dodatno množe sa naknadama koje su za posebno uslove rada za policijske službenike. Ja mogu reći da sam zadovoljan s time. I to je onaj pravac koji je i Vlada Kantona Sarajevo zato stala i meni je drago da idemo u pravcu toga da imamo zadovoljne policijske službenike sa svojim plaćama. Naravno, ovo što mi tražimo nabavka posebne opreme za policijske službenike, posebno uniformi za policijske službenike. U tom smislu, također značajan projekat izgradnje zgrada, ovdje kažem zgrada za potrebe naše policije, mi nismo samo u projektu izgradnje zgrade MUP-a Kantona Sarajevo u sjedištu u Kolodvorskoj, mi smo u projektu začetnim fazama, u idejnim fazama projekta Policijski uprave Ilidža, radimo na Policijskoj upravi Novi Grad, uskoro ćemo imati dodatnih 1000 m². Vjerovatno ćemo i imati neko osvježenje u smislu nekih prostora za Policijsku upravu Stari Grad, također Policijsku stanicu ili Policijsku upravu Trnovo, vidjet ćemo već kako će to biti. U svim tim projektima mi smo želimo sistemski da napravimo reset u policiji i mi to na taj način činimo. Jedna Od stvari koja je značajna za ne samo za MUP, nego za cijeli Kanton, i za druge sektore to je ovaj projekat uspostave helikopterske jedinice i za koji ste imali pitanja. Najviše je pitanja za ovaj dio koji se odnosi na nabavku višenamjenske letjelice helikoptera, drugi tender je raspisan, ja očekujem sljedeće sedmice da ćemo informisati javnost da li smo odabrali ponuđača za nabavku helikoptera. I upravo ova sredstva koja su predviđena na ovoj stavci jesu nedostajuća sredstva za nabavku tog helikoptera. Isporuka po tim nekim pravilima, međunarodnim, koja se odnosi na ovu oblast jeste u narednih 2 godine i u tom periodu, mi ćemo također odškolorovati kandidate koje smo već odabrali. Možda tu informaciju nemate, ali mi smo već odabrali ljude koji će obavljati poslove pilota i letača, mehaničara u našoj helikopterskoj jedinici. I također, jedan paralelan projekat jeste izgradnja ili nabavka hangara za potrebe ove letjelice. Mi već imamo rješenje i dogovore i sa Federalnim ministarstvom unutrašnjih poslova u pogledu korištenja hangara na aerodromu Sarajevo, ali svakako mislimo da mi trebamo izgraditi svoje kapacitete na aerodromu Sarajevo i tim putem ćemo svakako ići. Također, zastupnik Pobrić je postavio pitanje vezano za pitanje Strategije za borbu protiv zloupotrebe droga. Zaista smatram ovo vrlo važnim pitanjem. Vi znate, mi smo MUP Kantona Sarajevo formirali jednu radnu grupu, i to na osnovu inicijative zastupnika Rusmira Pobrića. Ta radna grupa je sačinjena od ljudi koji se bave ovom oblašću u akademskom smislu i u praktičnom smislu. Tu je, dakle, i akademik Borislav Petrović, profesorica Irma Deljkić, tu je cjeloživotni, rekao bih, šef Odjeljenja za borbu protiv zloupotrebe droga i u Kantonu Sarajevo i na nivou Federacije gospodina Nermin Lagumdžija, također ljudi koji trenutno radi u Ministarstvu unutrašnjih poslova Kantona Sarajevo na ovoj problematici. Dakle, dali smo se u taj zadatak da ga obavimo kako treba. I upravo radna grupa radi i na tome da se izradi jedan akcioni plan koji bi bio multisektorski, dakle imao bi zadatke za više sektora i upravo od tog akcionog plana će ovisiti i budžetiranje ovih stavke u raznim ministarstvima, ne samo u Ministarstvu unutrašnjih poslova, i na osnovu toga svakako vjerujem da će Vlada podržati to da ovo budžetiramo u Prijedlogu budžeta Kantona Sarajevo. Dakle, na kraju, da rezimiram, mislim da će ovaj Budžet MUP-a Kantona Sarajevo pratiti onaj budžet koji smo imali prošle godine, da ako treba, da čak može biti i veći i nadamo se i vjerujem u to, naravno, zavisi od neke realnosti, ali svakako ćemo tražiti za ove neophodne stvari kao što je opremanje policije, zgrade policije, kao što su uniforme za policiju i posebno zaštitna oprema za policiju. Evo toliko od mene i nadam se da sam odgovorio uvaženim zastupnicima na pitanja. Hvala.

Vibor Handžić (dopredsjedavajući)

Ministar Hasanović je sljedeći izvolite.

Enis Hasanović (ministar)

Zahvaljujem. Ja ću probati brzo da odgovorim, s obzirom da na planiranu vašu veću pauzu, dužu pauzu i da iza mene ima kolegice i kolega i premijera. Prije svega, ova pitanja ću shvatiti kao eksplicitnu podršku većem budžetu Ministarstvu zdravstva od svih poslanika koji ispostavi pitanje zastupnika, i ja se zahvaljujem pošto je prethodni ministar Osmanović zahvalio se pojedinačno nekima za svoju oblast, ja onda moram iskoristiti za ove iz moje oblasti, iz zdravstva doktoricu Smiljanu, doktoricu Fatimu, i Belmu, a i ostale, naravno, hvala za podršku, očekujem i dalje podršku da popravimo ovaj budžet nije dobar, očito, smanjen je jako budžet za Ministarstvo zdravstva. Ja ću probati taksativno, brzo. Dr. Smiljana Viteškić proširena prava RVI. Mislim da je skoro potpuno odgovorio na ovo u svojoj primjedbi nije bilo pitanje zastupnik Kapidžić Faruk, ali to je tako. RVI je do sada prošle godine imali oko 4 000 000, 3 950 000 budžet. Sada nemaju. To je bilo predviđeno da se prebaci na ZZO, međutim, radi se o tome da je Skupštine Odlukom još od 2004 godine Odlukom o proširenim pravima za RVI članom 17. odredila da se dodatna finansijska sredstva za proširena prava obezbjeđuju u budžetu Ministarstva zdravstva. Prvi put je ove godine u ovom Nacrtu to ukinuto, mi ćemo se, očito, uz podršku svih vas ili većine, borite da se to vrati jer je dug put ako bi prešlo na ZZO promjena skupštinske odluke, podzakonskih akata i svega drugog. Nadam se da ćemo ova sredstva vratiti. Tako je objasnio i zastupnik. Prevencija 2,5, milijuna preventivnih programi, to je isto zastupnice Smiljane Viteškić, ove godine je to smanjen na 1 000 000. Tražit ćemo da se poveća, čak i više od 2,5 milijuna. Nama preventivni programi trebaju više nego što su bili šire obuhvaćeni, bolje obuhvaćeni nego što su bili, znači trebali bi imati veća sredstva za preventivne programe. Specijalizacije su bile 4 miliona. E sad, ponavljaju se pitanja, doći ću do njih. Mislim da je to i zastupnica Vedrana pitala za specijalizacije, još neko. Specijalizacije su bile uvijek do ove godine u Finansijskom planu ZZO-a, ZZO finansira specijalizacije. Ove godine je 71 ili koliko iz budžeta Ministarstva planirano, provode se postupci u nekim ustanovama i predviđena sredstva za to su bila 4 000 000, od sljedeće godine se specijalizacije i vratiti tamo gdje pripadaju, gdje su i bile i bit će planirane u Budžetu ZZO-a. Mislim da i uključujući i ove koji će završiti postupci za ovu godinu, a sve buduće, kao i sve i ranije, bit će u budžetu u Finansijskom planu ZZO. Kapitalna ulaganja samo 484 000. Da, to je, a onda i zastupnica Fatima Gavrankapetanović je pitala šta su kapitalni transferi neprofitnim organizacijama? U suštini, to su javnozdravstvene ustanove koje su neprofitne organizacije i kao takve posluju. I to su 484 000 i ja sada vam pročitam tačno, vjerujem da imate vi svi pred sobom spisak koliko je, to je ovih 6 stavki, ukupno 484 000, daleko manje od onoga što je traženo iz Ministarstva zdravstva i daleko manje od potreba zdravstvenih ustanova. I nadam se i radit ću na tome da to kroz dalji postupak prije Prijedloga povećamo. Zastupnica Marijela Hašimbegović je za smanjena izdvajanje za RVI. Ministar Osmanović i na Vladi, gdje ja još nisam bio ministar, i ostali su odgovorili i podržavam naravno da će, i to za bionička odijela planirano da se uvrsti, bioničke proteze, pardon, planirano je da se uvrsti u Finansijskom planu Zavoda zdravstvenog osiguranja koji će preuzeti obavezu nabavke i distribucije istih. Ovakvo, financiranje već započetih specijalizacija Fatima Gavrankapetanović znači, slažemo se da bi to trebalo da preuzme ZZO, navodno je to dogovoreno, to ćemo provjeriti i ubaciti u Finansijski plan Zavoda zdravstvenog osiguranja. Zastupnica Vedrana. Mislim da sam odgovorio za druge, bilo je pitanje za specijalizacije i kapitalna ulaganja. Zastupnik Jasmin Šaljić u suštini nas je podržao, hvala puno na tome da dobijemo veći budžet, da trebamo veći budžet. Nemam ovdje nešto odgovoriti. Zastupnica Admela Hodžić kapitalni transfer mislim da sam odgovorio i da li je predviđena rekonstrukcija zgrade Hitne pomoći. Predviđena godinama unazad, to sam već objasnio na odgovoru na zastupnička pitanja na prvoj tački dnevnog reda i imaju 2 000 000 prebačena sredstva, godinama unazad stoje, nisu iskorištena, sada treba 8 000 000. Učinit ćemo sve da nađemo sredstva. Htjeli smo to ići u sukcesivnim etapama. Zavod za izgradnju Kantona Sarajevo kaže da ne može, imati ćemo sastanak Vlade, ZZO, Zavoda za izgradnju, Hitne.

Probat ćemo riješiti problem koji je dugogodišnji. Da, trebamo naći ta sredstva, to bi bilo dobro. Ja, koliko znam, nemam ništa više. Hvala vam svima.

Vibor Handžić (dopredsjedavajući)

Zahvaljujem ministra Hasanoviću, ministar Mijatović ima riječ, izvolite.

Zlatko Mijatović (ministar)

Hvala, dopredsjedavajući. Obzirom se prvi put danas javljam, sve prisutne u sali srdačno pozdravljam, naročito građane i građanke Kantona Sarajevo koji nas prati putem TVSA. Ja sam imao nekoliko pitanja ići ću redom. Naime, pitanja su postavljena i ovom prilikom se zahvaljujem svim zastupnicama koje su postavile pitanja, ja ću zaključiti da su ovo poruke podrške. Naime, imao sam pitanje zastupnica Viteškić, Hašimbegović, Vujović i Hodžić. Ja ću ići redom. Zastupnica Viteškić je postavila pitanje u vezi implementacije sredstava za podršku jedinica lokalne samouprave u vezi projekata JPP-a. Obzirom da smo u prošlom mjesecu svoj novi Zakon o javno privatnom partnerstvu, a isti je stupio na snagu 20. prošlog mjeseca, mi, kao što znate, imamo rok od 60 dana da pripremimo ili da usvojimo podzakonske akte to jeste jedan pravilnik, jednu uredbu. Tek nakon toga što to uradimo, krenut ćemo u realizaciju ovog projekta u smislu pružanja podrške jedinica lokalne samouprave. Do sada smo već održali par sastanaka sa općinama, sa načelnicima, gdje smo ih upoznali sa određenim detaljima i novinama u tom zakonu, ali evo, kao što sam rekao, kada budemo imali te podzakonske akte, krenut ćemo u tu realizaciju. Znači, da budem koncizan. Još nije utrošena ni 1 marka u ovoj godini vezano za ovu budžetsku stavku. Smanjenje sredstava na stavkama poticaja male privrede i primarne poljoprivredne proizvodnje. To pitanje se ponavlja više zastupnica je postavilo to pitanje. Ja se zahvaljujem na tom pitanju. Znači, mi smo sada u Nacrtu ovog budžeta išli sa minimumom, zakonski propisanim minimum, ali slažem se da ovo nije dovoljno, to pokazuju i statistički podaci, odnosno to ćete tek na početku naredne godine vidjeti da je primarna poljoprivredna proizvodnja skoro na 100 %, kao i poticaj razvoja male privrede i izvršenje tog programa je skoro da 100 %, tako da ćemo se u ovom periodu od usvajanja Nacrta do Prijedloga budžeta boriti, odnosno ja ću se boriti, to sam već i uradio, poslao sam svoj zahtjev, odnosno Ministarstvo privrede prema Vladi Kantona Sarajevo, da se ova sredstva obezbijede u Prijedlogu budžeta, da oni budu minimum u onom iznosu kao što su trenutno u ovoj godini, a pokušat ćemo da to budu i u većem iznosu. Zastupnica Hašimbegović je postavila pitanje, ako sam dobro shvatio, da li je ovaj Nacrt Budžeta u kontekstu Ministarstva privrede, a naročito razvoja poticaja razvoja male privrede rodno odgovoran. Ukoliko ste pratili, a ja se nadam da jeste, Program razvoja male privrede sastoji od 10 pojedinačnih programa, između ostalog ima 1 program koji je meni jako bitan, a to je Poticaj razvoja ženskog poduzetništva. On je ove godine bio u rekordnom iznosu skoro 1 000 000 konvertibilnih maraka. Naišli smo na jedan pozitivan feedback, to ćemo nastaviti u narednom periodu. To je od zastupnice Hašimbegović. Zastupnica Vujović je postavilo pitanje neprofitne organizacije, odnosno pružanje podrške neprofitne organizacije u smislu održavanja sajamskih aktivnosti. To je ove godine povećano, iz prostog razloga jer smo osjetili potrebu, veliki broj zahtjeva je dolazio, nismo mogli finansijski odgovoriti tim zahtjevima i ovim putem smo stvorili pretpostavku da udovoljimo udruženjima, fondacijama koje žele da organizuju sajamske aktivnosti ili druge aktivnosti privrednog karaktera, da mogu to i da urade. Ko će biti korisnik tih sredstava, kao što sam rekao, to ne znam, u smislu konkretno ko će biti, usvaja se program, raspisuje se javni poziv, ima rang lista, oni koji budu izabrani, oni će koristiti ta sredstva. Smanjenje, smanjenje sredstava u male privrede to sam već odgovorio. Zastupnica Hodžić je postavila nekoliko pitanja. Kapitalni projekti, u oblasti šumarstva, koji su to kapitalni projekti, također u ovom trenutku ja to ne mogu da znam, jer prema Zakonu o šumama Kantona Sarajevo, Uprava za

šumarstvo raspisuje javni poziv na koje se prijavljuju privredni subjekti. U najvećem slučaju Sarajevo šume sa svojim projektima. Komisija ocjenjuje, vrednuje te projekte i onda se ide u realizaciju. Zašto su kapitalni projekti generalno u Ministarstvu privrede smanjeni u Nacrt Budžeta? Iz jednog prostog razloga jest što sam ja želio, zastupam taj stav da ti projekti trebaju da budu spremni za realizaciju kada ih već delegiramo u Nacrt Budžeta ili kasnije u prijedlogu budžeta, oni moraju biti u jednom visokom nivou, već spremnosti, tako da imamo jedan veći nivo implementaciju u narednu godinu. Hvala vam.

Vibor Handžić (dopredsjedavajući)

Zahvaljujem ministre Mijatoviću. Ministrica Softić-Kadenić riječ, izvolite.

Darja Softić-Kadenić (ministrica)

Hvala lijepo dopredsjedavajući, pozdravljam sve prisutne u sali i one koji prati naš rad iz toplih domova. Budžet ovaj Ministarstva pravde i uprave je sa 8 miliona i 715 000 otprilike smanjen za 2 000 000 na 6 miliona i 715 000, što je skoro 25 %. To je vezano za potrebu da se u ovoj fazi izrade budžeta radi pribavljanja mišljenja i uklapanja u procjene koje dobijamo sa nivoa Federacije BiH, koje su iskustveno pesimistične, uklopimo u te procjene i suštinski smanjenje sa pozicije TV-a je maltene apsorbiralo cjelokupno smanjenje od 2 000 000 koje je na budžetu Ministarstva pravde i uprave. I razlog je najiskrenije, manje-više potpuno tehnički, iz razloga što je to ujedno i najveća pozicija unutar budžeta Ministarstva pravde i uprave, a i iskustveno pozicija koja se značajno popravi u toku javne rasprave, odnosno između faza nacrtu i prijedloga. Dakle, intencija Ministarstva i mene kao ministrice, a mislim da i politička saglasnost u tom pravcu postoji, nije da budžet Televizije Sarajevo bude smanjen na način da ugrožava njihovo poslovanje. Znači, intencija je da do prijedloga u svakom slučaju imamo barem onaj budžet koji smo imali u tekućoj godini. Televizija Sarajevo je komunicirala svoje dodatne budžetske zahtjeve koje smo mi, također, posredstvom Ministarstva, jel komunicirali prema Ministarstvu financija. Što se tiče reportažnih kola, ja ću, pitanja su bila vrlo slična, zastupnica Hašimbegović, zastupnica Vujović i zastupnik Šaljić su pitali djelimično se preklapaju, pa ja ću ovaj skupno odgovarati. Što se tiče reportažnih kola, ja lično nisam svjesna posebnog zahtjeva u tom pravcu prema Ministarstvu pravde i uprave, pri čemu je TVSA komunicirala u svom budžetskom zahtjevu ove godine da će se nabavka opreme financirati iz vlastitih sredstava, ali mi možemo razgovarati i možemo razmišljati i eventualno o nabavci ovih reportažnih škola u narednoj godini iz nekih kreditnih, kreditnih sredstava. Što se tiče plaća, moram reći da su neke tvrdnje koje su iznesene nisu u potpunosti korektne, u smislu da plaće na TVSA nisu povećavane posljednjih 17 godina. Voljela bih da to ispravim, čisto korektnosti radi. Dva puta je mijenjan Pravilnik od kako sam ja na poziciji ministrice, jednom, '21. godine, jednom ove godine. Oba puta su plaće povećavane, prvi puta u prosjeku 10 %, pri čemu nije svako radno mjesto bilo obuhvaćeno tim jednakim jel povećanjem. Međutim, u toku ove tekuće godine moram reći da su, kao što su svi budžetski korisnici, odnosno zaposlenici koji primaju plaću iz Budžeta Kantona Sarajevo, pa onda i komunalna preduzeća i Televizija Sarajevo, dobili onu interventnu mjeru koja se ogleda u jednokratnom dodatku koji je bio planiran od 100 KM na neto plaću za period od 1. 1. do od 31.12 tekuće godine tu je implementirano i Televiziji Sarajevo. Znači, taj dodatak je isplaćivan za cjelokupnu tekuću godinu i također je ukupno 300 000 dodatnih budžetskih sredstava za '23. raspoređeno na ta povećanja, znači što kroz dodatak, što kroz izmjene pravilnika, odnosno izmjene koeficijenata koje su po informacijama koje ja imam u tekućoj godini rezultirale sa dodatnih 100,00 KM kroz koeficijente za sve uposlenike i plusu 100 KM dodatka koji je isplaćivan na neto plaću, znači 200 KM povećanja u '23. godini. Intencija nije ni u kom slučaju da se to smanji. Dakle, iako je ovaj dodatak planiran i pravno oblikovan kao dodatak koji se vezuje samo za tekuću

godinu, ne samo na TVSA, nego i kod drugih budžetskih korisnika, mi smo kao Vlada pronašli rješenje da zadržimo plate na nivou sa tim dodatkom, pri čemu se on će biti ubuduće isplaćivan na drugi način, znači biti će na neki način stavljen u redovne okvire mehanizama za obračun plaće ili koeficijent ili osnovicu ili bod u zavisnosti kako se gdje u pojedinačnoj ustanovi ili javnom preduzeću plaća obračunava. U Kantonu Sarajevo je sada kroz ovo povećanje osnovice apsorbiran taj dodatak, TVSA će pronaći svoj mehanizam kako da to dalje implementira tokom naredne godine, jer, dakle, intencija nije da se taj dodatak ponovo ukine i plaća u tom smislu smanji. U zavisnosti od daljih pregovora koji se sad trenutno vode i sa pojedinačnim sindikatima, mimo povećanja osnovice i zadržavanja ovih 100 koje smo ovaj linearno prošle godine obezbijedili, obezbijedili svima, pa i uposlenicima TVSA, mi pričamo o nekih eventualnih 5 % dodatka za koje ću se ja boriti da se na neki način, ne mislim si dodatka, nego 5 % povećanja plate, za koje ću se ja kao ministrica boriti da se predvidi u Budžetu i za zaposlenike Televizije Sarajevo. Hvala lijepa.

Vibor Handžić (dopredsjedavajući)

Zahvaljujem. Uključite premijera Uka, pa ćemo onda na pauzu.

Nihad Uk (premijer)

Hvala, uvaženi, dopredsjedavajući Vibore. Par pitanja koja su bila usmjerena prema meni, pa ću pokušati da odgovorim i da stignem u ovom vremenu kako je dogovorena pauza. Prvo pitanje uvažene zastupnice Smailbegović-Gavrankapetanović zašto nije ZZO uputio zajedno Nacrt Budžeta? Dobra primjedba. Obećavam već od iduće godine da ćemo uskladiti donošenje Nacrt i prijedloga Budžeta i Kantona Sarajevo i ZZO, odnosno Zavoda za zdravstvenog osiguranja. Uvaženi zastupnik Šaljić je pitao za reportažna kola. Ministrica Softić-Kadenić je odgovorila. Što se tiče uvaženog zastupnika Kalema oko izvršenja budžeta, koji su stepen izvršenje budžeta na današnji dan? Dakle, varljivi su podaci s obzirom da je Budžet Kantona Sarajevo usvojen krajem marta mjeseca, s jedne strane, a s druge strane, izvršenje, masovno izvršenje budžeta uglavnom se uvijek veže za mjesec decembar i januar. Međutim u ovom trenutku izvršenje budžeta 57 %, odnosno 12,5 % kapitalnih projekata. Uvaženi zastupnik Kapidžić je također pitao zašto smo požurili sa Nacrtom Budžeta? Dakle, mi nismo požurili sa Nacrtom Budžeta, Budžet je ovaj predložen u skladu sa finansijskim kalendarom i svim zakonima, tako da građani Kantona Sarajevo ne smiju da čekaju na budžet, s obzirom da smo mi imali rekonstrukciju Vlade. Tako da projekcija ovog budžeta se ne veži za političke subjekte, već za program koalicije koji je identičan i prethodnoj Vladi, tako da ni u jednom trenutku bilo koje ministarstvo ne treba vezati finansijski za jednu političku stranku jer je ovo budžet svih građana Kantona Sarajevo i bit ću ponosan kada usvojimo Budžet ove godine, dakle krajem decembra, kako bi, kao što sam u uvodnom izlaganju rekao, dočekali narednu godinu usvojenog Budžeta i da krenemo sa normalnom realizacijom, s obzirom da jako otežavajuća okolnost kada se budžet usvaja u tekućoj godini. Uvaženi zastupnik Vreto, postavio je dva pitanja, jedno je što se tiče granskih kolektivnih ugovora. Mi još uvijek nismo eksplicitno dogovorili sa predstavnicima sindikata granskih kolektivnih ugovora, ali aktivno govorimo i razgovaramo sa njima, s jedne strane to je Sindikat osnovnog i srednjeg obrazovanja, Sindikat koji okuplja radnike ustanova socijalne zaštite i sindikat državnih službenika i namještenika. I vrlo vjerovatno će biti korekcije u narednom periodu do Prijedloga budžeta koeficijenata kako bi ovaj segment, ovaj segment naših budžetskih korisnika, naših radnika, malo uskladili sa ovom novonastalom situacijom usljed, usljed manjka plata koje su u ovim budžetima, oprostite. Uvaženi zastupnik Bandić je također postavio pitanje da li se radi o razvojnom ili socijalnom budžetu? Također, u uvodnom izlaganju samog Budžeta rekao sam da je on i razvojni i da je ima obrise i socijalnog budžeta, s obzirom da je 27 % budžeta

planirano za kapitalne investicije Kantona Sarajevo i mislim da bit će zadovoljni i socijalni korisnici, a isto tako ima dovoljno prostora da se Kanton razvija i u ovim finansijskim trenucima koji nisu baš idealni za Kanton Sarajevo. Kolika su potraživanja po pravosnažnim presudama? U ovom trenutku potraživanja po pravosnažnim presudama prema Kantonu Sarajevo na bankama jeste 38 000 000 konvertibilnih maraka. Radi se o glavnica i strategijom koju je Vlada Kantona Sarajevo usvojila krajem 2021.godine koja se primjenjuje od 2022.godine, dogovorena, odnosno predviđeno je da se ovaj dug isplati u roku od 5 godina. I u ovom trenutku, kako tendencija ide, vrlo vjerovatno ćemo isplatiti. Ove godine smo isplatili 6,6 miliona konvertibilnih maraka po pozivu i isplatit ćemo 0,3 % Budžeta onog zakonskog dijela, što iznosi oko 3 000 000, tako da ove godine ćemo isplatiti 10 000 000 konvertibilnih maraka potraživanja, što je ponovo veće od procenta koji je planirano ovom strategijom za rješavanje dugovanja iz prethodnog perioda. Također, uvaženi zastupnik Bandić je postavio pitanje za holding. Dakle u ovom Nacrt Budžeta i zaista nema stavke koja treba da precizira rješenje komunalnog pitanja kroz holding, ali do prijedloga će biti ta stavka s obzirom da je u Ekspozeu koji sam iznio naknadno, u novoj Vladi, jer nedavno imenovanj to navedeno. I imamo još imamo pitanja oko osnovnog obrazovanja i primarne zdravstvene zaštite, zašto nije planirano da se prebaci na lokalne zajednice u skladu sa Europskom povelju o lokalnoj samoupravi i presudama Ustavnog suda po ovom pitanju. Dakle niz sastanaka je ministrica pravde Softić-Kadenić je održala sa donosiocima odluka po ovom pitanju. To su uglavnom, nije uglavnom, nego isključivo su to načelnici gradskih sarajevskih općina, odnosno načelnici općina koje su u sklopu Kantona Sarajevo. Jako teško će se ovo dogovoriti, s obzirom da interes načelnika gradskih općina jedan, načelnika koji nisu u gradskom obuhvatu Grada Sarajeva je drugi, Kantona treći i na tragu te diskusije Vlada Kantona Sarajevo je, recimo, nekad u julu ili u augustu, donijela zaključak da traži od Skupštine Kantona Sarajevo da se održi tematska sjednica na temu provođenja presude Ustavnog suda po pitanju lokalne samouprave i evo, mi čekamo tu tematsku sjednicu da dogovorimo u kojem smjeru to treba da ide. Ono moje lično mišljenje i osjećaj kakav sam doživio sa tih sastanaka da ćemo mi u jednom trenutku ozakoniti trenutno stanje, s obzirom da imam osjećaj da odgovara to i načelnicima lokalnih zajednica. Eto to je to.

Vibor Handžić (dopredsjedavajući)

Premijeru zahvaljujem. Sad po dogovoru, moramo se izjasniti pošto će biti duža pauza, predlažem pauzu do 13 sati i 30 minuta. Molim vas da glasate. Pa ljudi, sat i 45 minuta. Mislim da je to sasvim dovoljno. Možete glasati. Možete li se svi koji ste u sali izjasniti inače ćete ostati na svojim mjestima do daljnjeg. Mogu rezultati?

Dobro. Konstatujem da smo na pauzi do pola 2, vidimo se.

NASTAVAK NAKON PAUZE

Elvedin Okerić (predsjedavajući)

Nastavljamo sa sjednicom Skupštine Kantona Sarajevo. Trenutno ministri u Vladi Kantona Sarajevo daju odgovore na postavljena pitanja zastupnika. Ministrica Adna Mesihović se javila za riječ, izvolite.

Adna Mesihović (ministrica)

Zahvaljujem predsjedavajući. Pozdravljam, evo pošto ste prvi put obraćam, pozdravljam sve zastupnike, sve ministre i gledaoce pored malih ekrana. Pa ovako, bilo je nekoliko pitanja u pravcu Ministarstva za nauku, visoko obrazovanje i mlade, al obzirom da su se neka ponavljala

tako ću ih pokušati ovaj grupisati. Prije svega zahvaljujem se svim uvažanim zastupnicima koji su uputili pitanja, zastupnici Krstić, zatim zastupnici Viteškić, zastupnici Marijeli Hašimbegović, zastupnici Vujović i zastupniku Pobriću i zastupniku Selmanoviću, oprostite. Ovako znači, prvo pitanje je bilo koliko je izdvojeno ovaj za inkluziju i da li su planirana sredstva za Akademiju nauka? S obzirom da ja nisam učestvovala u izgradnji budžeta, to su neke stavke koje smo mi, evo, sad prolazeći kroz pojedine stavke u budžetu, i ovaj planirali integrisati. I dok bude je li u javnoj raspravi, mi ćemo svakako ovaj razmatrati znači sve ono što smo mi zaključili da je propušteno. Što se tiče izgradnje zgrade Akademije umjetnosti i Univerzitetske biblioteke, to su svakako veliki građevinski projekti koji su, evo, jel već desetak godina u procesima izgradnje i ovaj pokrenuli smo prikupljanje informacija kako bismo imali dovoljno podataka i do sjednice ovaj do sjednice jel na kojoj će biti Prijedlog budžeta ćemo svakako imati ovaj više informacija, to su svakako veliki kapitalni projekti i neophodno će nam biti da prođemo stvarno kroz sve stavke i pojedinosti dosadašnjih faza izgradnje kako bismo mogli jel napraviti neki presjek stanja. Što se tiče ove stavke stipendiranje studenata i mladih, to je stavka u budžetu koja se ponavlja svake godine. Evo i stipendiranje Zlatnih znački i deficitarnih zanimanja i ove godine, evo upravo je danas raspisan javni poziv za ovaj za ovaj subvencioniranje ovih dobitnika Zlatnih znački i bit će sigurno integrisan u Budžet za sljedeću godinu tako da tu su nam ova deficitarna zanimanja. Što se tiče pitanja Fonda za mobilnost mladih, pa evo, ja sam sad prolaskom kroz ovaj pojedine sektore Ministarstva dobila informaciju da je u toku izrada Strategije za mlade koja će obuhvaćati znači Strategiju u periodu 2024. - 28. godina. Plan je da do kraja godine se izradi nacrt koji će biti upućen Vladi i Skupštini, do kraja decembra ove godine, a tek nakon usvajanja nacrt ide se u ovaj dio pravljenja akcionog plana, a što se tiče znači Fonda za mobilnost mladih nije bio, naravno, predviđen Budžetom i već smo diskutovali na tu temu i svakako će se planirati sredstva u ovom periodu javne, ta stavka je li u Budžetu u ovom periodu javne rasprave o budžetu. Bilo je još jedno pitanje, ovo možda i najteže od svih, što se tiče rješavanja problema Studentskog centra i ovaj Univerzitetske biblioteke. Svjesni smo da su to veliki problemi ovog Ministarstva i ove Vlade koji se, evo, ni do sada nisu uspjeli riješiti jel dugi niz godina. Svakako smo ovaj pokrenuli pregovore sa menadžmentima ovih institucija i već će se desiti u sljedećoj sedmici zajedno ćemo proći kroz trenutna stanja u tim ovaj institucijama i saslušati neke njihove prijedloge kako bi se dugoročno to moglo riješiti, obzirom da smo, evo, kroz razgovore sa mojim pomoćnicima i uvidom u stanja utvrdili da ovaj Studentski centar ima neke prilive za koje možemo reći da nisu apsolutno transparentni, uzima dobivaju novac za iznajmljivanje zgrade Vlade Kantona Sarajevo. Moramo, znači utvrditi koja su to stvarna zaduženja tog Studentskog centra, koliki su prilivi i da vidimo na koji način jel bi mogli riješiti problem prevelikog broja zaposlenih u toj instituciji, obzirom da oni pored osnovne djelatnosti zbrinjavanja i ishrane studenata, imaju dopunsku djelatnost, ugostiteljsku, što je dovela, koja je dovela do zaposlenja velikog broja ugostitelja iz kategorije konobara, tako da bi u nekom, a oni nemaju potrebe za tolikim kadrom u toj pravo djelatnosti tako da bi jedno od problema koje bi trebalo u budućnosti riješiti bio svakako taj na koji način da se taj veliki broj zaposlenih riješi kako bi se i kroz taj segment rasteretila ta institucija. Nadam se da sam odgovorila na sva pitanja. Hvala vama.

Elvedin Okerić (predsjedavajući)

Zahvaljujemo se ministrici Mesihović. U ime ministrice Ende Pavić-Pečenković obratit će se pomoćnik ministrice, pa nam se predstavite zbog stenograma. Izvolite, imate riječi.

Nurija Hodžić (pomoćnik ministrice)

Poštovani predsjedavajući.

Elvedin Okerić (predsjedavajući)

Jel možete samo mikrofon sebi privući zbog stenograma?

Nurija Hodžić (pomoćnik ministrice)

Jel možemo od početka? Poštovani predsjedavajući, zamjenici predsjedavajućeg Skupštine Kantona Sarajevo, uvažene zastupnice i zastupnici, dobar dan, ja sam Hodžić Nurija, pomoćnik ministrice za finansijsko računovodstvene poslove i finansijsku kontrolu budžeta u Ministarstvu za rad, socijalnu politiku, raseljena lica, izbjeglice Kantona Sarajevo. Uvažena zastupnica Marijela Hašimbegović postavila je sljedeći set pitanja. Prvo, da li je Ministarstvo planiralo jačanje kadrovske strukture u ustanovama socijalne zaštite? Dalje obrazloženje smanjenja sredstava za zaštitu porodice sa djecom, raseljenim licima, izbjeglicama, sufinansiranju rada javnih kuhinja Kantona Sarajevo. Evo, ja ću krenuti redom da obrazložim dio po dio postavljenih pitanja. Što se tiče kadrovske jačanja ustanova socijalne zaštite, u toku je dodatno zapošljavanje stručnih radnika u ustanovama socijalne zaštite, podcrtavam stručnih radnika u ustanovama socijalne zaštite kako bi se ustanove kadrovski ojačale. Napominjemo da je u implementaciji izmjena Zakona o plaćama i naknadama u javnim ustanovama iz oblasti socijalne zaštite u Kantonu Sarajevo, gdje je planirano povećanje plaće po osnovu otežanih uslova rada, i to od 01.06.2022. godine, tako da sve to skupa daje jedan novi kvalitet u radu ustanova socijalne zaštite. Što se tiče zaštite porodice sa djecom, to je pozicija u ovom Budžetu na 002. Planirana sredstva u Nacrt Budžeta iznose 51 722 256 KM, od toga budžetska sredstva negdje oko 45 692 000, transferi 6 000 000 i namjenska sredstva za dječju nedjelju 30.000 KM. U zahtjevu da sredstvima iz Budžeta Kantona Sarajevo za '24.godinu planirana su sredstva za zaštitu porodice sa djecom u iznosu negdje oko 61 000 000 i dodatna sredstva u iznosu od 19 000 000, što sve skupa čini negdje oko 81 000 000. Po nacrt Nacrtu Budžeta za '24. godinu sredstva za zaštitu porodice sa djecom planirane su u iznosu od 51 692.256 KM i da bi se izmirile obaveze prema korisnicima zaštite porodice za djecom u 2024 godini trebat će u toku javne rasprave obezbijediti dodatna sredstva, što ćemo nadam se i uspjeti. Napominjemo da u 2023 godini utrošak sredstava za dječju zaštitu za period januar- oktobar 2023. godine iznosi negdje oko 63 958 000 i napominjemo da je iznos naknade porodiljama u 2023 godini obračunavati u skladu Zakonom o socijalnoj zaštiti i zaštiti civilnih žrtava rata i zaštiti porodice sa djecom kao i sva davanja koja proističu iz ovog Zakona. U proceduru je upućen Nacrt Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, koji predviđa proširenje prava po osnovu socijalne zaštite, dječje zaštite i zaštite civilnih žrtava rata. Svi navedeni podaci ukazuju da realno potrebna sredstva za izmirenje obaveza prema korisnicima dječje zaštite u '24. godini treba se povećaju u odnosu na iznos planiran u Nacrtu budžeta Kantona Sarajevo za 2024. godinu, znači negdje oko 81 milion. Stoga je neophodno da se u javnoj raspravi obezbijede nedostajuća sredstva za izmirenje zakonskih obaveza, prema korisnicima dječje zaštite i da ista budu planirana u Prijedlog Budžeta Kantona Sarajevo za 2024.godinu. Što se tiče raseljenih lica i izbjeglica pozicija na 044. planirana su sredstva u iznosu 1.150 000, i to na projektnom kodu na 004 za raseljena lica i izbjeglice, rekonstrukciju, sanaciju stambenih objekata, infrastrukturu 700.000, i to za zdravstvenu zaštitu raseljenih lica, projekat CEP 2, zatvaranje kolektivnih centara i alternativni smještaj Tarčin, readmisiju održivi povratak u Kantonu Sarajevo i unutrašnje uređenje stanova u zgradi Ivana Gorana Kovačića Općina Novo Sarajevo za interno raseljene porodice. Projektni kod na 021 održivi je povratak van Kantona Sarajevo planirano je 450 000 KM, budući da je na području Kantona Sarajevo boravi veliki broj raseljenih porodica sa područja entiteta RS, te određeni broj porodica iz drugih kantona Federacije BiH, u dosadašnjem periodu fokus je bio usmjeren na stvaranje stambenih uvjeta za povratak iz Kantona Sarajevo na prijeratne adrese prebivališta. Međutim, taj povratak nije podržavan adekvatnim projektima održivog povratka

s ciljem da se tim porodicama omogući neka vrsta egzistencije. Kako se radi uglavnom o povratnicima u ruralna područja, istim je potrebna podrška za bavljenje poljoprivrednom djelatnošću zemljoradnja, stočarstvo, voćarstvo, pčelarstvo. Smatramo da je ovaj iznos sredstava planiran u Budžetu za 2024. godinu za raseljena lica izbjeglica u ovom momentu realan i optimalan, imajući u vidu i umanjenje pondera za Kanton Sarajevo za 2024. godinu. Ovdje u Budžetu imate agregiranu poziciju, to je 1 150 000, međutim, kada bude usvojen Prijedlog Budžeta na Skupštini, uradit će se program utroška gdje će se detaljno dati analize i rasporediti po projektnim kodima koliki je to iznos sredstava. Evo u ovom slučaju i raseljena lica i izbjeglice od 1 150 000 u program utroška će se prikazati na 004 projektnom kodu 700 000 za održivi povratak van Kantona Sarajevo 450 000. Što se tiče pozicije sufinansiranja rada javnih kuhinja Kantona Sarajevo, planirana su sredstva u iznosu 2476 550 KM i to za sufinansiranje materijalnih troškova javnih kuhinja u Kantonu Sarajevo, to je ovih 6 javnih kuhinja, javna kuhinja Stari Grad, Hrvatska kartitativna organizacija Kruh svetog Ante, javna kuhinja Jelo na kotačima, javna kuhinja Crveni križ Kantona Sarajevo, javna kuhinja Merhamet, javna kuhinja Dobrotvor. To je sveukupno 876 550 KM za sufinansiranje tih materijalnih troškova. Imamo drugu liniju, to je nabavka osnovnih životnih artikala za spravljanje toplog obroka u javnih kuhinjama za lica u stanju socijalne potrebe putem raspisivanja tendera za odabir najpovoljnijeg ponuđača, i to za sljedeće artikle: pileće meso, juneće meso bez kostiju, polubijeli hljeb od 700 g i svježe voće banane, nakisele jabuke i narande i tu je planirano 1 560 000 KM. I sada dolazimo do trećeg segmenta, a to je nabavka artikala putem Direkcije za robne rezerve Kantona Sarajevo, koji se koristi za raspravljanje toplog obroka u javnim kuhinjama za lica u stanju socijalne potrebe. Radi se o sljedećem, u skladu sa Zakonom o izvršavanju budžeta Kantona Sarajevo transakcije koje se uključuju u proceduru internih faktura između budžetskih korisnika, u ovom slučaju Ministarstva i Direkcije za robne rezerve, koji su povezani u jedinstveni sistem trezora Kantona Sarajevo odnosi se samo na izvor sredstava 10, odnosno budžetska sredstva i koji nemaju budžetsku kontrolu za ove rashode po internim transakcijama. Preciznije za rashode od internih transakcija ne vrši se planiranje sredstava u budžetu internog kupca, u ovom slučaju Ministarstvo za rad, socijalnu politiku, raseljena lica izbjeglica Kantona Sarajevo, niti se vrši kontrola raspoloživosti sredstava u budžetu da se ne bi duplirali rashodi na nivou budžeta Kantona Sarajevo po istom osnovu. Evo, ja vam ovdje imam jedan primjerak fakture koji dobivamo od Direkcije za robne rezerve i ima ovdje možda to računovođe, finansijeri bolje znaju, rashodi od internih transakcija koji se prikazuju kao rashodi i takvi od internih transakcija, ali nemaju budžetsku kontrolu, odnosno nije potrebno planirati ta sredstva u budžetu Ministarstva, kao što se kao ranije činilo. I sve ovo navedeno je u skladu sa računovodstvenim politikama za budžetske korisnike i Trezor Kantona Sarajevo. To je što se tiče pitanja uvažene zastupnice Marijele Hašimbegović, imamo drugo pitanje uvažene zastupnice Admele Hodžić postavila isti set pitanja smanjenje sredstava za zaštitu porodice sa djecom, raseljenim licima i izbjeglicama, sufinansiranje rada javnih kuhinja. Da ne bih ponavljao, već sam odgovor dao. I bilo je još pitanje da li je moguće obezbijediti veća sredstva na ekonomskom kodu 614 300 subanalitika na 0 43 tekući transferi udruženjima da ih ne nabrajam posebice, to je Udruženje slijepih, distrofičara, udruženje oboljelih od multiple skleroze, Udruženje paraplegičara, kvadriplegičara i dječje paralize, Udruženje gluhih Kantona Sarajevo, Udruženje oboljelih, udruženje invalida i Oaza. Znači, to je tih 9 udruženja, a to je agregirana pozicija od 671600, koja se opet kroz program utroška raspoređuje na sva ta pojedina udruženja. Ukoliko u javnoj raspravi budu obezbjeđena dodatna sredstva, svakako ćemo to prihvatiti i povećati tu poziciju i priču realizaciji istog u 2024. godini. Ja toliko. Hvala vam lijepa. Ako ima dodatnih pitanja, izvolite.

Vibor Handžić (dopredsjedavajući)

Mislim da je to to. Ministar Bošnjak je sljedeći izvolite.

Bojan Bošnjak (ministar)

Dame i gospodo, sve vas srdačno pozdravljam i evo ja ću pokušati biti kratak koliko je to moguće u odnosu na ova pitanja koja su koja sam dobio kao resorni ministar. Prije svega zahvalnost za interes oko ovoga velikog sektora. I evo, nadam se, pardon, da ćete zajedno sa mnom, da ćemo zajedno svi doći do boljih rješenja nego što su rješenja bila proteklom periodu. Gospođa Viteškić je pitala ovaj dio koji se odnosi na subvencioniranje mladih za kupovinu, odnosno za pomoć pri kupovini ovih stambenih jedinica. Da vam budem iskren, i ove godine smo imali sličan Grant, a znate, i sami iz medija ste vidjeli da je taj Grant od 500 000 na kraju će izaći mnogo više nego što je planirano. Mi imamo preko 1300 zahtjeva, trenutno u ministarstvu, radimo na tome da što brže odreagujemo kako bi smo mogli stići ovu budžetsku godinu i spustiti naloge za plaćanje kada se tiče našeg budžeta za ovu godinu. Biti će vjerojatno preko 1000 ovih aplikacija koji će biti pozitivno ocijenjeni. Kako ćemo ishodovati sredstva i kako ćemo se dalje ponašati to ćete vi vidjeti i bit će blagovremeno obaviješteni oko toga. Što se tiče Smiljevića, tokom ove godine je u skladu sa godišnjim programom aktivnosti na sanaciji izgradnje Regionalnog centra za upravljanje otpadom Smiljevići, Vlada je uzela, odnosno Vlada se zadužila u kontekstu Smiljevića za nekih 3 oko 4 000 000 maraka. Ta kreditna sredstva bit će realizovana, velikim dijelom, naravno, tokom sljedeće godine. I tu ide nova sanitarna ploha na neki 37 000 m² i to će biti neki glavni dio posla koji ćemo mi kroz Ministarstvo pratiti kada su Smiljevići u pitanju. Naravno, i sve ove ostali popratni problemi koji prate ovu deponiju, bit će blagovremeno obaviješteni i mislim da ćete biti zajedno sa mnom na tragu da tražimo neka bolja i svrsishodnija rješenja. Što se tiče gospođe Hašimbegović i ovoga njenog pitanja vezano za zrak, i sami znate da je bavljenje zrakom i okolišom jedan multidisciplinarn pristup i svi projekti koji se tu dešavaju ne mogu se gledati samo kroz jednu sferu. Mi imamo zaista mnogo aktivnosti koji su vezani i kroz ovaj Centar za zrak, a i kroz dio Ministarstva koji se odnosi na okoliš, pa i oko mjera koje su vezane za energetska efikasnost. Također se radi na tome da se kroz te mjere detektira i da se zrak poboljša u Kantonu Sarajevo. Ono što je bitno istaknuti jeste da ćemo pored ovih mjera koje smo radili na uočavanju određenih problema, mjerenju i praćenju kvalitete kontrole zraka, već ja mislim da ćemo početkom decembra mjeseca imati jednu strategiju koja će biti vezana za rješavanje problema zagađenja zraka iz individualnih ložišta i bez te mjere se neće moći dalje ići u realizaciju ozbiljnih programa. Ta strategija će nam, uz taj akcioni plan, koji uz nju ide, pokazati, determinisati put u narednom periodu. Imamo dosta individualnih ložišta koji koriste čvrsta goriva i tokom programa u narednom periodu mi ćemo tražiti da se, odnosno pomagat ćemo našim sugrađanima, da mijenjaju ložišta u svojim domaćinstvima kako bi prešli na neka goriva koja manje zagađuju. Također, evo iskoristit ću priliku, neko je spominjao inicijativa je bila jutros vezana za ograničenje, uslovno rečeno, rada Toplana, u nekim dijelovima da se omogućiti ljudima skidanje sa tog sistema centralnog grijanja na području Kantona Sarajevo, mislim da bi bilo uputno i bolje da razmišljamo u suprotnom smjeru, obzirom na kvalitetu zraka koju imamo u području kantona i obzirom na sljedeće pitanje koje je ovdje bilo isto tako postavljeno vezano za kredit koji Vlada ima namjeru da aktivira, a on je vezan za izgradnju toplotnih pumpi na Butilama. To je veliki kredit, to je, znači pitanje, čini mi se, isto je gospođa Hašimbegović pitala, to je u biti kredit koji je još u fazi neke inicijative, radi se o 50 000 000 maraka i ta su sredstva vezana za na način da bi se 35 000 000 maraka Kanton kreditno zadužio, a 15 000 000 maraka su Grant sredstva. Znači, radi se o projektu koji je definisan da se radi u dvije faze. Jedna faza bi bila izgradnja toplotnih pumpi na Butilama, a druga faza bi bila izgradnja parovoda koji bi bio iz Butila prema gradu, okrenut i usmjeren. Pošto je to, kažem vam, tek početak čitave priče, ima tu dosta stvari koje se trebaju i pregradnje koje se trebaju raditi da bi se ovaj projekat mogao implementirati. Još uvijek nisu stečeni formalnopravni uslovi da ovaj projekat kao takav krene. Naravno, mi radimo sve na tome da se to desi i ja vjerujem da ćemo uz podršku Vlade i Skupštine Kantona ovaj projekat uspjeti uspjeti izvući

do kraja. Što se tiče firmi koja je radila, odnosno ekipe koja je radila ovaj studiju, preko koje se radi upravo i ovo zaduženje, to je firma Niraz iz Švedske. Vezano za pitanje, također, gospođe Hašimbegović, a oko prepoznavanja komunalnih usluga i higijene, komunalne, stambenog razvoja i okoliša kroz ovaj naš budžet, on je, teško se može prepoznati svaka od mjera koja se dešava kroz ovaj budžet, međutim, programom utroška sredstava, tekućih i kapitalnih transfera u okviru Budžeta Kantona Sarajevo koji provodi ovo Ministarstvo i gdje imamo obavezu 30 dana po usvajanju budžeta donositi programe utroška, mi ćemo definisati za svaku od oblasti, odnosno za svaku od tačaka koje su definisane u Budžetu poseban program, tako da tu imamo dosta i namjenskih sredstava koji su vezane za rad u ovom Ministarstvu, što vodnih naknada, što iz Fonda za zaštitu okoliša, tako da ćemo kroz taj, ustvari kroz te programe tokom sljedeće godine moći vidjeti i definisati tačno ono šta se u stvari u Ministarstvu radi i šta se konkretne stvari dešava. I bila još jedna stvar koja se odnosi na smanjen iznos sredstava vezanih za ovu subvencioniranje zajedničke komunalne potrošnje. Evo, ja se nadam da ćete i uspjeti i vi s vašim inicijativama i podrškom da se ovaj iznos vrati na iznos, makar koliko je bio za tekuću godinu, znači 32 000 000 maraka je nekakav optimum koji nam je neophodan da bismo mogli u sljedeću godinu ući u nekakav dio koji se odnosi na kvalitetno i pravovremeno poštovanje svih potreba naših građana kada su komunalne firme kantonalne u pitanju. Hvala lijepo.

Nadam se da ste zadovoljni ukoliko imate bilo kakvih dodatnih pitanja stojim vam na raspolaganju.

Vibor Handžić (dopredsjedavajući)

Zahvaljujem ministre. Dodatnih pitanja nema, jedino ako nešto nije nikako odgovoreno. Zastupnica, pardon, ministrica Hota-Muminović je sljedeća izvolite. Možda sam vam nešto naslutio u budućnosti

Naida Hota-Muminović (ministrica)

Hvala lijepo, uvaženi dopredsjedavajući, uvažene zastupnice i zastupnici, poštovane kolege i kolegice, ministri i ministrice, cijenjeni građani Kantona Sarajevo, koji prate današnji prijenos ove sjednice, bilo je niz pitanja. Ja sam sigurna da će mnoga od ovih pitanja unaprijediti dodatno Prijedlog budžeta za Ministarstvo za odgoj i obrazovanje, ja vam se unaprijed zahvaljujem. Ja ću krenuti redom kako sam pisala bilješke. Uvažena dopredsjedavajuća Kristić pitala je za podjelu sredstava za inkluziju u budžetima i u Ministarstvu za odgoj i obrazovanje planirana su sredstva u iznosu, u ovom Nacrtu, u iznosu od 1 000 000 konvertibilnih maraka za inkluziju. Smatramo da je ovo dovoljan iznos koji možemo nastaviti unapređivati. Pitanje inkluzije, posebno kada su u pitanju, kada je u pitanju angažman asistenata u školama, kao i nabavka asistivne tehnologije za djecu sa teškoćama. Ovdje, naravno, u obzir dolaze i projekti koji se za nevladin sektor koji se tiču unapređenja inkluzije u društvu, odnosno kroz obrazovni sistem. Uvažena zastupnica Smiljana Viteškić pitala je za stavku rekonstrukcije u Javnoj ustanovi Djeca Sarajeva koja iznosi ukupno 400 000 konvertibilnih maraka. Ova rekonstrukcija uglavnom se koristi za neka tekuća aktualna aktualne zahvate rekonstrukcije. Sve veće kapitalne projekte uvijek se planiraju u Budžetu Ministarstva za odgoj i obrazovanje. Kada je u pitanju konkretno vrtić Lužani, tu je bila jedna specifična situacija sa jednim projektom koji je, nažalost, loše isprojektovan u godinama koje su bile ranije. Jedan primjer iz udžbenika kako se zapravo građevinske firme vrlo nespremno prijavljuju, ili možda spremno, ne znam kako, prijavljuju na te javne pozive, urade i reviziju koja je jako loša i pogodujuća, da tako kažemo, i onda kada izvođač radova uđe u radove, konstatuje se da se radovi ne mogu izvoditi. Takav je slučaj bio sa vrtićem, sa vrtićem Lužani. Raskinut je ugovor sa odabranim izvođačem i trenutno smo u fazi pokretanja, odnosno zaključivanja novog ugovora kako bi se

pristupilo rekonstrukciji ovog objekta. Mi smo već opštini Ilidža, još prije nego što sam ja imenovana za ministricu, prebacili određena sredstva, tako da sve što bude i nedostajalo, ja sam sigurna da će u jednoj agregiranoj stavci za rekonstrukciju na Ministarstvu za odgoj i obrazovanje biti osigurana dodatna sredstva. Pitali ste za broj uposlenika u Institutu za razvoj preduniverzitetskog obrazovanja. On je ostao isti kakav je bio i u ovom Budžetu za '23.godinu, dakle, nema povećanja. Pitali ste za komisije za nastavne planove i programe. S obzirom da, i podzakonske akte, s obzirom da je Institut zadužen za donošenje prijedloga. Međutim, koncept Instituta je takav da tamo ne može sjediti sabrana sva pamet u obrazovanju i da će itekako biti potrebno da angažiramo komisije kada konkretno pišemo nastavne planove i programe naravno da i po strukturi potrebno će, recimo, biti da u tim komisijama budu i predstavnici poslodavaca, kada govorimo o srednjim, stručnim i tehničkim školama, moraju tu biti, naravno, i nastavnici i druge struke, tamo onako kako se procijeni da je potrebno, ne mogu oni svi ni biti zaposleni u Institutu. Institut je više zamišljen da zapravo okuplja, dakle, i da na taj način kroz imenovanje radnih grupa, komisija, donosi adekvatne prijedloge, koji će potom krenuti u daljnju proceduru donošenja. Uvažena zastupnica Hašimbegović pitala je za stavku Upravni i Nadzorni odbor Instituta. Nalazi se zaista u Ministarstvu da odgoj i obrazovanje, jer ovo Ministarstvo zapravo obavlja osnivačka prava, da tako kažemo u ime Vlade Kantona i Skupštine Kantona nad radom Instituta, tako da je ova stavka bila tu posljednje 3 godine od kako se je govorilo o Institutu, ove godine je, dakle, tek zapravo Institut i krenuo sa radom, ona je još uvijek tu. Da li će se pokazati neka različita potreba da se ovo dislocira u Institut, to je možda i tehničko pitanje, s obzirom da je i Institut na razdjelu Ministarstva za odgoj i obrazovanje jer je ustanova iz oblasti odgoja i obrazovanja. Pitali ste za ja mislim da zapravo, vaše je pitanje bilo za komisije za nastavne planove i programe i Institut. Dalje, uvaženi zastupnik Pobrić pitao je za stipendije za učenike koji se školuju za deficitarna zanimanja. Mi smo ove godine imali najveći iznos za ove stipendije, on iznosi 500 000 konvertibilnih maraka i ovaj iznos je uvećan u Nacrtu za '24.godinu i iznosi 537 000 konvertibilnih maraka. Ovim programom moći će biti i dalje obuhvaćeni učenici 1. 2. I 3 razreda trećeg stepena, dakle svi učenici koji se školuju za određena deficitarna zanimanja. I ove godine smo uspjeli povećati iznos stipendije sa ranijih 1000 konvertibilnih maraka na 1300. Ova razlika će nam omogućiti da još dodatno razmotrimo povećanje eventualno ovog iznosa za novu školsku godinu od septembra sljedeće godine, naravno. Ovdje je iznos za nagrade učenicima koji se takmiče i koji osvajaju mjesta na međunarodnim takmičenjima i takmičenjima višeg nivoa. I ovaj iznos je povećan u Nacrt Budžeta. Vrlo sam zahvalna Vladi koja je utvrdila ovakav Nacrt, barem za ovu stavku, jesam sa ostalim stavkama. Naravno, svi imamo svoje ovaj dodatne potrebe koje ćemo vjerovatno od Nacrta do Prijedloga uspjati iskomunicirati. I ova stavka nagrade su, dakle, povećane. Ranije je bila u ovoj godini 120 000, a sada je 170 000. Pitali ste za udžbenike. Mi smo već uveli to kao jedan učenički standard, mi ćemo u ovom Prijedlogu budžeta tražiti kroz ovu tabelu jednu dodatnih sredstava, tražit ćemo dodatna sredstva za udžbenike. Naravno, nećemo kupovati ponovo udžbenike zato što su ovi udžbenici u vlasništvu škola, ali školama ostavimo mogućnost gdje su udžbenici oštećeni i trebaju biti zamijenjeni da zaista to mogu i uraditi. Trebati će nam manji iznos nego što je tu bilo u ranijim godinama. Govorili smo ranije o 4 000 000, o 2,5 milijuna. Ove godine nam neće toliko trebati, a treba reći da su izvjesna i sredstva sa nivoa Federacije u vidu transfera koji očekujemo da će biti transfer uplaćen do kraja ove godine, a da će se kao razgraničenje prenijeti u novu budžetsku godinu. Uvaženi zastupnik Kalem pitao je za projekte utopljanja škola u opštini Hadžići. Nosilac ove aktivnosti bilo je Ministarstvo za prostorno uređenje, tako da očekujemo da bi ovo mogao biti i tamo bi mogao biti nastavak ovih ukupnih napora da se sve javne ustanove, za nas posebno važne javne ustanove u oblasti obrazovanja, uključe u ovaj program, tako da vjerujem da će to biti prilika da kroz Ministarstvo za prostorno uređenje nastavimo razvijati ovaj program utopljanja zgrada, uključujući, naravno, i škole u Hadžićima, kako matične, tako i područne. Uvaženi

zastupnik Bandić pitao je da li smo poduzeli aktivnosti kako bi se predškolsko i osnovno obrazovanje integrisali na lokalni nivo u ovom budžetu, pozivali ste se na Povelju o lokalnoj samoupravi i na presudu Ustavnog suda. Sljedeći korak koji je potreban ovdje je donošenje Zakona o lokalnoj samoupravi i bez Zakona mi ne možemo direktno primjenjivati Povelju i presude Ustavnog suda, tako da mi trenutno se kod budžetiranja krećemo unutar postojećih zakonskih rješenja, a zakonska rješenja su sada takva da je odgoj i obrazovanje u skladu, na kraju krajeva i sa Ustavom Federacije Bosne i Hercegovine i Federacije Bosne i Hercegovine u nadležnosti kako predškolsko obrazovanje, tako i osnovno i srednje, u nadležnosti kantona. Iskreno mislim da tamo treba i ostati. Bilo bi jako neobično vidjeti jedan nastavni plan i program ili jedan učenički standard u jednoj opštini, na primjer u Opštini Novi Grad, a neki drugi učenički standard ili nastavni plan i program u, recimo, Opštini Ilidža. Dakle, to nije baš, bila bi jedna vrlo neobična situacija. Tako da do donošenja tog Zakona mi ćemo primjenjivati postojeći zakonski okvir i budžetirat ćemo sve stavke koje tu imamo. Naravno, vrlo pozdravljamo i dobro došle su svi transferi koje opštine ulažu kako bi poboljšali prilike za djecu, posebno u osnovnim školama. Smatramo to pohvalnim i dobrim načinom da i lokalna zajednica komunicira i unapređuje standarde za svoje učenike, odnosno za građane koji žive na određenoj opštini. Ja nisam zabilježila druga pitanja vezana za Ministarstvo za odgoj i obrazovanje. Hvala vam.

Vibor Handžić (dopredsjedavajući)

Zahvaljujem ministrici. I posljednji je ministar Kalamujić. Izvolite, imate riječ.

Afan Kalamujić (ministar)

Hvala. Samo da se kratko referišem na pitanje uvaženog zastupnika Vrete u pogledu publikacije Budžet za građane. To je definitivno jedna od mjera koje smo predvidjeli raditi u narednom periodu, a to je podizanje finansijske pismenosti naših građana i svakako mislim da bi jedan takav dokument itekako mogao pomoći u tome, te shodno kad završimo znači ovu fiskalnu godinu i tamo početkom naredne godine ćemo ići u izradu jednog takvog dokumenta. Hvala.

Jelena Pekić (dopredsjedavajuća)

Zahvaljujem ministrima i ministricama na datim odgovorima. Otvaram diskusiju. Nemamo nezadovoljstvo odgovorom kada je u pitanju rasprava o dnevnom redu, tako da molim vas da nezadovoljstvo odgovorom izrazite kroz svoju diskusiju.

Zastupnica Viteškić. Molim vas date riječ zastupnici Viteškić, odnosno upalite opremu. Hvala.

Smiljana Viteškić (zastupnica)

Zahvaljujem dopredsjedavajuća. Zahvaljujem ministricama i ministrima na odgovorima koji su nam dali. Ono što je odgovoreno ja sam uglavnom zadovoljna, s tim što moram napraviti, nažalost, mom dobrom ministru Osmanović jednu ispravku. Moja porodica nije šehidska. Glava naše porodice umro je nakon rata, nakon svih dana provedenih u Armiji Bosne i Hercegovine. Tako da evo, ne bih željela da po tom osnovu, bilo ko da me prozove bilo gdje. Znači, slažem se potpuno sa njegovim odgovorima i želim da što prije ostvari ovo što je naumio, znači da se napravi veteranska bolnica i ambulanta za posttraumatski sindrom. Ja sam imala jednu inicijativu na prošloj sjednici da se veteranske ambulante naprave, osim u četiri gradske opštine i Ilidže i u ostalim opštinama na području Kantona Sarajevo, što podrazumijeva Hadžiće, Ilijaš i Vogošću. Dobila sam malo čudan odgovor od Doma zdravlja, ali to nije važno, ja znam onaj da će se i oni, kad budu imali dovoljno kadra da će se potruditi da se takve ambulante otvore i u ovim opštinama koje sam napomenula. A dok se ne otvore i dok se nisu

otvorile, sigurna sam da su uposlenici svih službi u Javnoj ustanovi Dom zdravlja Kantona Sarajevo davali prednost svim borcima i svim veteranima koji su se obratili za pomoć u ovu ustanovu. Što se tiče odgovora ministra zdravstva, dr Hasanovića, slažem se s njim da sredstva za preventivne aktivnosti treba povećati, čak i u odnosu na ona iz 2023, koja su bila 2,5 milijuna u odnosu na Nacrt Budžeta 2024. i sada su 1 000 000. Ali bih ga zamolila u zadnje vrijeme imali smo nekih informacija da su sredstva za preventivne preglede uglavnom otišla u privatne zdravstvene ustanove. Znači, ubuduće, vjerojatno će i ova Skupština donijeti zaključak da se sredstva iz Budžeta Kantona Sarajevo prvenstveno troše u javnozdravstvenim ustanovama, tamo gdje je to moguće naravno, tamo gdje nije moguće, gdje imaju, gdje imamo deficitarnu uslugu ili usluge, da se onda tek troši na te usluge. Što se tiče ministrice za visoko obrazovanje, nije jedina koja mi nije odgovorila koliko je sredstava izdvojeno za Nacionalnu i univerzitetsku biblioteku. Nekako i u prošlom mandatu kad god postavim to pitanje, ne dobijem odgovor, ne znam zašto. Treba igrati otvoreno, zašto jer su 6 institucija kulture pri Ministarstvu kulture i sporta, redovno se finansiraju, a nekako ova sredstva koja se odvajaju za Nacionalnu univerzitetsku biblioteku Bosne i Hercegovine su nekako tajnovita ili se ne odgovori ili uvijek ima neki razlog da to ne saznamo, mislim, tamo ne radi, ne radi ni jedan, ni dva, ni tri čovjeka, tamo je 52 uposlenika koji su van financiranja. Već znate da to teško ide i sa državnog nivoa, imaju neki Grant sa Federalnog ministarstva i mislim da smo i mi dužni da im pomognemo, posebno zato što su jako zabrinuti za onaj budućnost svoje institucije, jer su se davno trebali vratiti u Vijećnicu koja je izvorno njihov prostor, a tamo se sad pravi Univerzitetska biblioteka, je li pa čisto pitaju šta će biti sa Nacionalnom i univerzitetskom bibliotekom. Hvala svim ministrima na odgovorima, a evo tu smo da radimo zajedno za boljitak svih građana Kantona Sarajevo.

Jelena Pekić (dopredsjedavajuća)

Zahvaljujem zastupnice. Zastupnica Hašimbegović.

Marijela Hašimbegović (zastupnica)

Zahvaljujem se dopredsjedavajuća. Prevažodno želim izraziti svoje nezadovoljstvo dobivenim odgovorima iz sektora Ministarstva financija, nisam dobila gotovo ni jedan odgovor, mislim da su ta pitanja bila vrlo važna. Ona se odnose konkretno na aktivnosti koje su poduzete po pitanju pondera, jer me je zanimalo šta je uvaženi ministar uradio, evo za ovo vrijeme od kako je on postao ministar, bez obzira na kratak vremenski period. Također, moram priznati da mi se nimalo nije dopao njegov odnos prema ovom Budžetu i radu na današnjoj sjednici, jer kako možete očekivati od nas zastupnika koji smo dobili ovaj materijal da se o njemu referiramo na jedan adekvatan i pozitivan način za samo 14 dana, kada uvaženi ministar nema gotovo nikakav odnos prema ovom dokumentu koji je ministar već, evo, gotovo 7 dana. Njegov hladan i rezervisan odnos da ovo nisu politike, njegove političke opcije uopće ne ostavljaju utisak ozbiljnosti rada, a čak ni povjerenja koji bi na neki način trebalo da uputi prema nama zastupnicima zato što je budžet toliko netransparentan i pun skrivenih agendi gdje mi treba sada da, na neki način, prosto rečeno, zamišljamo šta se krije iza ovih skrivenih stavki, jer pozicionirati neka važna pitanja, a koja su bila definisana u prošlom budžetu sa jako visokim iznosima, da ih sada tretirate sa gotovo 100 KM je apsolutno nedopustivo, ali isto tako razumijem da je to otvorena pozicija koja će se vjerojatno u vremenu javne rasprave i u vremenu kada budemo imali Prijedlog budžeta, na neki način mijenjati. Žao mi je, kažem, što nisam dobila te adekvatne odgovore. Također mi je žao što uvažena ministrica Hota-Muminović nije odgovorila na postavljeno pitanje koje se tiče povećanja plaća u obrazovanju, gdje sam također navela da izuzetno pozdravljam povećanje koja su se desila do sada. To je 5 % u mjesecu decembru i 55 KM koji će se desiti u januaru sljedeće godine. No, mene je

zanimalo da li se planiraju kasnije aktivnosti i saradnja sa Sindikatom obrazovanja po ovom pitanju? Nažalost, nisam dobila odgovor na ovo pitanje, ali vjerujem ipak da će Vlada zajedno sa premijerom i uvaženom ministricom prepoznati važnost ulaganja u obrazovanje i u podizanje standarda svih uposlenika u obrazovanju. Kada govorimo generalno o budžetu, budžet je ustvari prezentacija, trebao bi da bude prezentacija određenih vrijednosti kao što sam rekla kako je pun skrivenih agendi, možemo reći ono što ne piše i ne postoji i ono što ne postoji i neće se ni financirati i s tim u vezi je nama zastupnicima još teže referirati se prema ovakvom dokumentu. Uvaženi premijer je rekao da je ovo razvojni i djelimično socijalni budžet, ja bih rekla da nije ni razvojni ni socijalni, a programski, dakako, nije moje intimne želje su da uskoro u Skupštini Kantona Sarajevo vidimo programski budžet, jer programski budžet će onda taksativno objasniti stavke koje će biti potpuno transparentan i razumljiv i, srećom, Federalni zakon, odnosno Izmjene i dopune Zakona o budžetima će natjerati Skupštinu da do vremena '27.godine ipak kreiraju budžet na ovakav način, tj programski. I s tim u vezi se nadam da će u budućnosti ljudi koji će obavljati ulogu zastupnica i zastupnika ipak imati olakšicu po pitanju čitanja dokumenta budžeta. Budžet kreiramo na način projekcije onoga i realizacije koju smo imali jel u prošloj godini sa planom i vizijom šta želimo postići u narednoj godini. Po tom pitanju, ponovno bi željela reći da ne vidim gotovo nikakav koncept vizije, na osnovu čega se ovaj budžet koncipirao i s tim u vezi, da kažem, ne mogu podržati ovakav materijal zato što ne mogu ni da objasnim određene oblasti koliko će imati izvjesnih ulaganja u određenu situaciju. Recimo, kao što je pomoćnik uvažene ministricice Pečenković decidno objasnio koncept ulaganja za stavke koje se tiču iz oblasti socijalne zaštite, na čemu sam iskreno, vrlo zahvalna. Svojom diskusijom želim da potenciram i da podignem svijest o onome što donosi vrijeme javne rasprave i novi prijedlog budžeta, želim da podignem svijest, za mene, za vrlo važne oblasti kao što su kultura, sport, obrazovanje, naravno, zdravstvo i sigurnost naših radnika. Tako da želim ponovo istaći da ovo što je ponuđeno u ovom budžetu, što se tiče kulture je moram priznati, kao što sam i prošli put na prošloj sjednici rekla, za mene sramno, da se može izaći uopće sa ovakvim prijedlogom i želim skrenuti pažnju da budžet zaista mora voditi računa o tome da ako očekujemo da ćemo imati takvu percepciju vrijednosti koju treba da donesu kulture i sport i naše obrazovanje, da moramo biti spremni da uložimo u njihove osnovne uslove za rad, u njihove kapacitete i čitajući analitičke kartice svih institucija kulture recimo, može se primijetiti da uopće nemamo u planu, odnosno da nije planirano zapošljavanje novih lica, što je za mene apsolutno neprihvatljivo i ne znam kako možemo pričati o nekom razvoju i kako možemo uopće biti punih usta po onome što su sport i kultura, a biti tako retrogradni nazadni. Ja očekujem da će se ovi finansijski pokazatelji u Prijedlogu budžeta ipak popraviti i zasigurno ćemo se zadovoljiti čak i sa ovom situacijom koja je bila prezentirana u Budžetu u prošloj godini, jer moramo imati stavku koja će podržati njihova programska sredstva, naravno stavku za nova upošljavanja, gdje ne možete predvidjeti kada će ljudi naprosto umrijeti. Ono što je odlazak u penziju, to treba biti predviđeno, naravno, budžetom, tako da s tim u vezi se mora pružiti adekvatna podrška. Tako da očekujem u vremenu koje će donijeti javna rasprava i, naravno, Prijedlog budžeta i kroz amandmane koje će donijeti Klub Demokratske fronte mi ćemo dati potpunu podršku ne samo oblastima koje sam navela, već i cijelom budžetu. Međutim, moram reći da kroz ovaj prezentirani materijal ne vidim toliko prostora da se on može tako adekvatno unaprijediti, tako da sam sigurna da ću ostati suzdržana po pitanju glasanja ovog dokumenta. Toliko za sada, ostalo ću u drugoj diskusiji. Hvala lijepo.

Jelena Pekić (dopredsjedavajuća)

Zahvaljujem vam. Zastupnica Vujović.

Vedrana Vujović (zastupnica)

Zahvaljujem dopredsjedavajuća Pekić. Pa evo, ja sam pomno slušala i pitanja uvaženih kolega, ali isto tako odgovor uvaženih ministara i shvatila sam da je ovo jedan vrlo netransparentan Nacrt Budžeta i definitivno bez vizije. Podržavam diskusiju kolekcije Marijele jer je istakla vrlo bitne stvari, a to jeste da ovaj Budžet je definitivno ima, mogu reći, sakrivene programe i projekte koje će Vlada kroz Program utroška sredstava je li nekako više iskristalisati i precizirati. To je jedna stvar, a druga stvar je definitivno da ovaj budžet nije ni socijalni ni razvojni. Ja ću reći ponovo da je on bez vizije, jer mi kao što se može reći, usvajamo najprije Nacrt Budžeta, a potom program utroška sredstava, a istovremeno čujemo od strane i članova Vlade, a isto tako i pojedinih zastupnika mnoge kritike na sami Nacrt Budžeta. Kritike dolaze ne samo zastupnika koji čine opoziciju u Skupštini Kantona Sarajevo, nego također od zastupnika koji čine novu Skupštinsku većinu. I ja zaista u jednu ruku to i podržavam jer to daje jednu dozu ozbiljnosti. Ali čuti ovoliko kritika od strane ministara, bez obzira da li su oni prvi put u mandatu ili im je ovo treći ili četvrti mandat, zaista je neprihvatljivo, naročito s aspekta jer mi danas raspravljamo o najvažnijem dokumentu za narednu godinu. Također, moram istaći da ovaj budžet očigledno da ima velike manjkavosti, možda čak najviše u kontekstu odnosa prema mladima. Ja u svakom slučaju zahvaljujem se na odgovorima koje sam dobila, naročito od ministra Mijatovića, jer program koji ide na poticaj razvoja male privrede je zaista postoji, dosta novca se izdvaja, dosta novca je već samo ove godine uloženo u zaista sjajne stvari prema mladim ljudima. Za neki nove biznise, neke nove ideje i ja vjerujem da će svi ti poticaji koji sada već kreću u realizaciju kroz narednih par godina zapravo dokazati da mladi ljudi su kreativni, inovativni i da u njih zaista i vrijedi ulagati. Budžet koji je smanjen, konkretno za razvoj male privrede, umanjene za 2 000 000. Ja se nadam da će kroz prijedlog Vlada i resorno Ministarstvo uspjeti naći rješenje i da to ne bude postojećih osam, kao što je bilo za ovu godinu, nego da bude 10, da bude 12, jer zaista mi moramo ulagati u privredu, u nove biznise, u inovacije, u mlade ljude. Na taj način i ne samo dati podršku i motivaciju da pokrenu neki svoj biznis, nego jednostavno da oni postanu neovisni, da u početku da se krene u proces samozapošljivosti, da te male biznise razvijaju i da zaista imamo neko ozbiljno tržište realnog sektora u Kantonu Sarajevo, da sutra može biti konkurentno na tržištu EU kada je otvorimo i dugoročno postanemo punopravna članica EU. Moram reći da ovdje je zaista zanemareno ulaganje u braniteljsku populaciju, što je istakao i ministar, a isto tako i u resor socijale. To je po meni vrlo, vrlo poražavajuće, jer projekti koji su do sada rađeni treba ne samo nastaviti ulagati u to, nego i treba pojačati. Vrlo smo svi svjesni da boračka braniteljska populacija u Kantonu Sarajevo, ali i širom Federacije Bosne i Hercegovine, ne živi u tako divnoj da kažem nemaju možda kvalitetan, kvalitetan život, ako možemo reći tako dostojan čovjeka i zato njima na svaki način treba pomagati i treba omogućiti zaista da oni nastave svoj život dostojan čovjeka, a isto tako da ojačamo naš sistem socijalne zaštite. Mi smo ranije kroz proteklih nekoliko sjednica kroz izvještaje za '21, evo vidjet ćemo sad za '22.godinu i u planovima i programa mnogih, gotovo svih javnih ustanova socijalne zaštite. I vidjeli smo s kakvim problemima se oni susreću, pa čak smo i vidjeli, nažalost, zbog nemilih tragičnih događaja u Kantonu Sarajevo kako , zapravo, to je bio alarm da mi moramo ulagati i u sektor sigurnosti, ali prvenstveno u sektor socijalne zaštite i naročito zaštite porodice i djece zato što je to otvara se prostor za manipulaciju, a isto tako otvara se prostor za, nažalost, jedan negativan trend nasilja koji svakodnevno vidamo. Mi ovdje u Skupštini Kantona Sarajevo smo odgovorni za donošenje ne toliko politika, nego za donošenje zakona. I ja, evo, zaista koristim priliku da pozovem i sve zastupnike u Skupštini Kantona Sarajevo i članove Vlade da zajedno iznađemo dobra zakonska rješenja na način da unaprijedimo sve moguće sisteme u Kantonu Sarajevo. Ja vjerujem da to uopšte ne košta mnogo, ali da možemo određenim, boljim zakonskim rješenjima napraviti jedan, bar u određenoj mjeri za 10, 15 % u narednih godinu dana poboljšati kvalitet života građana, ali isto tako i naročito sistema socijalne zaštite. Kada govorim o obrazovanju,

vrlo sam razočarana odgovorima nove ministrice za nauku, visoko obrazovanja i mlade. Također razumijem da možda nije imala dovoljno vremena da se upozna sa radom Ministarstva, sa svim projektima koje je već Ministarstvo godinama implementira, ali opet očekujem da kada već dođete na sjednicu Skupštine Kantona Sarajevo, kada se raspravlja, ponovo naglašavam o najvažnijem dokumentu koji mi treba da usvojimo ove godine za narednu godinu, ja očekujem da i ministar i bilo ko, ko dođe ovdje od gostiju, da odgovara naša pitanja, da može zaista biti spreman. Postoje mnoge stvari koje ministarstvo već radi. O nekim informacijama smo mi, čak i kao članovi Komisije za mlade dobili informacije da će se realizovati u narednoj godini, ali nažalost, ja tu potvrdu ili bilo kakvu podršku nisam čula u ovom momentu od resorne ministrice i što meni izaziva jedan vid sumnje kako i na koji način će se i da li će se zaista ti određenih stvari u sektoru visokog obrazovanja, nauke i mladih zaista realizovati u narednoj godini. Ovdje ima. Zaista nisam dobila odgovor na pitanje od ministra komunalne privrede i kada su u pitanju stanovi za mlade. Znači, mi smo prije nekoliko sedmica, odnosno mjeseci ovdje diskutovali o jednom očigledno propalom projektu izgradnje stanova za mlade. Ja sam upitala da li je, da li će se otkočiti taj proces, da li će, da li će resorno ministarstvo preuzeti na sebe odgovornost i nastaviti taj projekat gdje je stao zajedno sa Kantonalnim stambenim fondom, međutim taj odgovor nisam dobila. Također, subvencioniranje mladih pri rješavanju stambenog pitanja, vrlo je mali je iznos svakako u startu, da kažem, izdvojen za ovaj, za ovaj projekat. Ovaj projekat se naziva višegodišnje kapitalno ulaganje. I ja, evo, voljela bi da se već u Prijedlogu budžeta zaista nađe i konkretan iznos od 5 ili čak 10 000 000, jer imajući u vidu da ovaj trenutni iznos koji je li Vlada preraspodjelom napravila iznos od 5,5, milijuna, ponovo će biti nedovoljan, evo imajući u vidu šta je ministar resorni rekao da je preko 1300, 1400 ljudi apliciralo na javni poziv. Tako da u Sarajevu, definitivno u Kantonu Sarajevo ima interese i treba postojati takav jedan program i potrebno je mnogo više ulaganja u taj jedan, u taj sektor. Što se tiče stipendiranja, ja zaista, evo, nažalost, moram reći da primorani smo da čekamo Program utroška sredstava koji će se desiti u narednih, eventualno mjesec ili dva, odnosno mjesec dana nakon usvajanja Budžeta Kantona Sarajevo da vidimo šta će to i kako će Vlada realizovati ovaj budžet. Ono što je moja kolegica Marijela istakla jeste da ovaj Budžet definitivno nije programski, da treba biti programski. Ja razumijem da je došlo do smjene vlasti i da smo kada smo usvajali budžet u suštini i za ovu u godinu imali gotovo istu situaciju da je Budžet predložila neka stara vlast, a da ga je usvojila neka nova, nije se radio rebalans, sada smo ponovo u istoj situaciji i ne mogu da se ne zapitam kako će uopšte Kanton Sarajevo u narednih, evo godinu dana, ako je ovakav Nacrt uopće funkcionisati kada imamo jedan Nacrt iza kojeg apsolutno ne stoji ova nova Vlada, iako, ako mogu reći, više od 70 % ministara su isti ljudi. Apsolutno je neprogramski i to je sigurno bez vizije, ali isto tako moram reći da ovo treći ministar financija samo ove godine i ja zaista ne vidim uopće da li Vlada Kantona Sarajevo u ovom mandatu ima uopće neku određenu, ja kažem viziju, smjernice kako i na koji način će realizovati ovaj budžet, jer su ostala mnoga neodgovorena pitanja. Čini mi se da su i sami ministri ostali sa određenim upitnicima iznad glave kako će uopće realizovati ovakvu jednu stvar, u svakom slučaju, ja bi voljela da Prijedlog budžeta koji kada prođe javnu raspravu bude zaista jedan kvalitetan materijal koji će podržati cijela Skupština, ali bojim se da, bez obzira koliko trajala javna rasprava, taj dokument neće biti toliko kvalitetan jer opet je mali vremenski period da se novi ministri, ako mogu tako reći, uđu u fazon i da mogu očigledno kvalitetnije odgovoriti zadatku na koje su izabrani. Ja toliko za prvu diskusiju, ostalo ću u drugoj. Hvala lijepo.

Vibor Handžić (dopredsjedavajući)

Zastupnik Selmanović. Uključite, zastupnika Selmanovića.

Faruk Selmanović (zastupnik)

Zahvaljujem predsjedavajući. Ja ću svoje izlaganje početi sa jednim citatom pokojnog prof. Miličevića, sud je Ustavnog suda i predsjednika Ustavnog suda Federacije, obzirom da ova Vlada voli da se druži sa Ustavnim sudom Federacije. Pa pokojni profesor kaže: "Bitno je imati znanje i poznavat stanje". Vidite evo u izlaganju ovdje koje smo imali za Nacrt Budžeta, ja o znanju neću da komentarišem, imaju tu naši građani, vide, pa nek on sami ocijene. Međutim, u poznavanju stanja dovoljno govori činjenica da ministar je izašao i rekao da nije upoznat sa Nacrtom Budžeta. A ja ću reći u najmanju ruku da je to nekolegijalno, jer ako smo mi mogli da se upoznamo, mislim da je i ministar čiji je ovo resor trebao da bude upoznat i da nam dadne neke odgovore koje smo, na pitanja koja smo postavili. Pazite, kaže kapitalna ulaganja 625 miliona konvertibilnih maraka, od čega imamo 76 miliona domaćih zaduženja i 517 miliona ino kredita. Mislim da je to do sada najveće zaduženje koje je ovaj Kanton vidio i da je ministar trebao to ovdje da nam malo pobliže, objasni kako i na koji način to planira realizovati. Pazite, kaže da će biti realizacija u 2024. godini 517 miliona kapitalnih ulaganja. To se do sada nije desilo. Moje pitanje je bilo da nam kaže koliko je to do sada urađeno? Nismo dobili odgovor, vjerovatno ministar nije kad da pročita Nacrt Budžeta, pa tamo u Budžetu kaže, nećete vjerovati, piše 35 miliona je realizovano u 2023. godini. Ako planiramo za slijedeću godinu da to bude i 517, to je povećanje preko 1300 %. Pa ovdje viša matematika nema nikakve logike. A evo mene su pitali kako ja brojim na početku sjednice, ja bih onda volio pitati ovdje kakva je ovo matematika kad imamo povećanje od 1300 posto? Šta će se to desiti u slijedećoj godini pa ćemo moći povećati realizaciju za preko 1300 %? Nismo bili u stanju ove godine da realizujemo 35 000 000, odjednom realizujemo 517 miliona. Ako imamo tako mali procenat realizacije, meni interesuje zbog čega se zadužujemo dodatno sa 75 000 000 kod domaćih banaka. Šta je razlog tih kredita? Pazite, pričali smo, evo, kolegice su ovdje nekoliko puta spominjale programski budžet. Ja ne znam, ja se nadam da su građani imali priliku da vide program ove Vlade, Vesela sveska ima više stranica nego program, tako da onda budžet ne može biti programski. Ja bih volio, evo, da ministri ovdje koji su prisutni i premijer u modernom parlamentarizmu ima nešto što se zove kontinuitet vlasti. Pa je prethodni premijer obećao da će riješiti zagađenje Sarajeva i stvarno ga je riješio, mi smo broj 1 u Svijetu. Eto, bar smo negdje došli na listu broj 1, po zagađenosti. Evo, prošlo je, ovo je treća Vlada, mi još nemamo program kako riješiti zagađenog zraka u Kantonu Sarajevo. Nemamo u Nacrt Budžeta, nemamo koji su to projekti koji bi riješili ovaj problem. Imali smo prethodnog ministra privrede koji je obećavao izradu fabrike za proizvodnju paleta, pa evo, prođu otad ihihi vremena, niti ovaj proizvodnje, niti paleta ima u Kantonu Sarajevo. Obnovljivi izvori energije, solarni paneli, to je nešto što je in i vrlo popularno u svijetu, jedini Kanton u Federaciji koji nije regulisao tu oblast. Transverzale, longitudinale. Ništa se ne dešava. Pričamo o zdravlju. Ni jedan projekat nema o prevenciji bilo kojeg oblika prevencije, obrazovanju, edukaciji da učimo našu djecu u obdaništima, srednjim školama, u osnovnim školama o prevenciji, jer kažu prevencija je pola zdravlja. Poticaj za privredu. Ako pogledate, to je fino, lijepo napisano, ali nemamo stvarni poticaja, mi nemamo poticaja za one segmente privrede gdje se Kanton Sarajevo može dokazati u izvrsnosti? Gdje možemo biti broj jedan, gdje doista možemo doprinijeti razlogu, gdje možemo doista doprinijeti razvoju Bosne i Hercegovine? Mi ovdje imamo poticaja za privredu, eto, čisto tako zbog poticaja. Obrazovanje. Da bi imali jednog doktora, specijalistu potrebno je vrijeme i vrijeme i vrijeme, a imali smo na prethodnim sjednicama izvještaje i Domova zdravlja i bolnica i kliničkih centara, gdje svi govore da imaju deficit kadra. Mi opet nemamo u budžetu plan za edukaciju. Ko će nas liječiti, ko će brinuti o nama, ti se kadrovi ne mogu kupiti, ne mogu se uvesti. Planirano 512 ulaganja u infrastrukturne projekte. Neko od kolega ovdje pitao da mu se dostavi izvještaj, koliko je toga pripremljeno u dokumentaciji, projektima, građevinskim dozvolama, eksproprijaciji. Nemamo tu informaciju, pričamo jednu lijepu priču bez konkretnih i egzaktnih podataka. Projekat

Univerzitetske biblioteke je projekat star, pa evo sad već 10 godina. I ministrica je ovdje rekla znate, to su višegodišnji projekti. Znači ono što ste nam ponudili u ovom planu su reciklirani projekti. Projekti koji nisu do sada realizovani i kako da očekujemo da oni baš budu realizovani u 2024 godini. MUP-a, opremanje pripadnika MUP-a. Evo, vidjeli smo u drugim Kantonu da to može i kako se to radi i mi u Kantonu Saraje još uvijek to nismo vidjeli. Nemamo tačne projekte, nemamo egzaktne planove. Lijepo to zvuči, stvarno lijepo zvuči evo kupovina tog helikoptera, evo, čekamo je već, evo ovaj godinama, pa nadam se da ćemo ga do sad i kupiti. Nema projekata za modernizacije zdravstva, mi imamo taj famozni put pacijenta o kojem stalno pričamo, pa evo ovo je već druga, odnosno treća Vlada u kojoj ništa nije urađeno po tom pitanju. Kako da se olakša pristup zdravstvenim institucijama? Ono što vidimo vrlo često jeste da umjesto umjesto da ulažemo u naše zdravstvena institucija, Kanton Sarajevo je jedan od rijetkih kantona koji ima razvijenu i primarnu i sekundarnu i tercijalnu zdravstvenu zaštitu, mi novac dijelimo privatnim institucijama. Ako pogledate budžet i za socijalu je jako malo. Nemate stvarne programe za rješavanje socijalnih pitanja. Pazite, šta tu ovdje u ovom budžetu, odnosno Nacrtu Budžeta, imamo za naše RVI, za civilne žrtve rata? Još uvijek čekamo odgovor od prethodnog ministra kako je utrošeno 300 000 konvertibilnih maraka za 2 proteze za RVI. Nikad nismo dobili. Tamo je bilo navedeno da je to bila donacija, pa onda odjednom je to plaćeno opet privatnoj firmi. Ako detaljno pregledate ovaj budžet, stavku po stavku, možete vidjeti da nema senzibiliteta za one koji su najugroženiji, a nivo razvoja jednog društva se upravo ogleda kako se to društvo odnosi prema onima koji su u najvećoj potrebi. Šta onda to govori o nama? Šta onda to govori o ovoj Vladi koju predlaže ovaj budžet i o Skupštini koja će usvojiti jel Nacrt Budžeta? Pazite, u samom budžetu, nemate ništa o podizanju nataliteta, o pomoći, kako i na koji način pomoći roditeljima da zasnuju porodicu, ali nemate ni o brizi za građane u trećoj životnoj dobi. Imate nešto opštinama, po nivou opština, ali ništa konkretno i nikakav projekat. Pazite, to su ljudi koji su svoj životni vijek proveli u ovom Kantonu, doprinijeli razvoju ovog kantona, većina njih su veterani ovoga rata. Nemamo programe za njih. Ništa nije urađeno za djecu u produženim boravcima, iako je bilo više inicijativa. Nema plana, nema prijedloga, nema novca u budžetu. Što je urađeno za djecu sa posebnim potrebama? Nema posebnih stavki u budžetu za njih. Pazite, ovdje je premijer u svom izlaganju naveo da neće vjerovatno biti novca za porodilje. Znači, to je bila jedna fina priča pred izbore, poslije izbora, kada su prešli izbori kaže to ćemo prebaciti smo prebaciti na neki veći nivo. Ako smo ljude uveli u pravo, taj novac se mora obezbijediti. Ako pregledamo kompletan budžet, ja neću ovdje uopšte opet govoriti o znanju prilikom kreiranju tog budžeta, ja ću ostaviti građane da to ocijene, ali stvarnog poznavanja na terenu nije bilo. Najveću cijenu ću za ovo platiti opet Kanton, građani i svi mi koji ćemo vjerovatno dogodine opet pričati o smanjenju zagađenja, o naknadama za porodilje, o tome kako ćemo izgraditi Univerzitetsku biblioteku, kako ćemo raditi neke longitudinale, transverzale, a imamo dijelove Kantona Sarajevo koji i dan danas nemaju pitku vodu, koji nemaju asfalt, ali najtužnije, ima novca u budžetu, ali taj novac nije utrošen, odnosno ova Vlada nije znala kako realizovati projekte koje je napisala na papiru. Uspješnost jedne Vlade cijeni si je po dvije stvari, sposobnost da planira i sposobnost da realizuje ono što je planirano. E sada, gospodo, zdravlja ili niste dobro planirali ili ne znate da realizujete. Znači, imamo ovdje dilemu. Pod a) ne znamo planirati, pod b) ne znamo realizovati ili je možda pod c) sve od onoga gore pobrojanog. Žao mi je što nismo dobili adekvatne odgovore koji su postavljeni, na postavljena pitanja i žao mi je što nisu nam ovdje ministar tačno obrazložio zbog čega nije realizovan dio sredstava, odnosno veći dio sredstava. Nažalost mislim da je ovaj budžet samo jedna lijepa lista želja, ionako to lijepo izgleda da sa recikliranim projektima, sa nekim stavkama koje znamo sami da neće biti realizovani, a Kanton Sarajevo će se dodatno zadužiti. Ukoliko pogledate stavke za zaduženja, samo u narednoj godini će Kanton Sarajevo platiti 15 miliona konvertibilnih maraka više kamata. Zbog čega, ako ni jedan projekat do sada nije realizovan? Toliko za sada. Sljedeće u sljedećoj diskusiji.

Vibor Handžić (dopredsjedavajući)

Zastupnik Faruk Kapidžić ima riječ, izvolite.

Faruk Kapidžić (zastupnik)

Zahvaljujem. Malo će mi biti neobično diskutovati bez predsjedavajućeg Okerića jer me neće prekinut. Ali dobro, pokušat se snaći. Ovaj, mi smo dobili ovaj Nacrt, prijedlog, ne znam kako bi nazvao Budžeta i već sam u pitanjima postavio premijeru zašto je toliko žurio sa tim budžetom, dakle, ovaj Nacrt očito nisu formirali, nisu učestvovali ključni ministri. A ovaj, pa nisu ni upoznati u većini stvari, tako da je bilo bespredmetno postavljati pitanja, jedino adekvatno je pitanje bilo čemu tolika žurba, jer mislim da se nacrt odavno nije pojavio ovako rano i po planu i programu trebao bi se možda usvojiti do kraja ove godine, što bi trebalo biti normalno, a uvijek se usvajao u martu, u aprilu itd. Dakle, budžet je budžetiranje, planiranje iduće godine. Građani možda ne znaju, ali to je pretpostavka para koje nemamo još uvijek i koje će da dolaze tokom godine i da pune taj budžet i da se na osnovu toga odvijaju određene stvari u Kantonu. E sad, to se planira tako što se dobivaju inputi sa državnog nivoa, oko zaduženja sa federalnom, oko prihoda o prihodovanju od prošle godine itd i sa Kantonalnog nivoa, odnosno općinskih nivoa, sve iz toga što je bilo prošle godine, pa taj presjek, pa se onda uzima i, pretpostavlja se budžet za iduću godinu. Po prvi put, ovo vam je prvi budžet famoznoj trojici u Kantonu Sarajevo nakon pet, šest budžeta da ga sastavljate kada imate vlast po vertikali, od vrha do dna, prvi put se ne možete vaditi na neke loše procjene, gore, dole sa Federacije, na Fadila Novalića, itd ,na taj strašni režim koji je vladao godinama i pustošio sve živo. Sad imate, vi ste sada od vrha do dna i dobili smo Nacrt koji je od vaših pet, šest do sada budžeta najveće remek djelo u negativnom smislu, naravno. Mi smo sa prošlog budžeta od milijarde i 400 miliona, gdje ste se hvalili o najvećem budžetu ikad itd, sad smo smanjili budžet na milijardu i 200 miliona, otprilike znači za nekih 200 000 000 pozivajući se na ponder za koji kažete da će, ne zna se tačno, ali da će se kretati umanjeno prema Kantonu između 50, 60, 70 miliona, maksimalno do 100. E sad se postavlja pitanje zašto je ovaj Budžet manji za još 100 miliona. Ako kažete da će ponder izaći do 100 000 000 manje od Federacije se oprihodovati, zašto onda još 100 000 000 manje? Ako ste, ako je ista politička opcija usvajala prošli budžet, pa usvaja ovaj sad, pa je 100 000 000 manje, a nije se desio rat ili neka druga opšta nepogoda ili neka ekonomska izolacija ili neka blokada od strane svijeta ili ne znam koga, a vi slobodno kažete da će biti manji za 100 000 000, onda vi javno kažete da vi niste zapravo sposobni i u neku ruku da nije ni vama jasno za što vas građani biraju. Jel ono maksimalno što ste mogli u radu to je da ostavite na nivou prošlogodišnjeg budžeta umanjeno za taj ponder od 60, 70 miliona. To bi se moglo reći da je ok, međutim ovako vi govorite da ono što ste digli prošle godine budžet, da niste uspjeli realizirati ni 10 % od toga i da vi sada za iduću godinu ni ne možete pretpostaviti ni blizu taj budžet, nego mora biti manji. A onda će se možda desiti, kao što se desilo za taj prošli budžet kada je od nacrtu do prijedloga se izmislilo 300 miliona. Dakle, ako ste to i sad mislili da radite, onda je to jel već prošao fazon i znamo dobro što radite, skrećete budžet manji, sva ministarstva se povuku na minimalno što može i boračko, evo boračkoj je 20 %, čučnulo i druga, a onda dodate iznenada, dodate 200, 300 miliona i dignete one stvari koje vas interesuju. To što vas interesuje, vidimo i u ovom budžetu, vrlo je upitno, vrlo je upitno i mogu izvući mislim, o njemu se ne isplati pričat po detaljima, ali mogu izvući samo radi slike. Dakle šta znači u Ministarstvu saobraćaja u kome eto ne piše ekonomski kod izgradnja tramvajske pruge za Hrasnicu 87 349 800 KM, 88 000 000 pruga koja je kraća od pruge ove ovdje što je bila, a nemojte da spominjete da je ovo ovdje bila rekonstrukcija, ovo je bilo de facto nova izgradnja, izuzev, izuzev naponske mreže koju su ostavili istu. Znači onaj ugovor je, što mi znamo, završio na 40, 41- 2 miliona, a sada javno govorite da će ovaj koštati 87 miliona. Dakle, jasno nam je da je na onom ugovoru dogovoreno samo i dalje skrivate,

nećete moći od Tužilaštva skrivati, jednog dana će to izaći na vidjelo, skrivate nekih 30, 40 dodatnih miliona, a ovdje već otvoreno kažete da će biti 87, pa će po tom planu završiti na 120 bar, a pri tome onda teško je za objasniti da u toj informaciji koju dajete da je to zaduženje ino kredita EBRD 25.000.000,00 EUR za prugu za Hrasnicu i onda tu pišete da je u realizaciji dodatnih 5.000.000,00 EUR. Šta ovo znači? Znači niste otvorili gradilište, niste uveli izvođača, niste udarili ekser na toj pruzi, a već vam fali 5.000.000,00 EUR. I već tražite od EBRD-a da vam dadne. Ja ne razumijem ovo, za šta tražite, za istu stavku već tražite, niste ni krenuli graditi. Znači ovo je u budžetu, ovo je mala, sitna stvar, ovo je takvo brutalno zaduživanje Kantona bez mogućnosti da vi možete realizovati 10 %. U tom smislu sam ja i kada sam bio ministar, pa prvo kada sam se upoznao kako ovo funkcioniše, prvo što sam tražio u budžetu tražio sam kolonu koja fali, a to nikad nitko neće da dadne, pa ni Vlada u kojoj sam ja bio, ni ta skupštinska većina nikad, a to je kolona između kolone na početku gdje piše Budžet Kantona za 2023 i Nacrt Budžeta za 2024., Fali kolona koja će biti realizacija po stavkama, realizacija tih za '23. Ako bi vi stavili i ako bi neka politička partija bila spremna da ubaci tu kolonu i da stavi tu realizaciju, onda se može reći da ćemo krenuti naprijed s ovim Kantom. Zašto? Zato što ta stavka pokazuje zapravo za šta je dato 1000 maraka, da li se potrošilo 1000 maraka ili 10 maraka, da li je napravljen rebalans sa te stavke, pa sad uzmite stavke od 25 miliona, od zaduženja 50 miliona itd, pa uzmite realizaciju. Vidjeli bi katastrofu, u ovom slučaju svoju katastrofu. U prethodnim vladama bi bile vjerojatno prethodnih Vlada katastrofa. Jel od planiranog do realizacije to što ste vi u istoriji Kantona napravili najveći budžet prošle godine, sa najvećom količinom kredita zaduženja, to ne znači ništa, izuzev populizam koji jadni građani ne znaju i ne razumiju. Ja kada čujem, usvojili smo najveći budžet u istoriji i neko aplaudira tome, pa to je tako smiješno, a pri tome iz ovog budžeta ne vidi se nijedna politika, politika, koju hoćete da sprovedete, kada uzmete po ministarstvima: Ministarstvo pravde i uprave nek mi neko kaže iz budžeta gdje će se raditi u Ministarstvu pravde i pravo za slučaj Dženan Memić, ubistvo i slučaj Đana Gadžun, na koji način. Ministarstvo saobraćaja nek mi pokažu negdje gdje će se raditi garažu u mirovanju, gdje to pokazuje. Znam, Vibore, isteklo je vrijeme, hvala, ne moraš me prekidati, čao.

Vibor Handžić (dopredsjedavajući)

Predviđate mi korake, svaka čast. Zastupnik Šaljić je sljedeći, izvolite.

Jasmin Šaljić (zastupnik)

Hvala predsjedavajući. Kroz moja pitanja mogli ste vidjeti u kom će pravcu ići i diskusija. Evo, iskoristit ću priliku pa ću dati neki odgovor uvaženoj ministrici Darji vezano za Televiziju Sarajevo i uposlenike i plate i koeficijente, itd. Vi ste danas dobili dopis od Sindikata Televizije Sarajevo i vi i premijer Uk i svi mi zastupnici. Tako je ovdje naslovljeno, znači ispred Vijeća uposlenika Javnog preduzeća Televizija Sarajevo Armin Gabela, Sanela Kapetanović, Adisa Torlak, Muamer Jakubović, Nedim Selimović. Sindikalna organizacija JP TVSA Emir Šarac i dopis znači premijeru i nama zastupnicima. U ovom dopisu, evo, ja mogu da vam pročitam stoji ono kako sam ja rekao da plata nije povećana 17 godina, a to je i potvrdila direktorica, ne znam jeste li bili na prošloj Skupštini, ja sam je pitao da li je tačno da 15 godina nije povećana plata, ona kaže ne, nego 17 godina nije povećana plata. Reagovala je promptno na dodjelu ovih sredstava od što je Vlada odobrila 300 000 maraka. Pozdravljam tu njenu odluku. Podijelili su to po 550 maraka za svih 120 uposlenih i oni ovdje vama traže 450.000 maraka povećanja za TVSA, isključivo grant za plate, još ponešto su nabrojali, ja ne znam, možda niste ovaj dopis imali, evo ja ga imam ispred sebe. E toliko o TV Sarajevo, nadam se da ćete vidjeti i za ta reportažna kola, jer ona prezentuju nekako nas kao osnivača. Ja kao opozicioni zvaničnik nemam ni jedan razlog da TVSA da se za njih borim, mi imamo 20% vremena, 80% ima

pozicija, ali tamo su radnici, tamo 120 radnika ima, to je stvar menadžmenta, jednom će doći vrijeme da politika da neće plijen biti Televizija Sarajevo i preduzeća. E, sada da se vratim na ovaj Nacrt Budžeta. Ja kao zastupnik nemam namjeru da otežavam vama koji kreirate budžet, moj posao nije da otežavam, ako mogu da olakšam, olakšat ću, ako ne mogu ja ću da se sklonim, ali imaju stvari koje vidim i koje ne mogu da ne reagujem jer to mi je dužnost, po pitanju budžeta za Ministarstvo boraca, Ministarstvo zdravstva i Ministarstvo bezbjednosti. Ja neću da kažem da druga ministarstva nisu važna, svakako je važno, jer zato smo ih formirali, zato i postoje ali je na ova dva ne isplati nam se da pravimo uštede. Ne isplati nam se nikako. Sa uštedama ćemo napraviti samo štetu, ne možemo od zdravlja i zdravstva uzimat da bi nešto uštedjeli. Ne možemo ni na bezbjednosti. I tu je i boračka populacija. Tu sam govorio i dok sam postavljao još i pitanja. Znači, meni je neshvatljivo da možemo od ljudi, demobilisanih boraca koji su bez zaposlenja, koji u tom periodu primaju tu naknadu koja iznosi 5 maraka po mjesecu provedenu u Armiji Republike Bosne i Hercegovine, da ona može doći u pitanje. To su sad više ljudi, nekad momci od 18, 19, 20 godina koji su dali svoje zdravlje, neki živote, dijelove tijela. Uskraćeno im je školovanje. Znači, znate kako je bilo poslije završetka rata, nije bilo posla, nisu mogli da se školuju i sad pogledajte u neke godine dođe u situaciju da i to bude problem, naknada ako imate puni iznos 270 maraka. Znači ako ste bili 4 godine u Armiji. I da će doći, ne znam neki 1,5 da će za tu kategoriju da nedostaje, recimo. Pa kakvu poruku šaljem mi tim ljudima, to je ponižavajuće. Kakvu poruku šaljem ovim mlađim naraštajima? Šta sutra ne dao Bog, jel bolje za Njemačku ili, ko će braniti državu? Da dođe neka Skupština i kaže da je u pitanju naknada od 5 maraka mjesečno. Ja predstavljam boračku kategoriju, zamolio bih vas da imate obzira vi koji kreirate budžet, nađite na drugom mjestu. Budžet Ministarstva za boračka pitanja u najmanju ruku mora da bude kakav je bio. Omer Osmanović, čovjek radi dobro svoj posao i više nego dobro, na stalnim je obilježavanjima, mnogo je tih manifestacija. Trudi se da dođe, da bude prisutan. Znači, ja nisam dao glas Omeru Osmanoviću, ali ja moram da kažem ja imam obraz i oči. I ne možemo od te populacije, neko kaže pa ima tamo, kaže Fond Memorijala ima i on. I Fond Memorijala treba da ima fond i ja sam promijenio mišljenje, mislio sam u početku da Fond loše radi, kako vrijeme ide, Fond Memorijala radi također dobar posao. Imamo novog ministra zdravstva. Hoćemo li mu pomoći ili ćemo istoga sabotirati u startu? Znači, i njemu je manji budžet? Kako će, kako će on ući u neke reforme? Evo, vidim i čovjek od starta pokušava nešto, neke korake da pravi, ako mu smanjimo budžet za. Svi znamo kakvo nam je ambulantno liječenje, kakvi su nam domovi zdravlja, kako ćemo s manjim budžetom, ja ne znam ima li neko čarobnjak. Budžet je manje 200 000 000, 100 000 000 zbog pondera, a 100 000 000 dobio sam objašnjenje od Komisije za finansije zato što se ovu godinu ne ide, nije donesena odluka da se ide u zaduživanje. U redu. Ovo sad govorim zbog građana, nije lako kreirati budžet i napraviti budžet, ko god da ga pravi, da ga pravim evo ja i bilo ko nas ovo gleda. On mora da predvidi plate, to je pola budžeta, mora, kapitalne izdatke, započete projekte, dugove, banke, što ostane između 10 i 15 % na raspolaganju. To je neki 100 do 150 000 000 maraka. Ljudi misle, kaže ima Kanton gore milijardu i pol. Evo kako milijardu i pol, ostane 10 %, da se može nešto intervenisati, da se može ovaj, jel smo u takvu situaciju, Kanton je ustvari u takvoj situaciji, oko 500 000 000 maraka ima duga sa kamatama. Kako ćemo naći i gdje? Ako hoćete, ja mogu dati prijedloge, ali pošto je nacrt, ja znam da ćete vi i da se u Nacrtu uvijek kalkuliše. Nacrt je ustvari otprilike ja imam iskustva dosta sa budžetima, to je ispipavanje pulsa, znači ispipavanje pulsa. Ko god prihvati u nacrtu, dobit će u prijedlogu. Znači i vi iz boračkih organizacija, udruženja znači, upamtite, ako gledate, ako pristanete, da vam je 32 000 000 u Nacrtu, dobit ćete 32 miliona i u prijedlogu, ako vam je dobro, u redu. Moje je da kao zastupnik skrenem pažnju da se izborim za prava nas pripadnika te populacije, ali nam treba podrška i vas sa terena. I u raspravama šalžite dopise, šalžite na Vladu, šalžite zastupnicima na Skupštinu, prava svoja moramo sačuvati. Ovo je sve dionice pripadnika Armije Republike Bosne i Hercegovine koji su dali dobrovoljno, kako su dali, tako mogu i da

uzmu. Znači sve što se da, može i da se uzme za jednu noć, ovako. Odnos ovaj je neprihvatljiv, ja dajem punu podršku ministru Osmanoviću. Probajte da iznađete do Prijedloga Budžeta da se ove stavke i da se ljudi ne sekiraju. Nećemo još, treba da dozvolimo da se liječimo SMS porukama. Što se tiče bezbjednosti ni tu ne može da se štedi. Znam, lako je pametovati, ne znam, ali pronađite na drugom mjestu. Ne možemo štediti na bezbjednosti, ne možemo štediti na našoj imovini, na našoj bezbjednosti ličnoj. Čemu svrha? Šta treba nam ministarstvu unutrašnjih poslova? Evo, vidite, spominju taj helikopter 5 godina. Dajte više kupite taj helikopter, evo ja ću vam dati glas za helikopter. Eto, ali ga jednom više kupite, 5 godina i stalno se te pare provlače za helikopter i nema ga. A helikopter treba, ja znam, ja sam se lično uvjerio šta znači helikopter to je pitanje života i smrti, bilo u saobraćaju, bilo u urbanim sredina, a da ne govorim kako je to izgledalo nekad. Pa evo da ga jednom više kupimo, eto 5 godina. Svake je godine stavka budžet helikopter, servis, helikopter, nikad helikoptera čovječe. I žao mi je što nisam jutros, zakasnio sam, da sam došao ranije, zamolio bi predsjedavajućeg Skupštine, nismo se oglasili kao zastupnici, nismo stali u zaštitu gradonačelnice Karić. To je naša dužnost bila.

Vibor Handžić (dopredsjedavajući)

Moram vas pitati, da li govorite u ime Kluba pošto vam je isteklo vrijeme? U ime kluba, OK.

Jasmin Šaljić (zastupnik)

Ok, hvala. Znači nismo se, žao mi je, privatno sam zakasnio ja također, gradonačelnica Karić nije iz moje političke partije, nasuprot mi skroz suprotni, dva svijeta, ali ona je moja gradonačelnica, ne može neki je došlo doći i vrijeđati, slati poruke neprimjerenog sadržaja, uznemiravat gospođu Benjaminu Karić, ona je legalna gradonačelnica. Žao mi je, što nismo to mi kao Skupština, to ide na naš obraz. Ja ne znam koji je taj Kapiri, on je za mene i ko Fačo, ako ste mogli Faču zbog uznemiravanja privesti, procesuirati i pustiti, privedite, procesuirajte, i tog kabadahiju, kako već ime, je taj Kabir i pustite. I poručujem gradonačelnici da ima podršku, evo ja sad mogu reći vjerovatno i vašu, govorim sada u svoje ime, moju na raspolaganju po bilo kom osnovu, po bilo kom osnovu, ako je bude trebala i pravna i fizička, kakva god joj bude trebala pomoći. E, hvala, izvinjavam se sve što sam iskoristio momenat jer nije bila tačka dnevnog reda vezano ovo za Karić gradonačelnicu.

Vibor Handžić (dopredsjedavajući)

Repliku ima zastupnica Vujović. Izvolite.

Vedrana Vujović (zastupnica)

Zahvaljujem dopredsjedavajući. Evo, ja ću iskoristiti priliku da podržim diskusiju kolege Šaljića, naročito drugi dio i evo, Klub Demokratske fronte u svakom slučaju pruža podršku gradonačelnici Sarajeva, iako ovo nije tačka dnevnog reda, ali evo, možemo zajedno jednim zaključkom Skupštine Kantona Sarajevo nakon glasanja o Nacrtu Budžeta da takvu jednu stvar zaista onako zajednički donesemo. Smatram da je zaista neprimjereno po bilo kojem osnovu vrijeđati instituciju gradonačelnika Grada Sarajeva, naročito našu Benjaminu Karić, prvenstveno iz onih redova koji su očigledno dokazani neprijatelji Bosne i Hercegovine. Hvala lijepa.

Vibor Handžić (dopredsjedavajući)

I ja podržavam gradonačelnicu Karić, ali nemamo proceduralne mogućnosti da donosimo zaključak o drugoj temi na tački dnevnog reda Nacrt Budžeta. Zastupniče Bandić izvolite.

Muamer Bandić (zastupnik)

Evo, ja sam imamo nekoliko pitanja za imao sam nešto za premijera, nije mi odgovorio. Nešto, ministar Šteta je odgovorio vrlo paušalno, nisam baš zadovoljan tim odgovorom pa ću u diskusiji se osvrnuti na to. Ja sam postavio pitanje premijeru kako bi mogli da definiramo ovaj Nacrt Budžeta, da li je on razvojni ili socijalni? Nisam dobio odgovor. Po mom mišljenju, ovo je neki budžet, status quo koji pokušava da održi neki okvir koji imamo iz.

Vibor Handžić (dopredsjedavajući)

Bio je odgovor samo da kažem, možda niste bili trenutno u sali. Stvarno jest, to sam upratio.

Muamer Bandić (zastupnik)

OK, onda se izvinjavam premijeru, oprostite, nisam čuo. Hvala. Prije svega kako je rekao premijer koji je ovo budžet? Ja ne vidim neke komponente razvojne u ovom budžetu. Bar se ne mogu prepoznati sada, pošto vjerojatno nekih 100 miliona se krije za prijedlog koji će kasnije biti uvršten, pretpostavljam u skladu sa dogovorenim politikama. Ali to je u redu, sve Vlade su to radile, pa nećemo stavljati ni ovoj Vladi to kao prigovor. Međutim, ono što ja ne vidim u ovom budžetu a to su te razvojne komponente, posebno u oblast prostornog uređenja ili prostornog razvoja Kantona Sarajevo. Nisam vidio da je Vlada se opredijelila da na neki način kvalitetno riješi Regionalni centar za upravljanje otpadom. Sredstva koja su izdvojena su vrlo skromna. Također, nisam primijetio da postoje neke posebne komponente infrastrukturnog razvoja Kantona Sarajevo, bar se iz nacra sada ne mogu vidjeti. Ne znam da li je premijer odgovorio na pitanje koliko je ukupno zaduženje Kantona Sarajevo po kreditima? Pitao sam to jednom već i ministra Štetu u onom dijelu koji se odnosi za njegov resor, ni tada nisam dobio odgovor. Što se tiče obrazovanja i nauke ja sam iznio neke određene sugestije i prijedloge kako bi trebao da izgleda taj nacrt, ministrica mi je dala odgovore, naravno, nisam zadovoljan tim odgovorima, ministrica evo da kažem u potpuno pogrešnom pravcu tumačila. Presude Ustavnog suda se ne tumače, ona se primjenjuju, nažalost, vidio sam da ministrica nije ni pročitala tu presudu iz jednog prostog razloga zato što se pozivala na Zakon, a upravo tim Zakonom u federalnom nivou je utvrđen povrede koje se odnosi na jedinice lokalne samouprave, a kada se govori o predškolskom i osnovnom obrazovanju. Mislim da smo korak dalje od te presude jer je u toj presudi utvrđeno da treba Kanton da preduzme aktivnosti koje su u Presudi utvrđene, a koje se odnosi na planiranje izmjene zakonske legislative i prilagođavanje ustvari onim odredbama zakona koje su utvrđene kao povrijeđene. Tako da u Nacrt Budžeta taj dio smo mogli prilagoditi ukoliko je bilo stvarne volje i stvarne namjere. Komentar ministrice da bi bilo jako teško to kontrolirati na lokalnom nivou i da bi bilo teško utvrđivati planove. Mislim da to uopšte nije bila tema presude. Planovi se utvrđuju, naravno, u onom obimu i u onoj mjeri i u nadležnosti koja i sad propisana zakonom. Teško je sada raspravljati sa nekim ukoliko smatra da je neki zakon iznad Europske povelje o lokalnoj samoupravi ili iznad presude Ustavnog suda, ali u svakom slučaju vidimo da politike nisu opredijeljene da se u narednoj budžetskoj godini takva vrsta presude i realizira. Odnosno da se legislativa prilagodi presudama. Ono što jest za mene zanimljivo da politike koje su utvrđene u ovom Nacrtu Budžeta ne prate Strategiju razvoja Kantona Sarajevo, bar ja ne mogu da prepoznam te politike. Postavio sam nekoliko pitanja premijeru i nisam dobio odgovor. Ta pitanja su se odnosila na holding, kako nam je on to rekao u svom Ekspozeu. Nisam vidio da je to planirano u Nacrtu, premijeru. Dakle, trenutni način realizacije sredstava koje se planiraju kroz kapitalni budžet, odnosno realizacija tih projekata mora se izmijeniti. Mi smo postali taoci uspostavljenih procedura. Potpuno je besmisleno uopšte nešto planirati ukoliko ti planovi trebaju da realiziraju nekoliko godina. Ne znam da li je uopšte moguće planirati išta u jednoj godini, što se stvarno može realizirati, ali evo mislim da je kolega Čičić to u svom jednom

uvodnom obraćanju dotakao se te teme i da je u dobrom dijelu on otklonio određene dileme na koji način smo mi obavezni da taj dio i prevaziđemo u skladu sa određenim izmjenama zakona. Ono što me zanima, ukupno zaduženje, dakle koliko je i da li je ono blizu 10 % od dozvoljenog zaduženja na osnovu Zakona o dugu i zaduživanjima? Prema nekim mojim informacijama da je taj iznos vrlo blizu i da trebamo dobro da obratimo pažnju i da definišimo koji su to ustvari naši prioritetni projekti koji će dobiti mogućnost realizacije kroz nova zaduženja. Namjenska sredstva su uglavnom blokirana zbog nedovoljne definisanosti njihove upotrebe, praktično su se pretvorila u svoju suštu suprotnosti. Tako da određeni projekti koji nisu interesantni ili prevažni, sada se uglavnom koriste nikako ili ne na zadovoljavajućom dinamikom. Mislim da se mora napraviti reforma kako bi ova sredstva bila brži i upotrijebljena. Što se tiče povećanja plata osnovice sa 3,30 na 3,85 to je jedno sistemsko rješenje ja ću to zaista podržati. U dijelu izvršenja sudskih presuda vidio sam da je izdvojeno 0,3, odsto od ukupno budžeta, to je jedna zakonska obaveza. Ne znam da li premijer i Vlada nova ima namjeru da ove presude jednom za sva vremena riješi. Zaista je zanimljivo da mi imamo zakonsku obavezu, odnosno zakonsku zateznu kamatu od 12 %, bilo koji kredit da uzmemo, to je 4, 5, možda 6 procenata. Mi bi na taj način smanjili zaista troškove ukoliko bi uzeli i zadužili se kreditno da realiziramo ove sudske presude, mislim da bi bilo krajnje vrijeme. Postoji velik broj ljudi koji to čeka, čak neki i to nisu ni dočekali, bar ne u životu. I mislim da je to jedan apsurd neviđeni, mada ne samo za ovu Vladu, sve Vlade su to radile, ali zaista ukoliko neka Vlada želi da bude javna i transparentna, ukoliko želi vladavinu prava, vladavinu zakona, da bi zaista morala da poštuje sudske presude. Ipak se to radi o zaposlenicima, državnim službenicima, ne znam zaposlenicima u Ministarstvu unutrašnjih poslova, obrazovanju, socijalu. To su pak krvotok ovog Kantona. Ne možemo ostati, da kažem, nijemi na sva ta njihova potraživanja, posebno ukoliko se radi o utvrđenim povredama nekog prava. Ja bih zaista podržao svaki budžet u kojem bi bila planirana sredstva za realizaciju svih ovih sudskih presuda. Ukoliko već Kanton Sarajevo stalno ističe da donosi tako dobre politike, tako dobre odluke, donijeli smo zakon, ne znam, o borbi protiv korupcije, koji ne znam u kojoj mjeri se primjenjuje, pa time se hvalimo, donijeli smo zakon porodiljama, pozdravljam taj zakon, zaista naknade su potrebne, međutim taj zakon nije imao fiskalnu procjenu. Sad imamo problem. Čuo sam i od premijera i od ministra, čini mi se, Osmanovića, koji se pozivaju da to treba uskladiti sa federalnim propisom i da će se u stvari u narednom periodu to pokušati uskladiti. Mislim da je to federalni propis i ustanovio to pravo i onda dao kantonima, u skladu sa svojom ekonomskom moći, da definiraju visinu tih naknada i da Kanton Sarajevo nije baš u najboljoj mjeri to planirao. To je bila jedna, kako to zna reći predsjedavajući Okerić nama, populistička mjera, ali ja tu ću populističku mjeru pozdraviti zato što su građani od nje imali korist i ja bih zamolio, evo, ovu Vladu, ukoliko možete jednu takvu populističku mjeru prilikom realizacije ovih sudskih presuda preduzme, ja bih zaista podržao to. Mislim da su ovi službenici Kantona Sarajevo, svi oni koji imaju potraživanja zaslužili da im se te presude konačno isplate. Ono što jest interesantno isto da put pacijenta o kojem stalno pričamo nikada nismo vidjeli u kojem pravcu Ministarstvo zdravstva to vodi. Ono što jeste interesantno da su samo određene ustanove iz oblasti socijalne zaštite provele javni pozive za specijalizaciju. Vidio sam da Dom zdravlja još to nije u radu, iako smo pri kraju godine. Bilo bi zaista korisno da na vrijeme preduzmemo sve aktivnosti, bilo bi korisno da planiramo mnogo više sredstava za takvu vrstu edukacija jer zaista na taj način jedino možemo zadržati naše mlade doktore da ne odu. Da ne odu odavde. Jesam li probio vrijeme?

Vibor Handžić (dopredsjedavajući)

Evo dao sam vam još pola minute jer sam vas prekinuo bio na početku diskusije.

Muamer Bandić (zastupnik)

Zahvaljujem se i oprostite što sam probio vrijeme.

Vibor Handžić (dopredsjedavajući)

Nikakav problem. Zastupnik Kalem izvolite.

Adi Kalem (zastupnik)

Zahvaljujem dopredsjedavajući. Nisam mogao a da ne prokomentarišem današnji Nacrt Budžeta Kantona Sarajevo za 2024.godinu, obzirom da sam i sam učestvovao u izradi i nacrtu i prijedloga nekada ranije. Budže Kantona Sarajevo predstavlja jedan strateški dokument kojim se na osnovu obaveza i prava, svakako želja određenih resora, te na osnovu potreba građana i društva pravi jasna slika utroška planiranih sredstava za narednu godinu. Međutim ono čega se ja želim dotaći, a tiče se Nacrta ovog Budžeta, mislim dosta toga je danas kazano, rečeno, dati su određeni prijedlozi šta bi se trebalo unaprijediti kroz samu javnu raspravu, odnosno šta bi, na šta bi trebalo staviti akcenat prilikom izrade Prijedloga budžeta za 2024.godinu. Ja ću se dotaći par stvari, a tiče se određenih stavki. Smatram da stavka u resoru Ministarstva saobraćaja transferi Gradu i Opštinama, odnosno novac koji je prezentovan tamo 400.000 maraka i koji je predviđen za investiciono održavanje i otvaranje novih parkirališta je nedostatan. Sve više i više vozila je u Kantonu Sarajevo, a sve manji je parking prostor, odnosno parking mjesta. Evo samo jedan podatak u prošloj godini je u Kantonu Sarajevo bilo 162.560 registrovanih vozila. Obzirom i na činjenicu i na osnovu istraživanja koja su provedena, građani Sarajeva oko 40 % vremena gube prilikom pronalaska parking mjesta i mislim da bi se trebalo jako puno više ulagati u saobraćaj u mirovanju i svakako smatram da se Kanton morao opredijeliti na izgradnju podzemnih garaža, naravno garaža koje su ekonomski isplative. Da li to kroz privatno javno partnerstvo ili u ličnoj režiji. Nigdje u resoru saobraćaja nisam primijetio sredstva za tekuće održavanje postojeće infrastrukture, prvenstveno mislim na stajališta prugu, kontaktnu mrežu, razumljivo je onaj da je aktualna izgrađena pruga pod garantnim, vjerojatno periodom. Pretpostavljam da je isti taj period aktiviran, pa stoga nije vjerojatno predviđena ta sredstva, a ova sredstva bi jako značila obzirom, ukoliko se nešto desi, operateri koji rade javnog prijevoza su prvi ti koji u uoče to i rješavaju tu problematiku i ovi novci bi im jako puno dobro došli, odnosno značili za njihovo poslovanje i nabavku određenih dijelova. Što se tiče MUP-a Kantona Sarajevo, napokon nabavka opreme za Upravu policije iz domaćeg zaduženja od 3,5 milijuna konvertibilnih maraka, iskreno se nadam da će ova nabavka doprinijeti radu policijskih službenika, te da će naši časni i svugdje prisutni policajci napokon imati adekvatnu opremu i adekvatne uslove za rad. Dosta kolega je danas u sklopu Ministarstva privrede istakao problem nedostatka i mi smo kroz Komisiju, kolegica Klarić je to napomenula, nedostatna sredstva za poticaje u poljoprivredi. 5,6 000 000 konvertibilnih maraka, a stvarne potrebe za cirka 10 000 000. Čak smatram i da su nedostatna sredstva za zaštitu vodotoka i inutacionih područja, gdje je cifra prezentovana za samo 3,2 milijuna KM, i sam ministar je isto napomenuo finansiranje troškova segmenata zajedničke i individualne komunalne potrošnje od 10 000 000 je nedostatan, da su stvarne potrebe 32 000 000 konvertibilnih maraka. Zbog javnosti, ono što mi je zaparalo oči uši, a tiče samog Nacrt Budžeta Kantona Sarajevo citiram: "Obzirom na strukturu kreditnog portfolija Kantona Sarajevo stanje na dan 30.09.2023.godine, gdje veće učešće ino duga u ukupnom dugu, najveći dio ino duga ugovoren sa promjenjivom kamatnom stopom, kreditni portfolio je visoko izložen kamatnom riziku. Uzevši u obzir sve prethodno navedene parametre prema projiciranim podacima Kantona Sarajevo, Kanton Sarajevo će dostići limit predviđen Zakonom o dugu, zaduživanju i garancijama u Federaciji Bosne i Hercegovine 10 % ostvarenih prihoda, bez primitka u prethodnoj fiskalnoj godini, i to godinama 2026. -10,09 %, 2028.- 11,20 i 2029.- 10,54, što je uistinu strašno i Kanton Sarajevo

ulazi u period dužničkog ropstva. Smatram da je aktualni Nacrt Budžeta Kantona Sarajevo poguban za građane Kantona Sarajevo i iskreno se nadam da će se u Prijedlogu budžeta pojaviti sredstva, opet govorim iskustveno, pogotovo onaj iz razgraničenja budžeta koja se nisu uspjela utrošiti. Ja ću svakako kroz javnu raspravu i eventualno amandmanski djelovati na sami Prijedlog, da li kroz Klub, da li samoinicijativno na Prijedlog budžeta Kantona Sarajevo za 2024.godinu. I ono što sam primijetio, ako sagledamo znači jasnu sliku koja je predstavljena kroz sam Nacrt Budžeta, vidi se brzina, vidi se pa i nespremnost i nespretnost i loše planiranje sredstava za pojedine resore. A i čuli smo od pojedinih ministara da nisu bili upućeni u samu izradu Nacrta, što je i razumljivo jer su naknadno imenovani poslije same kašem, pripreme Nacrta Budžeta. Po svemu ovome što vidimo, ovo je najviše dužnički budžet koji će se u konačnici negativno odraziti na građani Kantona Sarajevo. Zahvaljujem.

Vibor Handžić (dopredsjedavajući)

Zastupnica Vujović, druga diskusija.

Vedrana Vujović (zastupnica)

Zahvaljujem dopredsjedavajući. Pa iskreno da vam kašem, nisam očekivala da će ova druga diskusija biti tako brzo, s obzirom da sam očekivala da će se zastupnici iz nove skupštinske većine možda malo više uključiti u ovu diskusiju jer su i sami imali dosta pitanja koje sam smatrala vrlo kvalitetnim, pa da će ja iznijeti neko svoje mišljenje i svoj stav, ali evo, očigledno je da je u pitanju jedna ozbiljna skupštinska disciplina. Ja vam čestitam na tome. Što se tiče druge diskusije, mislim da su kolege rekle dosta i zamjerki i kritika na sve ostalo i ja samo u prvoj diskusiji, ali evo, iskoristit ću ove 3 minute da kašem da ovo je definitivno što je kolega Kalem rekao jedan dužnički budžet, to je sigurno, to je definitivno prava prava riječ i postavlja se pitanje zašto, evo, samo ovoj godini nismo se okrenuli grantovima EU, nego već se planira i planiraju se i koriste se krediti. Ja ću vam probati odgovoriti možda na to pitanje, zato šta kad uzmete ili dobijete Grant EU ili bilo koje druge međunarodne organizacije, internacionalne organizacije, nije ni bitno, taj novac mora da pravdate, morate ga pravdati u fening, a kada uzmete kredit, pa mi vidimo iz ranijih saziva Vlada i skupštinskih većina da se ti krediti utroše ili se ne utroše il, se preusmjeravaju, a sve to u konačnici ide na naplatu građanima Kantona Sarajevo. I evo, zato iz ovog razloga, vjerojatno zbog tog razloga danas imamo ovakav budžet i imamo ovakav zapravo Nacrt Budžeta koji i ako se popravi u prijedlogu, očigledno neće biti, izvjesno je da neće biti zapravo zadovoljavajući za sve, a naročito za one kategorije koje sam ranije pominjala, a tzn socijalne kategorije, obrazovanje, boračka populacija i zdravstvo. To su, moram reći, 4 sektora, svaki je sektor, naravno, bitan, svaki resor jednako bitan, jednako je komunalna privreda, ali ova 4 resora su koja sam nabrojala iz moje perspektive najvažnija i u njega se mora ulagati bez obzira kakav je budžet, bez obzira na zaduženje i sve ostalo. Tačno je da u komunalnoj privredi imamo objektivno, najviše je problema i to smo se uvjerali kroz ove izvještaje o poslovanju iz '21.godine, a pripremajući za ovu 11. sjednicu vidim da u '22.godini, uopće nije bila neka bolja situacija. U svakom slučaju, kao što je i kolegica Marijela najavila, Klub Demokratske fronte, nažalost, ovakav Nacrt Budžeta ne može podržati i neće podržati. Evo, iskoristit ću priliku da svim građanima Kantona Sarajevo, koji nas i gledaju, poželim sretan nastupajući praznik, Dan državnosti Bosne i Hercegovine. Hvala lijepa.

Vibor Handžić (dopredsjedavajući)

Zastupnica Marijela Hašimbegović, druga diskusija.

Marijela Hašimbegović (zastupnica)

Zahvaljujem se dopredsjedavajući. Svojom drugom diskusijom želim podcrtati ono što sam u prvoj diskusiji željela istaći kada smo se referirali po pitanju netransparentnosti ovog Budžeta, ali prevashodno želim pojasniti da je nama iz opozicije potpuno jasno da, mislim trebamo biti realni, trebamo razumjeti zašto je došlo do umanjjenja budžeta od 200 miliona. Također, mi razumijemo da je u ovaj Budžet ugrađena povećana osnovica za gotovo 14 000 uposlenika budžetskih ustanova i da je to na neki način dodatno poremetilo određenu ravnotežu. Svakako možemo razumjeti da je došlo do umanjjenja domaćeg zaduženja, ali na račun ino zaduženja. Međutim, sve te stvari naprosto su vrlo nevjeste u ovom budžetu izbalansirane. I ponovo želim reći da su izlaganja ministara potkrijepile moju sumnju, pa ću se, evo, referirati na uvaženog ministra komunalne privrede, infrastrukture, prostornog uređenja, građenja i zaštite okoliša, gdje je na moje pitanje kako prepoznamo ustvari, ulaganje u stavku koja se odnosi i na komunalnu higijenu i na povećanje kvaliteta našeg zraka, i sam je odgovorio da nije čitljivo naprosto čitanje pozicija na ovu temu i da ni on ne može sa sigurnošću reći šta su to ustvari kvalitetni odgovori koji se mogu prepoznati u ovom Budžetu po ovom pitanju. Sljedeće što mogu reći jeste da, mi smo nedavno usvojili izgradnju zgrade Ministarstva unutrašnjih poslova i tačno moje pitanje je bilo za koji period će se izgraditi ovaj objekat? Od uvaženog ministra dobili smo odgovor da će to biti vrijeme u naredne tri godine. Međutim, u ovom budžetu nema predviđen gotovo ni 1 konvertibilna marka za realizaciju. I kako se mi onda možemo referirati prema nečemu što smo već usvojili, a ne možemo prepoznati i ne vidimo u ovom Budžetu. Budžet je strateški dokument. Ovo je lična karta Kantona Sarajevo, ovo su uslovi našeg života i našeg rada, života i rada i djelovanja svih nas, života i kvaliteta odrastanja naše djece i zato očekujem, bez obzira što mi nećemo podržati ovaj Budžet, mi ćemo zajedno sa vama učestvovati u kreiranju i u radu u javnoj raspravi, kao i u kreiranju amandmana i pokušaju unapređenja Prijedloga budžeta. Ali kao što je kolega Alem rekao, vidi se brzina i vidi se nedostatak vizije i očekujem da će ova nova Vlada na neki način napraviti ovaj balans i da će koliko toliko donijeti jedan kvalitetniji dokument. Hvala, završila sam, hvala lijepa.

Vibor Handžić (dopredsjedavajući)

Zahvaljujem. Zastupnik Selmanović, druga diskusija.

Faruk Selmanović (zastupnik)

Zahvaljujem. Ovo stvarno disciplina je čestitam, čestitam. Budžet jeste najbitniji dokument za Vladu i ona odražava onako kako će Vlada u narednom periodu da rade. Pazite, stalno spominjemo mlade. I puno nam usta mladih kako trebamo zadržati ljude, kako ne trebamo dopustiti da odu, a u Nacrt Budžeta ne vidimo ništa što je konkretno za mlade, što me najviše interesuje, a to je šansa za posao, zasnivanje porodice i rješavanje stambenog pitanja. Obzirom da je ovo prijedlog nacrta, ja se nadam do Prijedloga da će se ove stvari izmijeniti i da će ova Vlada pokazati senzibilitet za mlade i da ćemo u Prijedlogu budžeta vidjeti izmijenjene ove stavke, a naročito dio koji se odnosi na zaposlenje, zasnivanje porodice i rješavanja stambenog pitanja. Ovdje smo slušali kako je kultura jako bitan segment i mislim da stavke koje su određene za kulturu nisu dostatne. Pazite, kultura je jedna grana koja može da povuče za sobom razvoj privrede, pogotovo ugostiteljstva, hotelijerstva, prijevoza i mislim da se ta stavka treba povećati, ali moramo dobro voditi računa da se taj novac ne bude trošio na kulturne manifestacije kao što su kultura na ulici ili ono što smo imali nedavno u Rektoratu, ona kultura koju mi tražimo, tražimo da ogleda naše tradicionalne vrijednosti i da pokazuje ono što je duh Sarajeva, ali da nam je kultura potrebna, itekako nam je potrebna. Ja se opet moram referirati na naše policajce. Na one koji su na ulicama, koji osiguravaju našu sigurnost, red i mir u našem gradu. Evo, vidimo da Budžet nije izvršen, da sredstva nisu utrošena, pa ja ovdje predlažem da

ta sredstva prebace i nabave odgovarajuća sredstva za Ministarstvo unutrašnjih poslova, nabave uniforme, rezervne uniforme, uniforme za promijeniti, bolja taktička sredstva, bolja vozila, taktička vozila. Pazite, Sarajevo je glavni grad i imamo ovdje u proteklom periodu grubo kršenje javnog reda i mira, obračuni kriminalnih grupa, imamo femicide, nasilje u porodici, pljačke, otimačine, zato nam trebaju jaka opremljena policija po EU standardima. Komunalna privreda, to je ogledalo grada i ja se nadam da sredstva u Budžetu koja su sad namijenjena za komunalnu privredu neće biti korištena za kupovinu skupih mobitela od po 6, 7000 maraka ili elektronski trokolica koji ništa ne mogu koristiti u gradu koji je većinu godine prekriven snijegom. Ja se nadam da se sredstva za komunalnu privredu koristiti za nabavu vozila adekvatnih odlagališta za otpad i naravno da ćemo napokon krenuti sa reciklažom i prikljupanjem otpada. Evo, predsjedavajući 10 sekundi preko.

Vibor Handžić (dopredsjedavajući)

Zastupnik Kapidžić, druga diskusija.

Faruk Kapidžić (zastupnik)

Zahvaljujem. Dakle, nastavak prve diskusije. Ono što sam pričao da političke stranke se zovu političke stranke zato što sprovode politiku, a dio politike, glavni dio je budžet i planiranje šta će se raditi u idućoj godini. Kako mi iz ovoga, bar ja ne vidim, ne vidim nikakvu politiku izuzev korištenje resursa onako šta ko stigne da dohvati, dohvati. Moram da kažem da mi je poprilično žao u toj većini da ovaj da se, recimo, nalazi moj kolega Damir Marjanović, koji, evo, čeka 10 i više godina ozbiljnu ekipu da sprovede reformu obrazovanja ili da nešto uradi ozbiljno. Dobro, ja ga shvatam, neće čekati dovijeka i onda ulazi u ovakve stvari, mora glasati, a stomak ga boli, to znam. Isto smatram i za gospodina Aljošu Čamparu, koji je bio još davno, kada je Denis Zvizdić, ovaj vodio Kanton, koji je to bio nivo u odnosu na ovaj, dobro je svjestan svega toga, ali eto, izgleda da mora da ovo prati i do kad će, vidjet ćemo. U svakom slučaju, ovaj, ako bi se bilo ko zagledao malo ozbiljnije, upitao bi se po stavkama sada, upitao bi se stvarno šta se ovdje radi. Ako kažemo, opet se vraćam na Ministarstvo saobraćaja, bez koda Projekat sanacije, rekonstrukcije i modernizacije tramvajske pruge u Sarajevu 39 451 141 marka, a u to ne spadaju u tramvaji, onda ja ne znam jel se ovdje sanira pruga koja je napravljena, što vam je bio najveći projekat ili šta se ovdje sanira, a gotovo isto para kao i što kada je osnovni ugovor bio, znači blizu 40 miliona. Onda, onda, recimo, politika Ministarstva unutrašnjih poslova, odnosno Uprave policije, politika za bezbjednost građana u gradu, pješaka, proširenje sistema stacionarnih radarski uređaj na autocestama u Kantonu 1 340 000 maraka. I to pazite na autocestama u Kantonu, pa mi u Kantonu imamo jedan komadić, komadić ali jedan autoceste, ali ovdje se to diže na autocestama, isto ko da imamo 1000 km na Kantonu autocesti i onda se stavlja 1 340 000 za bezbjednost pješaka koji na autocestama ne smije biti, nema ih. Hvala.

Vibor Handžić (dopredsjedavajući)

Zastupnik Šaljić druga diskusija.

Jasmin Šaljić (zastupnik)

Hvala predsjedavajući. U ovoj drugoj diskusiji malo ću se osvrnuti na Srebrenicu, na ovaj Zakon o Srebrenici. Vlada Kantona je obećala još prošle godine, nekad pred izbore, da će stavite u funkciju taj Ured za Srebrenicu, da će to biti završena do obilježavanja godišnjice genocida prošle godine. Nije bio. Zatim je objavljen i konkurs za direktora, koliko ja znam, nije ni direktor izabran, imenovan, niti je konkurs poništen. Zašto je usvojen Zakon o Srebrenici, i to je pitanje, kada nije implementirana ni jedna marka od onih 2 000 000 maraka što je odvojila Vlada Kantona Sarajevo. Evo zašto je usvojen zakon, vi ste se tim hvalili,

govorili da će se sve sistematski rješavati i pomagati, a onda Kabinet predsjedavajućeg bez njegovog znanja, kako on kaže, dijeli sredstva iz Javnog poziva za održivi povratak. Ja vam ne znam kad se to desilo da su zastupnici u Skupštini Kantona Sarajevo dali mogućnost ili vjerovatno su morali dati zastupnici mogućnost da Kabinet predsjedavajućeg ima na raspolaganju toliku svotu novca. Ja, sjećam se premijera Forte prije četiri, pet godina, on je bukvalno bježao od ovih sredstava i od ovog načina dodjele sredstava. Vidimo da je premijer Uk nešto vrlo malo znači tačno, pod nekim pritiskom. Zašto vi niste ko ljudi oformili komisiju za održivi povratak, pa u nju stavili nekoliko članova, zastupnika iz Skupštine, nekoga iz Vlade, iz finansija, pa napravili kriterije koliko organizacije, koliko lokalne samouprave, koliko pojedinci, koliki je omjer 20%, 80 %, koliko može da dobije pojedinac? Jel to 2000, 5000, 10.000, Koliko vjerska zajednica, ne znam ili mjesna zajednica. Ne bi bili u ovim problemima. Komisija, a ta Komisija koja odradi taj posao na terenu lijepo stavi zastupnicima u Skupštini Kantona Sarajevo, pa oni to da razmatraju, pa dadnu podršku, podrže izvještaj i tu ljudi nikakvih nema problema. Komisiju možete uraditi iz pozicije i opozicije. Ova stavka mora biti održivi povratak, jel to preko kabineta, jel to preko Vlade ili preko ministarstva, jel mi kao zastupnici da učestvujemo u tome, znači ona postojati mora. Ali daj kako da izbjegnemo mi vidite šta se izdešavalo. Ja

Vibor Handžić (dopredsjedavajući)

Moram vas na vrijeme samo upozoriti.

Jasmin Šaljić (zastupnik)

Nisam, ne pominjem nikakve afere, nisam ništa rekao, jedino ako me za vrijeme.

Vibor Handžić (dopredsjedavajući)

Ne, ne. Vrijeme, tri minute je diskusija, zbog toga.

Jasmin Šaljić (zastupnik)

Htio sam da završim rečenicu. Ja poznajem predsjedavajućeg Okerića, ja znam iz kog je on džemata. i znam ja njegov habitus, ja tvrdim da on nije tu ni jednu marku, jer takav je on čovjek, ali tvrdim da su došle marke, možda da to nije sistematski pregledano, gdje ne trebaju. I da je ta komisija neophodna. Eto, toliko.

Vibor Handžić (dopredsjedavajući)

Zahvaljujem. Zaključujem raspravu s obzirom da nema. Pa zaključio sam raspravu. Poslovnička. Pa stanite, samo da završim. Zaključujem raspravu. Izvolite zastupniče Selmanović.

Evo, pauza pola sata.

NASTAVAK NAKON PAUZE

Elvedin Okerić (predsjedavajući)

Nastavljamo sa radom sjednice Skupštine Kantona Sarajevo. Zaključili smo raspravu.

Predlažem da Skupština po Nacrtu Budžeta Kantona Sarajevo za 2024. godinu donese sljedeće zaključke:

1. Utvrđuje se Nacrt Budžeta Kantona Sarajevo za 2024.godinu.
2. Javna rasprava održat će se u kantonalnim organima uprave, jedinicama lokalne samouprave, kantonalnim ustanovama i javnim preduzećima, i trajat će 15 dana.

3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Budžeta Kantona Sarajevo za 2024.godinu.

Molim zastupnice i zastupnike da pristupe izjašnjavanju o predloženim zaključcima.

Zaključujem glasanje. Za je glasalo 19 zastupnika, protiv 3, suzdržana 2.

Konstatujem da je Skupština donijela ovu Odluku.

Prelazimo na tačku. 3.

AD-3.

NACRT ZAKONA O IZVRŠAVANJU BUDŽETA KANTONA SARAJEVO 2024. GODINU.

Nacrt zakona smo dobili uz poziv za sjednicu. Ima li potrebe da predstavnik Predlagača podnese uvodne napomene? Nema. Da li predstavnici radnih tijela žele riječ? Ima li pitanja? Otvaram raspravu. Jeste li se javili kolega Kapidžiću ili? Jel želite da. Izvolite, kolega Kapidžiću, rasprava.

Faruk Kapidžić (zastupnik)

Zahvaljujem. Možda je malo čudno raspravljati o ovome, ali meni je još čudnije što je uopšte ovo na dnevnom redu. Volio bih da znam Nacrt Zakona o izvršenju Nacrta Budžeta. Mislim, ja sam se začudio mnogim stvarima koje su tu formalne itd, ali kakvog izvršenja nacrta Budžeta? Sad, naravno, sada ćete mi sto i jednu ovaj član zakona, ovo, ono, pravno uporište, Dejton, ne znam ni ja šta da to mora biti, ali bez obzira što mora biti, ne mora biti ta glupost 100 godina, to se treba skinuti. Mi smo imali Nacrt Budžeta i uz Nacrt Budžeta ne treba ići na Nacrt Zakona o izvršenju Nacrta Budžeta. Pa eto ovaj, bilo bi fino kada bi mi je replicirali, to ne bilo loše. Možda mi je to i cilj. Znači, molim vas, nemojte dobacivati, nego replika. Vidite da se trudimo, ali nikako. Pa moramo malo ipak, nema ni Devića, ni Zahiragića, moramo, dajte pomozite nam malo. Ali bez obzira, ja imam svojih 10 minuta jel. A stvarno i da nije ovoga, javio bi se i ozbiljno pitao ljudi moji, ovo nije normalno da raspravljamo Nacrtu o Zakonu o izvršenju Nacrta Budžeta, to je totalno trivijalno, ali, eto, to stoji u paketu i to ko ide tačka, ko nešto i onda kažete sto tačaka smo obradili, usvojili nešto građanima kažete, a takve tačke idu da ne mogu da vjerujem. Tako da, e sad ćemo ići po članovima ovog Nacrta o izvršenju budžeta i diskutovat član po član ima da to sad dobro rastresemo, negdje do 12 navečer da mi vidimo, jel to ok? Nemoj ba Faruk da se smiješ, nego javi se za raspravu. Hvala.

Elvedin Okerić (predsjedavajući)

Zahvaljujem. Zaključujem raspravu, s obzirom da nema više prijavljenih. Zaključujem raspravu, zaključio sam je. Niste se bili javili, zaključio sam raspravu, žao mi je.

Predlažem da Skupština po Nacrtu zakona o izvršavanju Budžeta Kantona Sarajevo za 2024.godinu, donese sljedeće Zaključke:

1. Utvrđuje se Nacrt zakona o izvršavanju Budžeta Kantona Sarajevo za 2024.godinu;
2. Javna rasprava održat će se u kantonalnim organima uprave, jedinicama lokalne samouprave, kantonalnim ustanovama i javnim preduzećima i trajat će 15 dana.

3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o izvršavanju Budžeta Kantona Sarajevo za 2024.godinu.

Molim zastupnice i zastupnike da pristupe izjašnjavanju o predloženim zaključcima.

Zaključujem glasanje, molim službu da objavi rezultate glasanja.

Za je glasalo 19 zastupnika, protiv 3, suzdržana 2. Konstatujem da je Skupština donijela ove zaključke.

Povodom 25. novembra, Dana državnosti Bosne i Hercegovini, praznika koji sutra s ponosom obilježavamo, u ime Skupštine Kantona Sarajevo i u svoje lično ime, upućujem čestitku svim Bosancima i Hercegovcima u zemlji i u svijetu, svjesni odgovornosti i obaveze očuvanja njenog teritorijalnog suvereniteta, integriteta, prosperiteta svi njenih naroda i građana i njegovanja vrijednosti koje naša jedina domovina baštini.

Obzirom da smo iscrpili sve tačke današnje dnevnog reda, zaključujem rad na 12. Radnoj sjednici Skupštine Kantona Sarajevo i zahvaljujem se zastupnicima na prisustvu.